

LOS HECHOS

Jesús ïgũ buedoregũ beyenerãrê: “Õãgũ deyomarïgũ aarïgũkumi”, ãrï weredeadea (Lc 1.1-4)

¹ Opũ Teófilo, yũ mũrê gojadupiyudea pũguere Jesús neõgorague irinũgãdeare, ïgũ buedea ããrïpererire gojabũ. ² ïgũ ãmũgasigue mũrïaburo dupiyuro Õãgũ deyomarïgũ turaro merã ïgũ buedoregũ beyenerãrê: “Ãsũ irirãkoa”, ãrï weredeadea gojabũ. ³ Jesús ïgũ boa, masãdero pũrũ, ïgũsãrê cuarenta nũrïgora deyoayupũ. Irasirigũ ïgũ dupaturi okarire ïgũsãrê õãrõ masïmakũ iriyupũ. Marïpũ ïgũyarãrê doreri kerere ïgũsãrê wereyupũ.

⁴ Jesús ïgũsã merã ããrïgũ, ïgũsãrê ãsũ ãrïyupũ:

—Jerusalêta dujaka dapa! Iripoegue Yũpũ: “Õãgũ deyomarïgũrê mũsãrê iriugũra”, ãrïdeare yúka! Irire weresiabũ. ⁵ Juan mũsãrê deko merã wãiyedi ããrïmï. Yũ gapũ mérõgã pũrũ mũsãrê Õãgũ deyomarïgũ merã wãiyegũkoa, ïgũ mũsã merã ããrïnkõãburo, ãrïgũ, ãrïyupũ.

Jesús ãmũgasigue mũrïadea

⁶ Pũrũ ãtãũ Olivos wãïkũdigue Jesús merã nerê, ïgũrê sêrêñañurã:

—Gũa Opũ, ¿dapagorare gajigũ gũaya nikũmũrê gũare dorebure, opũ pígũkuri? ãrïñurã.

⁷ Jesús ïgũsãrê yũjũyupũ:

—Yupɥ sugɥta masĩmi. Īgũ irasũta waaburo, ãrĩmakũ irasũta waarokoa. Musãya meta ããrã i. ⁸ MÉRŌGĀ pɥɥ Yupɥ Ōãgũ deyomarĩgũrē iriugɥ, musārē Īgũ turarire opamakũ irigɥkumi. Īgũ irasirimakũ, musã gũiro marĩrŏ gũñaturari merã masakare yaa kerere wererã waarãkoa. Jerusalén marārē, Judea nikũ marārē, Samaria nikũ marārē, ããrĩperero i nikũgue ããrĩrãrē wererã waarãkoa, ãrĩyupɥ Jesús Īgũ buedoregɥ beyenerãrē.

⁹ Īgũ irasũ ãrĩ wereadero pɥɥ, Marĩpɥ ãmugasigue Īgũrē ãĩmɥrĩãkŏãyupɥ. Īgũsã Īgũrē ĩãmutɥyamakũ, su yebo ĩĩmikãyebo túbiakŏãyuro. Irasirirã Īgũrē neŏ ĩãnemobiriñurã. ¹⁰ Īgũsã ĩãmutɥyaripoe gũñaña marĩrŏ pērã ãma surĩ boreri sãñanerã Īgũsã pɥro deyoa, ¹¹ ãsũ ãrĩñurã:

—Galilea marã, ¿nasirirã ãmugasire ĩãmunĩrĩ? Jesús ãmugasigue mɥrĩagɥta dupaturi i ãmugueere aarigɥkumi doja. Musã Īgũrē mɥrĩãmakũ ĩãrŏsũta aarimakũ ĩãrãkoa, ãrĩñurã.

Judare gorawayurã, Matías wãikɥgɥre beyedeã

¹² Irasiri, pɥɥ Jesús buedoregɥ beyenerã Olivos wãikɥdi ãtãũgue ããrãnerã dijãa, Jerusalēgue dujáakŏãñurã doja. Iri makã pɥrogã ããrĩyuro iri ãtãũ. ¹³ Dujaja, Īgũsã kãrĩrĩ taribu ãmarŏma taribugue ñajãkŏãñurã. ĩĩsãkɥ ããrĩñurã: Pedro, Santiago, Juan, Andrés, Felipe, Tomás, Bartolomé, Mateo, Simón celote wãikɥrĩ bumɥ, Santiago Alfeo magũ, Judas Santiago magũ ããrĩñurã. ¹⁴ Gajirãde Īgũsã merã nerēñurã: Jesús pagɥpũrã, Jesús pago María, gajirã nome ããrĩñurã. Ūmɥrikɥ iri taribugue Marĩpɥre sērēmurã nerēñañurã.

15 Sunu ĩgũsã merã gajirã Jesúre buremurã ciento veinte gora nerẽñurã. Irasirigu Pedro ĩgũsã watopegue wãgãñugã, ĩgũsãrẽ ãsũ ãriyupu:

16-17 –Yaarã, gũa Judas merã pe mojõma pere su gubu peru pẽrẽbejarãgora ããrãdibu. Jesús guare beyederosũta ĩgũdere beyeadimi, gũa merã ĩgũya kerere weredoregu. Judas gapu Jesúre peresugue ñeãwãgãmurãrẽ ĩgũrẽ ĩmumi. Oãgũ deyomarĩgũ Judas waaburire Davire iripoegue gojadorederosũta diayeta waabu. 18 ĩgũ Jesúre oparãguere ĩmudea wajare ĩgũsãrẽ wia, makã ojarogue waa, dipuru gapu merã meêmejã, ĩgũya paru meé ooreakõã, gũramisĩ wirisiri kõmoakõãyupu. Irasirirã oparã iri niyeru merã ĩgũ meêmejãdea nikũrẽ wajariñurã. 19 Judas irasũ waadeare ããrĩpererã Jerusalén marã péperekõãñurã. Irasirirã, ĩgũ irasũ waaderore: “Acéldama” wãiyenurã. “Acéldama”, ãrĩrõ, ĩgũsã ya merã: “Dí béodero”, ãrĩdũaro irikoa. 20 Iripoegue Salmos wãĩkuri pũgue ãsũ ãrĩ gojasũdero ããrĩbũ Judare:

ĩgũya wii ããrĩdero masaka marĩrõ dujaburo. Neõ sugu ĩgũ ããrĩderore dupaturi ããrĩbirikõãburo, ãrĩ gojasũdero ããrĩbũ.*

Ãsũ ãrĩ gojasũdero ããrĩbũ doja:

Gajigu ĩgũya moãdeare gorawayuburo, ãrĩ gojasũdero ããrĩbũ.*

21-22 Irasirirã marĩrẽ sugu Judas gorawayugure beyero gããmea. Sugu, gũa merã ããrĩdire, Juan marĩ Opu Jesúre deko merã wãiyemakũ ĩãdire, ããrĩpereri Jesús irideare ĩãdire, Marĩpu ĩgũrẽ

* 1:20 Sal 69.25 * 1:20 Sal 109.8

ũmugasigue ãimurĩãmakũ ããdire beyero gããmea. Irasirigũ, Jesús boadigue masãdeare gũa merã weregũ waagũkumi, ãrĩyupũ Pedro.

²³ Ìgũ irasũ ãrĩmakũ pé, pẽrãrẽ beyeñurã. Sugũ José wãikũyupũ. Gajirã ãgũrẽta “Justo”, gajirã “Barsabás” wãiyenerã ããrĩmã. Gajigũ Matías wãikũyupũ. ²⁴⁻²⁵ Beye odo, ãsũ ãrĩ sãrẽñurã Marĩpũre:

—Gũa Opũ, mũ ããrĩpererã masaka gũñarĩrẽ ããrõ masã. Judas ãgũ dapagora ããrĩrõgũe waagũ, mũya kere weredoredeare pirikõãmi. Sugũ ãgũ gor-awayubure beyesiabũ mũ. Irasirigũ mũ beyeadire ãmuka gũare! ãrĩñurã.

²⁶ Irasũ ãrĩ odo, peye ãtãyegãgue Matías, José wãirẽ goja, puuigãgue sã, suye ããrĩñurã. Matías wãrĩ gojatũadeayere ããrĩ bokañurã. Irasirirã Matĩare: “Gũa pe mojõma pere su gubu suru pẽrẽbejarã ããrãnerã merã Jesũya kerere weregũ waagũkoa”, ãrĩñurã ãgũrẽ.

2

Õãgũ deyomarĩgũ Jesũre bũremurãrẽ ejadea

¹ Pentecostés* wãikũri bosenu ããrĩmakũ, ããrĩpererã Jesũre bũremurã ãgũsã nerẽdea wiigueta nerẽñurã. ² Pũrũ gũñaña marĩrõ ãmugasigue mirũ bũro aarĩrõsũ, ãgũsã ããrĩrõgũere bũro bũsũ dijiriyuro. ³ Irasũ waaripoe peame ããrĩrĩ pũrã dijari, nediru irĩrosũ deyori masakakũre dipu weka deyoayuro. ⁴ ããrĩpererã Õãgũ deyomarĩgũrẽ

* **2:1** Pascua bosenu waadero pũrũ, cincuenta nrĩ pũrũ, Pentecostés wãikũri bosenu waayuro.

opatari, ĩgũ iritamurĩ merã gaji masã ya ĩgũsã dupiyuro werenĩbirideare werenĩngãñurã.

⁵ Iripoere wãrã judío masaka ããrĩpereri nikũ marã Jerusalẽgue ejanerã ããrĩmã. ĩgũsã buremurĩrẽ õãrõ tuyarimasã ããrĩñurã. ⁶ Irasũ busurire pãrã, Jesúre buremurã purogue nerẽwãgãñurã. Irogue masakakũ ĩgũsãya werenĩrĩ merã Jesúre buremurã werenĩmakũ péñurã. Irasũ waarire pémasĩbiriñurã. ⁷⁻⁸ Irasirirã ĩãgũka, ãsũ ãrĩ gãme werenĩñurã:

—¿Nasirirã ĩgũsã Galilea marã ããrĩkererã, marĩ yare õãrõ werenĩrĩ? Marĩ deyoadea nikũ marã irirosũ werenĩma. ⁹ Marĩ gajiro marã ããrã. Partia marã, Media marã, Elam marã, Mesopotamia marã, Judea marã, Capadocia marã, Ponto marã, Asia marã, ¹⁰ Frigia marã, Panfilia marã, Egipto marã, Libia Cirene wãĩkũri nikũ tũro marã ããrã. Marĩ Roma marãde õõguere naarĩmasã ããrã. ¹¹ Surãyeri judío masaka, gajirã judío masaka ããrĩbirikererã, judío masaka irirosũ buremurã õõguere ããrã. Creta marã, Arabia marãde marĩ merã ããrĩma. Irasirirã marĩ ããrĩpererã gajiro marã ããrĩkererã, marĩ ya merã ĩĩsã õãrõ werenĩmakũ péa. ĩgũsã Marĩpũ õãrõ iridea kerere werenĩrã yãma, ãrĩñurã.

¹² Irasirirã ããrĩpererã pégukakõãñurã.

—¿Nasiriro irasũ waari? ãrĩ gãme werenĩñurã.

¹³ Gajirã gapũ:

—Mejãrã yãma, ãrĩ buridañurã.

Pedro masakare weredea

14 Īgūsā irasū ārīmakū pégu, Pedro gajirā pe mojōma pere su gubu suru pērēbejarā Jesús buedoregū beyenerā merā wāgānūgā, buro busuro wereníyupu:

—Musā āārīpererā judío masaka ōōgue Jerusalēgue āārīrā ōārō péka yu wererire! 15 Musā guare: “Mejārā yáma”, ārī gūñarā, diaye gūñabea. Goeripoe dupiyuro āārā dapa. Irasirirā gua mejārā meta yáa. 16 Gua irasū werenírīrē Joel Marīpuya kerere weredupiyudi āsū ārī gojadi āārīmí:

17-18 Marīpu āsū ārīmi: “I ūmu pereburo dupiyuro Ōāgū deyomarīgūrē iriugura, masaka āārīpereri buri marārē. Irasirirā musā pūrā ūma, nomede yaa kerere wererākuma. Maamarā kērō irirosū, mūrā kērōgue yu ĩmurīrē ĩārākuma. Yu dorerire irirārē ūmarē, nomedere Ōāgū deyomarīgūrē iriugura. Irasirirā, yaa kerere wererākuma.

19 Yu ūmugasiguere gajirosūperi deyoamakū irigura. I nikūdere dí, peame, ĩmikā deyoamakū irigura.

20 Abe ūmumu naītīāgukumi. Abe ñamimu dí irirosū deyogu waagukumi. Musā Opu i ūmuguere dupaturi aariburo dupiyuro irasū waarokoa. Īgū aarirínu goerínu āārīrokoa. Ubu āārīrīnu āārībirikoa.

21 ‘Yu Opu, tauka yure!’ ārīgūnorē taugura”, ārīmi Marīpu, ārī gojadi āārīmí Joel.✧

22 ‘Musā Israel bumarā yu wererire ōārō péka! Marīpu Jesúre Nazaretmurē iriudi āārīmí.

✧ 2:21 J1 2.28-32

Jesús musã p̄rogue ããrĩgú, Marĩp̄u turari merã p̄rĩrikurãrẽ tau, wãtẽa masakare ñajãnerãrẽ béowiu, boanerãrẽ masũdi ããrĩmí. Irasiriḡu Jesús, Marĩp̄u iriudi ããrĩsĩã, ìgũ turari merã irire iri ìmudi ããrĩmí. Irire musã õãrõ masĩa. ²³ Musã ñerãrẽ ìgũrẽ curusague pábiatú wějẽdoremakũ, Marĩp̄u iripoegue Jesúre irasũ waarokoa, ãrĩderosũta waabu. ²⁴ Irasũ waakeremakũ, Marĩp̄u gap̄u ìgũ boadiguere masũkõãdi ããrĩmí. Boanerã ããrĩrõrẽ ìgũrẽ wiudi ããrĩmí. Irasirimakũ, boari Jesúre tarinũgãmasĩbiridero ããrĩbú. ²⁵ Iripoegue David ãsũ ãrĩ gojadi ããrĩmí, Jesús Marĩp̄ure werenĩburire: Yũ Op̄u, mũrẽ ìãníkõãa. Mũ yũ diaye gap̄u, yũ merã ããrĩníkõãa. Irasiriḡu yũ neõ gũibeá.

²⁶⁻²⁷ Yaa yũjupũrãgue buru usũyari merã ããrã. Irasiriḡu usũyari merã werenía. Yũ boamakũ, boanerã ããrĩrõgue béobirikoa. Yũ masãgobegue ããrĩmakũ, yaa dup̄u neõ boabirikoa. Yũre dupaturi okamakũ irigũkoa doja. Irasiriḡu yũ gũiro marĩrõ ããrĩgũkoa.

²⁸ Mũ, yũ dupaturi okaburire yũre õãrõ masĩmakũ yãa. Irasiriḡu yũ merã mũ ããrĩmakũ, buru usũyari merã ããrã, ãrĩ gojadi ããrĩmí David. ✧

²⁹ Yãarã, yũ mũsãrẽ diayeta weregũra. Marĩ ñekũ David boadi ããrĩmí. Marĩ ñekũsãmarã ìgũrẽ yãanerã ããrĩmá. Ìgũya masãgobe i makãguere ããrã dapa. ³⁰⁻³¹ Iripoegue Marĩp̄u Davire ãsũ ãrĩ weredi ããrĩmí:

Yũ mũrẽ diayeta werea: “Pũrũguere mũ parãmi i níkũ marã Op̄u ããrĩgũkumi. Yũ mũrẽ píderosũta pígũkoa ìgũdere”, ãrĩdi ããrĩmí.

✧ 2:28 Sal 16.8-11

David Marĩpɥa kerere weredupiyugɥ ããrĩdi ããrĩmĩ. Irasirigɥ Jesúre Marĩpɥ píburire masĩsĩa, ãsũ ãrĩ weredi ããrĩmĩ ĩgũ masãburire:

Ĩgũ boadero pɥɥ, boanerã ããrĩðgue neõ béosũbirikumi. ĩgũya dɥpɥ masãgobegue neõ boabirikoã, ãrĩ gojadi ããrĩmĩ.✠

³² Marĩpɥ Jesúre boadiguere masũdi ããrĩmĩ. ĩgũrẽ masũadero pɥɥ, gɥã ããrĩpererã ĩgũrẽ ĩãbɥ. “Dupaturi okami”, ãrĩ masĩa. ³³ ĩgũ Pagɥ ĩgũrẽ masũ, ãmugasigue ãĩmũrĩa, ĩgũ diaye gapɥ do-bodi ããrĩmĩ. ĩgũ ãrĩderosũta Jesúre Ôãgũ dey-omarĩgũrẽ iriudi ããrĩmĩ. Irasirigɥ Jesús gɥare Ôãgũ deyomarĩgũrẽ iriumi. Irasirirã mɥsã, ĩgũ gɥaguere ejamakũ ĩãã. ĩgũ iritamurĩ merã gɥã werenĩmakũ péã. ³⁴⁻³⁵ David† gapɥ ĩgũ boadero pɥɥ, Jesús mũrĩaderosũ mũrĩabiridi ããrĩmĩ. ĩgũ boaburo dupiyuro ãsũ ãrĩ gojadi ããrĩmĩ, Marĩpɥ Jesúre ãrĩdeare gojagɥ:

Marĩpɥ yɥ Opɥre ãsũ ãrĩmi: “Ôõ yɥ diaye gapɥ doaka, yɥ merã dorebu! Irasiriripoe mũrẽ ĩãturirãrẽ mɥ dorerire tarinũgãnemobirimakũ irigura”, ãrĩmi, ãrĩ gojadi ããrĩmĩ.✠

³⁶ Irasirirã mɥsã Israel bumarã ããrĩpererã ôãrõ pémasĩka! Marĩpɥ Jesúre, mɥsã curusague pábiatú wẽjẽdire marĩ Opɥ ããrĩmakũ iridi ããrĩmĩ. Marĩpɥ ĩgũrẽ iriudi ããrĩmĩ, marĩrẽ tauburo, ãrĩgũ, ãrĩ wereyupɥ Pedro masakare.

✠ **2:30-31** Sal 132.11 † **2:34-35** David ĩgũ boadero pɥɥ, ĩgũ dɥpɥ merã ãmugasigue mũrĩabiridi ããrĩmĩ. Irasirigɥ Jesús mũrĩaderosũ mũrĩabiridi ããrĩmĩ. ✠ **2:34-35** Sal 110.1

³⁷ Īgũ irasũ ārĩmakũ pérã, Īgũsãya yujupũrãrĩgue buru bujawereri merã gũñariku, Pedrore, gajirã Jesús buedoregu beyenerãre āsũ ārĩ sērēñañurã:

—Guayarã, ¿nasirirākuri guã?

³⁸ Pedro Īgũsãrē yujuyupu:

—Musã ñerõ irideare bujawere, musã gũñarĩre gorawayuka! Irasirirã musã āārĩpererã Jesucristore buremua, ārĩ, guare deko merã wãiyedoreka! Musã irasirimakũ, Marĩpu musã ñerõ irideare kãtigukumi. Ōãgũ deyomarĩgũrē iriugukumi, musã merã āārĩnĩkõãburo, ārĩgũ. ³⁹ Marĩpu ārĩderosũta musãrē, musã pũrã āārĩturiarãrē, gajiro marãdere āārĩpererã Īgũ beyenerãre Ōãgũ deyomarĩgũrē iriugukumi, ārĩyupu.

⁴⁰ Irire ārĩ odo, gaji wãri werenemoyupu Pedro Īgũsãrē:

—Ōãrõ pémasĩka musã! I nikũ marã Jesúre wējēnerã ñerã āārĩma. Īgũsã ñerõ iridea waja Marĩpu Īgũsãrē wajamoãgukumi. Īgũsã ñerã irirosũ neõ irinemobirikõãka pama! Irasiribirimakũ, Marĩpu Īgũsãrē wajamoãgũ, musã gapure wajamoãbirikumi, ārĩyupu.

⁴¹ Wãrã Īgũ wererire õãrõ péñurã. Irasirirã deko merã wãiyesũñurã Jesúre buremurĩre ĩmurã. Irasirirã Jesúre buremupũrorinerã merã āārĩnũgãñurã. Pedro Īgũsãrē wereadeanu merãta wãrã tres mil gora masaka buremunũgãñurã.

⁴² Irasirirã ãmuriku Jesúre buremupũrorinerã merã nerēñañurã, Īgũ buedoregu beyenerã buerire pémurã. Irasũ nerēnarã, Marĩpure sērē, pãrē dukawa, siiu baanañurã.

Jesúre buremupũrorinerã iridea

43 Jesús buedoregũ beyenerã ĩgũ iriderosũta wãri Marĩpũ turari merã iri ĩmunañurã. Irasirirã pũrĩrikurãrẽ tau, wãtẽa masakare ñajãnerãrẽ béowiu, boanerãrẽ masũnañurã. ĩgũsã irasirimakũ ĩãrã, masaka ããrĩpererã ĩãgũkanañurã. 44 ããrĩpererã Jesúre bũremurã su bumarã irirosũ õãrõ ããrĩrikũñurã. Irasirirã ĩgũsã oparire gãme sĩnañurã. 45 Gajinorẽ oparã, irire dua, iri waja merã gajino opamerãrẽ sĩnañurã. 46 Ɖmũrikũ ããrĩpererã surosũ gũñarĩ oparã Marĩpũya wiigue nerẽnañurã. ĩgũsãya wiirigue pãrẽ dukawa, õãrõ Ɖsũyari merã siiu baanañurã. 47 Marĩpũre: “Õãtaria mũ”, ãrĩ, Ɖsũyari sĩnañurã. Gajirã masaka ĩgũsãrẽ: “Õãrã ããrĩma”, ãrĩ ĩãñurã. Ɖmũrikũ marĩ Opũ Jesús gajirãrẽ ĩgũrẽ bũremumakũ iriyupũ. Irasirirã ĩgũrẽ bũremurã wãrã ããrĩñurã.

3

Sugũ waamasĩbire waamasĩmakũ iridea

1 Sunũ, ñamika tres ããrĩmakũ Pedro, Juan merã Marĩpũya wiigue waañurã. Iri horata masaka Marĩpũre sërẽnañurã. 2 Iri wiima makãpũrore sugũ masakũ deyoagũgueta waamasĩbi ããrĩdi doayupũ. Iri makãpũro: “Õãrĩ makãpũro” wãĩkũyuro. Ɖmũrikũ ĩgũ merãmarã ĩgũrẽ ãĩwãgã, iri makãpũrore dobonañurã, iri wii ñajãrãrẽ niyeru sërẽ doanídorerã. 3 Pedrosã iri wii ñajãmurã iriripoe ĩgũsãrẽ ĩã, niyeru sërẽyupũ. 4 ĩgũsã pẽrãgueta ĩgũrẽ ĩã, Pedro gapũ ĩgũrẽ ãrĩyupũ:

—Gũare ĩãka!

5 Īgũ irasũ ārĩmakũ: “Yũre niyeru sĩmurã irikumã”, ārĩ gũñarĩ merã burõ ĩāyurũ. 6 Pedro garũ ĩgũrẽ ārĩyurũ:

—Niyerure opabea. Irire opabirikeregũ, yũ opari merã murẽ iritamugũra. Jesucristo Nazaretmũ wãĩ merã, ĩgũ turaro merã wãgãñugã waaka! ārĩyurũ.

7 Pedro ĩgũrẽ irasũ ārĩgũta, diayema mojõrẽ ñeã, tũãwãgũnúyurũ. Irasirimakũta, ĩgũya guburi, ĩgũya ãñagubuyeri turanugãjayuro. 8 Irasirigũ pari wãgãñugãja, waarũrori, purũ ĩgũsã merã Marĩpũya wiigüe Marĩpũre: “Õātaria mũ”, ārĩ gaguinĩ, pariñajãyurũ. 9-10 Īgũ usũyari merã Marĩpũre: “Õātaria mũ”, ārĩ, pariñajãmakũ ĩārã, iri wiigüe āārĩrã āārĩpererã ĩgũrẽ ĩãmasĩ:

—Ī, i wii õārĩ makãpũrogue niyeru sērẽ doanĩadita āārĩmi, ārĩñurã. Irasirirã ĩgũ waamasĩmakũ ĩārã, “¿Naásũ waari?” ārĩ ĩãgũkakõãñurã.

Pedro masakare Marĩpũya wiigüe weredeã

11 Waamasĩbiradi Pedrosãrẽ duúbirimakũ, āārĩpererã masaka iri wii āārĩrã ĩãgũkari merã, ĩgũsã pũrogue “Pórtico de Salomón” wãĩkũrogue ũmanerẽñurã. 12 ĩgũsã irasũ ũmanerẽmakũ ĩãgũ, Pedro ĩgũsãrẽ ārĩyurũ:

—Mũsã, Israel bumarã, ¿nasirirã iropa gũkari? ¿Nasirirã gũare burõ ĩārĩ? “Īgũsã Marĩpũre burẽmurĩ merã, ĩgũsã turaro merã ĩrẽ waamasĩmakũ iriama”, ārĩ gũñabirikõãka! 13 Jesús ĩgũ turaro merã ĩgũrẽ waamasĩmakũ iriami. Marĩ ñekũsãmarã Abraham, Isaac, Jacob Marĩpũre

ũmugasigue ããrĩgũrẽ bũremunerã ããrĩmá. Marĩpũ ĩgũ magũ Jesúre, ĩgũ doreri òãrõ iridire: “Òãtarigu ããrĩmĩ”, ãrĩdi ããrĩmĩ. Mũsã gapũ ĩgũrẽta oparãguere wiabũ. Pilato ĩgũrẽ wiudũakeremakũ, mũsã gapũ gããmebiribũ. ¹⁴ Jesús òãgũ, ñerĩrẽ neõ iribi ããrĩkeremakũ, ĩgũrẽ neõ wiudorebiribũ. Sugũ ñegũ masakare wějědi gapũre wiudorebũ mũsã. ¹⁵ Irasirirã, Jesús marĩrẽ okari sĩgũ gapũre wějědorebũ. ĩgũ boadero pũrũ, Marĩpũ gapũ ĩgũrẽ masũdi ããrĩmĩ. Gũã ĩgũrẽ Marĩpũ masũdire ĩãbũ, ãrĩ masĩa. ¹⁶ Jesúta ĩgũ turaro merã ĩĩ waamasĩbiradire mũsã ĩãmasĩgũrẽ waamasĩmakũ iriami. Gũã Jesús taumasĩrĩrẽ bũremumakũ ĩãgũ, ĩgũrẽ tauami. Mũsã ããrĩpererã ĩgũ tauadire ĩgũ waamasĩmakũ ĩãa.

¹⁷ 'Yaarã, mũsã, mũsã oparãde Jesúre: “Marĩpũ magũta ããrĩmĩ”, ãrĩ pémasĩbirisĩã, ĩgũrẽ wějědorebũ. ¹⁸ Iripoegue Marĩpũ ĩgũya kerere weredupiyunerã ããrĩpererãrẽ: “Cristo yũ iriubu ñerõ tarigũkumi”, ãrĩderosũta Jesúre waabũ. ¹⁹ Irasirirã mũsã ñerõ irideare bũjawere, mũsã gũñarĩrẽ gorawayuka! Marĩpũ dorerire irika! Irasirimakũ, Marĩpũ mũsãrẽ mũsã ñerõ irideare kãti, siñajãrĩ merã ããrĩrikũmakũ irigũkumi. ²⁰ Irasirigu mũsãrẽ Cristore dupaturi iriugũkumi. Cristo, Marĩpũ beyedi mũsãrẽ taugũ, Jesúta ããrĩmĩ. ²¹ Jesucristo ãmugasigue mũrĩadi, irogueta ããrĩmĩ dapa. Marĩpũ iripoegue ĩgũ iriburire ĩgũya kerere weredupiyunerãrẽ weredorederosũta ããrĩpererire òãrõ ãmu, pũrũ Jesúre iriugũkumi. ²² Iripoegue Moisés irimarẽ marĩ ñekũsãmarãrẽ ãsũ ãrĩdi ããrĩmĩ: Pũrugue Marĩpũ marĩ Opũ sugũ ĩgũya kerere werebure iriugũkumi. Yũre iriuderosũta ĩgũdere

iriugukumi. Īgũde marĩyaguta ããrĩgukumi.
 ããrĩpereri Īgũ wererire péka! Īgũ dorerire
 õãrõ iritũyaka!

23 Īgũ dorerire iritũyamerã gapũ béosũrãkuma.
 Irasirirã Marĩpũyarã merã neõ
 ããrĩnemobirikuma pama, ãrĩdi ããrĩmĩ
 Moisés.*

24 'Ããrĩpererã iripoegue marã Marĩpũya
 kerere weredupiyunerãkũ, Samuel pũũ marãde
 dapagora waarĩre irasũta ãrĩ gojanerã ããrĩmã.

25 Iripoegue Marĩpũ marĩ ñekũ Abrahãrẽ:
 “Yũ, mũ parãmi ããrĩturiagu merã i ãmũ marã
 ããrĩpererãrẽ õãrõ irigura”, ãrĩdi ããrĩmĩ. Īgũya
 kerere weredupiyunerãrẽ Īgũ Abrahãrẽ ãrĩdeare
 weredoredi ããrĩmĩ marĩ ñekũsãmarãrẽ. Irasirigu
 Marĩpũ Īgũsãrẽ ãrĩderosũta mũsãrẽ iridi ããrĩmĩ.

26 Irasirigu Īgũ magũ Jesús boadiguere masũ,
 marĩrẽ judío masakare iriupũroridi ããrĩmĩ, marĩrẽ
 õãrĩ gapũre iri, marĩ ñerõ iririre piriburo, ãrĩgũ,
 ãrĩ wereyupũ Pedro Īgũsãrẽ.

4

Pedrore, Juãrẽ oparã pũroguẽ ãĩadea

1-2 Pedro, Juan merã masakare werenĩripoe
 paía, Marĩpũya wii korerã surara opũ, gajirã
 saduceo bumarã ejañurã. Pedrosã masakare:
 “Jesús boadero pũũ masãdi ããrĩmĩ. Irasirirã
 marĩde boadero pũũ ããrĩpererã masãrãkoa”,
 ãrĩ buenañurã. Īgũsã irasũ ãrĩ buemakũ pérã,
 saduceo bumarã, masaka boanerã masãrĩrẽ
 bũremubirisĩã, Īgũsã merã bũro guañurã.

* 3:23 Dt 18.15-19; 34.10

³ Irasirirã abe ñajãripoe ããrĩmakũ, Pedrosãrẽ ñeã, iri ñamirẽ peresu iriñurã. ⁴ Irasirikeremakũ, gajirã wárã Jesúya kerere pénerã, ìgürẽ bũremunugãrã ããrĩñurã. Irasirirã dupiyurogue Jesúre bũremupũrorinerã merã wárã ããrĩñurã. Ũma ditare keomakũ, cinco mil ããrĩñurã.

⁵ Pedrosãrẽ peresu iriadero pũrũ, gajinũ gapũ Jerusalẽgue judío masaka oparã, gajirã mũrã, gajirã Moisés gojadeare buerimasã nerẽñurã.

⁶ Gajirãde, paía opũ Anás, Caifás, Juan, Alejandro, gajirã paía opũyarã ìgũsã merã ããrĩñurã. ⁷ Irogue nerẽ, Pedrosãrẽ ìgũsã pũro ãĩridore, ìgũsã ejamakũ:

—¿Noã mũsãrẽ doreri, noã mũsãrẽ inorẽ irasiridoreri? ãrĩ sërẽñañurã.

⁸⁻⁹ Pedro Ōãgũ deyomarĩgürẽ opatarisĩã, ãsũ ãrĩ yũjũyupũ ìgũsãrẽ:

—¿Mũsã judío masaka oparã, mũrãde gũare ñi waamasĩbiradire õãrõ iriadeare, ìgürẽ tauadeare sërẽñarã yári? ¹⁰ Mũsãrẽ ire weregũra, ããrĩpererã Israel bumarã õãrõ pémasĩburo, ãrĩgũ. Jesucristo Nazaretmũ turaro merã, ìgũ wãĩ merã ñi waamasĩbiradi waamasĩami. Mũsã ìgürẽta

curusague pábiatú wējẽdorebũ. ìgũ boadero pũrũ, Marĩpũ gapũ ìgürẽ masũ, dupaturi okamakũ iridi ããrĩmĩ.

¹¹ Iripoegue Marĩpũya kerere weredupiyudi ãsũ ãrĩ gojadi ããrĩmĩ: “Suye ùtãye wii iririmasã ìgũsã béoadeaye merã gajigũ gapũ õãrõ turari wii irigũkumi”, ãrĩ gojadi ããrĩmĩ. Jesús iri ùtãye ìgũsã béoadeaye irirosũ ããrĩmĩ. Marĩpũ ìgürẽ beyedi ããrĩmĩ marĩrẽ taubure. ¹² I nikũguere Jesús sugũta marĩrẽ taugũ ããrĩmĩ. Gajigũ marĩrẽ taugũ neõ mámi. Marĩpũ ìgürẽta iriudi ããrĩmĩ marĩrẽ taubure, ãrĩ wereyupũ Pedro ìgũsãrẽ.

13 Judío masaka oparã Pedro, Juan buebirinerã ããrĩkererã, õãrõ gũñaturari merã, pémasĩrĩ merã weremakũ pérã, pégukakõãñurã. Ìgũsãrẽ: “Diayeta Jesús merãmarãta ããrĩma”, ãrĩ ããmasĩñurã. 14 Waamasĩbiradi Pedrosã pũro nímakũ ããrã, Ìgũsãrẽ: “Ñerõ irirã iriabũ”, ãrĩ werewũamasĩbiriñurã.

15 Irasirirã, Ìgũsãrẽ Ìgũsã nerẽrĩ taribugue ããrĩrãrẽ wiriadoreñurã, Ìgũsã basi gãme werenímurã:

16 Æsũ ãrĩñurã:

—¿Nasirirãkuri Ìgũsãrẽ? Ìrĩ waamasĩbiradire Ìgũsã waamasĩmakũ iriadeare Jerusalén marã péperekõãñurã. Irasirirã: “Iribirama”, ãrĩmasĩbirikoa marĩ. 17 Gajirãrẽ irire neõ pénemomakũ iribirikõãrõ gããmea marĩrẽ. Irasirirã: “Jesúyamarẽ gajirãguere neõ werenemobirikõãka pama!” ãrĩrã Ìgũsãrẽ, ãrĩ wereníñurã.

18 Irasũ ãrĩ werení odo, Pedrosãrẽ siiu, ãsũ ãrĩñurã:

—Gajirãguere neõ Jesúyamarẽ werenemobirikõãka! Neõ Ìgũya kerere buenemobirikõãka! ãrĩñurã.

19 Ìgũsã irasũ ãrĩkeremakũ, Pedro, Juan gapũ ãsũ ãrĩ yũjuñurã Ìgũsãrẽ:

—¿Marĩpũ musã guare dorerire irimakũ gããmerĩ, o Ìgũ doreri gapũre gũa irimakũ gããmerĩ? ¿Naásũ gũñarĩ musã irire? 20 Gũa Ìgũ dorerire iritayarã ããrã. Irasirirã gũa ããdeare, gũa pédeare neõ were-duúmasĩña máa, ãrĩñurã.

21-22 Ìgũsã irasũ ãrĩmakũ pérã, judío masaka oparã gapũ dupaturi ãrĩñurã:

—Jesúyamarẽ neõ werenemomerãta pama! Irire pirimerã, wajamoãsũrãkoa, ãrĩñurã. Gajirã gapu usuyari merã Marĩpũre: “Mu ñ waamasĩbiradire tauadea õãtariabu”, ãrĩñurã. Ìgũ cuarenta bojori nemorõ opagu ããrĩyupu. Irasirirã oparã gapu Pedrosãrẽ: “Ñerõ irirã iriama”, ãrĩmasĩbiri, wajamoãmerãta Ìgũsãrẽ wiukõãñurã.

Jesúre bũremurã Marĩpũre iritamurĩ sërẽdea

²³ Pedrosã irogue ããrãnerã wiria, Ìgũsã merãmarã pũrogue waakõãñurã. Irogue eja, paía oparã, judío masaka mũrã Ìgũsãrẽ ãrãdeare Ìgũsã merãmarãrẽ wereñurã. ²⁴ Ìgũsã weremakũ pérã, ããrĩpererã iro ããrĩrã Marĩpũre sërẽñurã:

—Gua Opu, mũ diayeta ãmũgasi, i nikũ, dia wádiya, i ãmũma ããrĩpererire iridi ããrã. ²⁵ Iripoegue gua ñekũ Davire mũrẽ moãboegure Õãgũ deyomarĩgũ merã ãsũ ãrĩ weredoredi ããrĩbũ: Judío masaka ããrĩmerã Marĩpũ merã bũro guama.

Israel bumarãde Marĩpũyare: “Gããmebea”, ãrĩ gũñadima.

²⁶ I nikũ marã oparã Marĩpũ merã gãmekẽãduarã nerẽrãkuma. Ìgũ beyedi merãdere irasũta gãmekẽãrãkuma, ãrĩ weredoredi ããrĩbũ.✧

²⁷ Mu weredorederosũta diayeta waabu. I makãguere opu Herodes, Poncio Pilato, gajirã Israel bumarã, gajirã judío masaka ããrĩmerã nerẽma Jesús mũ magũrẽ wẽjẽmurã. Ìgũ õãgũ, mũ beyedi ããrĩmi. ²⁸ Irasirirã, iripoegue mũ turaro merã mũ beyedire: “Irasũ waarokoa Ìgũrẽ”, ãrĩderosũta irima. ²⁹ Gua Opu, dapagora paía oparã mũya

✧ 4:26 Sal 2.1-2

kerere: “Werebirikōāka! Musā irire wererā, wajamoāsūrākoa”, ārāma gware. Īgūsā irasū ārādeare gūñaka mu! Gwa murē moāboerā āārā. Irasirigu gware muyare gajirārē güiro marīrō weremakū irika! ³⁰ Gware mu turaro merā pūrīrikurārē tau-makū irika! Irasirigu gware mu turaro merā Jesús mu magū, ōāgū wāi merā iri ĩmurīrē irimakū irika! ārī sērēñurā Marīpue.

³¹ Īgūsā irasū ārī sērēadero puru, ĩgūsā āārīrī wii gāmeñayuro. Āārīpererā Ōāgū deyomarīgūrē opatariñurā. Irasirirā, ĩgū iritamurī merā güiro marīrō Marīpua kerere wererā waañurā.

Jesúre bñremurā ĩgūsā oparire gāme dukawadea

³²⁻³³ Irasirirā Jesús buedoregu beyenerā Marīpu turaro merā masakare: “Marī Opu Jesús boadero puru masādi āārīmí. Īgū dupaturi okadero puru, gwa ĩgūrē ĩābu”, ārī wereñurā. Āārīpererā Jesúre bñremurā surosū gūñañurā. Irasirirā ĩgūsā oparire: “Yaa āārā”, ārīrō marīrō gāme dukawañurā. Marīpu ĩgūsārē āārīpererārē ōārō iritamuyupu. ³⁴⁻³⁵ Irasirirā wiiri oparā, nikū oparā, gajirārē irire duañurā. Īgūsā duadea wajare Jesús buedoregu beyenerārē sīñañurā. Jesús buedoregu beyenerā irire ĩgūsā watope āārīrārē gajino opamerārē dukawañurā. Irasirirā ĩgūsā watopegue boporā marīñurā pama. ³⁶ Iripoere sugu Jesúre bñremugū José wāikugu āārīyupu. Īgū Chipre wāikuri nugūrōmu, Levíya bumu āārīyupu. Jesús buedoregu beyenerā ĩgūrē “Bernabé” wāiyēñurā. “Bernabé”, ārīrō, griego ya merā: “Masakare ōārō yajupūrākamakū irigu”, ārīduaro

iriko. ³⁷ Īgũ nikũ opagu ããrĩsĩã, su poe ejatuaro gajirãrẽ duayupu. Īgũ duadea wajare Jesús buedoregu beyenerãrẽ sĩpeokõãyupu.

5

Ananías, Safira merã ãrĩkatodea

¹ Gajigu Ananías wãikugu Īgũ marãpo Safira merã su poe ejatuaro nikũrẽ duayupu. ² Īgũ duadea wajare Īgũ basi deko merã duripíkõãyupu. Irasirigu ããrĩpereri niyerure Jesús buedoregu beyenerãrẽ sĩpeobirikeregu: “Iropata wajariama”, ãrĩkatoyupu. Īgũ marãpo ããrĩpereri Īgũ irasiriadeare masĩyupo. ³ Pedro ãsũ ãrĩyupu Īgũrẽ:

—Ananías, ¿nasirigu wãtĩrẽ muya gũñarĩguere ñajãdoreari? Īgũ ñajãmakũta, muya nikũ duadea wajare guare sĩpeobirikeregu, mu Õãgũ deyomarĩgũrẽ ãrĩkatoa. ⁴ Iri nikũ mu duaburo dupiyuro muya nikũ ããrĩbũ. Mu duadea waja muya niyeruta ããrã. Noó mu sĩduaropa sĩboakuyo. ¿Nasiribu irasũ ãrĩkatori? Gua ditare ãrĩkatogu meta yãa. Marĩpũdere ãrĩkatoa mu, ãrĩyupu.

⁵ Īgũ irasũ ãrĩmakũ pégũ, mata Ananías meémejã kõmoakõãyupu. Īgũ irasũ waadea kerere pérã, ããrĩpererã buro gũiñurã. ⁶ Īgũ kõmoadero purũ, gajirã maamarã ñajãja, Īgũya dupure suriro gasiro merã õma, ãĩwiriakõãñurã Īgũrẽ yáarã waarã.

⁷ Ñre hora purũ, Ananías marãpo ããrãdeo ñajãjayupo. Īgũ boadeare neõ masĩbiriyupo. ⁸ Igo ñajãmakũ ããgũ, Pedro igore sãrẽñayupu:

—Wereka yure! ¿Mũsāya pooere duarā, iropata niyeru wajatari mũsā? āĩyupũ. Igo ĩgũrē yũjũyupo:

—Iropata wajatabũ, āĩyupo.

⁹ Pedro āĩyupũ igore:

—¿Nasirirā mũsā, marĩ Opũ Ōāgũ deyomarĩgũrē āĩkatoari? “Gũa irasirimakũ masĩbirikumi”, ¿āĩrĩ gũñadari mũsā? Īāka! Mũ marāpũre yáarā ejanerā sĩĩsā dujarima. Mũya dũpũdere āĩwiriarākuma, mũ marāpũya dũpũre āĩwiriaderosũta, āĩyupũ.

¹⁰ ĩgũ irasũ āĩmakũta, igode Pedroya guburi pũro meemejā kũmoakũyupo. Irasirirā maamarā igo kũmoadeoguere bokaja, igoya dũpũre āĩwiria, igo marāpũ dagũre ĩgũsā yáadero pũrogueta igodere yáañurā. ¹¹ Irasirirā āāĩpererā Jesũre bũremurā, gajirāde Ananías, Safirare waadea kerere pērā, bũro gũĩñurā.

Jesús buedoregũ beyenerā Marĩpũ turaro merā iri ĩmudea

¹² Iripoere masaka watopegue Jesús buedoregũ beyenerārē Marĩpũ ĩgũ turari merā wári iri ĩmurĩrē irimakũ iriyupũ. Āāĩpererā Jesũre bũremurā Marĩpũya wii tũro biaña marĩrĩ taribu “Pórtico de Salomón” wāĩkũri taribugue nerēnañurā. ¹³ Masaka ĩgũsārē: “Ōārā āāĩma”, āĩkeremakũ, gajirā gapũ ĩgũsārē gũĩñurā. ĩgũsā merā neō nerēdũabirĩñurā. ¹⁴ Gajirā gapũ marĩ Opũ Jesũre wārā ũma, nomede bũremuñurā.

¹⁵ Irasirirā pũrĩrikũrārē ĩgũsā peyari gasiri merā Pedro waaburi maa tũro piñurā. “Pedro ĩgũsārē ñapeobirikeremakũ, ĩgũ wātĩ meépĩro ĩgũsā weka ejamakũ, ĩgũsārē pũrĩrĩ tarirokoa”, āĩ

gũñarã, irasiriñurã. ¹⁶ Wárã Jerusalén turo marãde pũrĩrikurãrẽ, wãtẽa ñajãsũnerãrẽ iroque ãĩãnañurã. Irasirirã Jesús buedoregũ beyenerã ãgũsã ããrĩpererãrẽ taunañurã.

Oparã Jesús buedoregũ beyenerãrẽ ãaturidea

¹⁷ Irasirirã paía opũ, gajirã ãgũ merãmarã saduceo bumarãde Jesús buedoregũ beyenerãrẽ buro ããturi, ¹⁸ ãgũsã merã buro gua, ãgũsãrẽ ñeã, peresu iriñurã. ¹⁹ Irasirikeremakũ, sugũ Marĩpũre wereboegũ iri ñamita peresu wii makãpũrorire tũpã, ãgũsã ããrĩrĩ taribugue ñajãja, ãgũsãrẽ ãsũ ãrĩ ãĩwiriayupũ:

²⁰ —Marĩpũya wiigue waaka! Iroque eja, Marĩpũ Jesũre buremurãrẽ ãgũ merã õãrõ ããrĩmakũ iriburi kerere wereka masakare! ãrĩyupũ Marĩpũre wereboegũ ãgũsãrẽ.

²¹ ãgũ irasũ ãrĩmakũ pérã, ãgũsã peresu ããrãnerã wiriakõãñurã. Gajinũ gapũ boyoripoe ããrĩmakũ, Marĩpũya wiigue ñajãa, masakare buenũgãñurã, Marĩpũre wereboegũ ãgũsãrẽ weredoreaderosũta.

ãgũsã iroque bueripoe paía opũ gapũ, ãgũ merãmarãde, Pedrosã peresu ããrãnerã wiriadeare masĩbiriñurã dapa. Irasirirã ãgũsã Israel bumarã oparãrẽ ããrĩpererãrẽ neeõñurã. ãgũsã nerẽperemakũ ããrã, surarare peresu iriri wiigue Jesús buedoregũ beyenerãrẽ ãgũsã biadoboanerãrẽ ããrĩdoreñurã. ²² Irasirirã surara ãgũsãrẽ ããrã waadiñurã. Iroque eja, Pedrosãrẽ neõ bokabiriñurã. ãgũsãrẽ bokabirisĩã, oparãguere wererã dujãakõãñurã doja. ²³ Dujaja, oparãrẽ:

—Peresu iriri wii makãpũrori õãrõ biadea makãpũrori ããrãdabũ. Iroque biadoboanerãrẽ

korerāde iri makāpurorikū níadama. Irasū āārīkeremakū, gūa ĩgūsā āārādea taribure makāpuro tūpāmakū neō marāma, āārīñurā.

²⁴ ĩgūsā irasū āārīmakū pérā, paía opu, Marīpuya wii marā surara opu, paía oparāde: “¿Naásū waayuri ĩgūsārē?” āārī gūñarikuñurā. ²⁵ ĩgūsā irasū gūñarikuñurā sugū masakū ĩgūsā puro eja:

—Mūsā peresu irianerā Marīpuya wiigue āārāma. Masakare buerā iriama, āārīyupū.

²⁶ ĩgū irasū āārīmakū pérā, Marīpuya wii marā surara opu, ĩgūyarā surara merā ĩgūsārē ñeārā waañurā. Iroque eja, ĩgūsārē ñeā, paía oparā puro āārīñurā doja. Masakare gūisīā, ĩgūsārē tārābiriñurā. “Gūa ĩgūsārē tārāmakū ĩārā, masaka gūare ūtāyeri merā deabukuma”, āārī gūñāñurā.

²⁷ ĩgūsārē judío masaka oparā puro āārījamakū, paía opu ĩgūsārē turiyupū:

²⁸ —Gūa mūsārē: “Jesúyare neō buenemo-birikōāka!” āārādibu. Gūa irasū āārīkeremakū, mūsā āārīperero Jerusalén marārē buegorenāa. Jesús boadea waja gūare waja opamakū iriduarā yāa mūsā, āārīyupū.

²⁹ ĩgū irasū āārīmakū, Pedro gajirā Jesús buedoregū beyenerā merā ĩgūrē āsū āārī yūjuyupū:

—Masaka doreri nemorō Marīpuya gapure iriro gāāmea. Gūa mūsā dorerire irirā, Marīpū doreri gapure iribiribukoa. ³⁰ Mūsā Jesúre curusague pábiatú wējēdoredire Marīpū, marī ñekūsāmarā Opū gapū ĩgūrē masūdi āārīmí. ³¹ ĩgūrē masū odo, ūmugasigue āīmūñagū, ĩgū diaye gapū do-bodi āārīmí. Marīrē taubure, marī Opū āārībure irasiridi āārīmí. Irasirigū marī judío masaka marī

ñerō irideare bujawere, gũñarĩrē gorawayumakũ kãtigukumi. ³² Gũa ããrĩpereri Jesús irideare ããnerã ããrã. Irasirirã irire werea. Ōãgũ deyomarĩgũde guare irire pemasĩmakũ yãmi. Irasirirã ãgũ iritamurĩ merã werea. Marĩpu dorerire pããnodere Ōãgũ deyomarĩgũrē iriugukumi, ãrĩ wereyupu Pedro paía opure.

³³ ãgũ irasũ ãrĩmakũ pãrã, oparã gapu guataria, Pedrosãrē wẽjẽduadiñurã. ³⁴ Sugũ fariseo bumũ Gamaliel wãikugũ gapu wãgãnugãyupu ãgũsãrē werebu. ãgũ judío masaka oparã merãmu Moisés gojadeare buerimasũ ããrĩyupu. Masaka ãgũrē: “Ōãgũ ããrĩmi”, ãrĩ buremuñurã. ãgũ wãgãnugã, surarare: “Ïsãrē ããwiriaka dapa!” ãrĩyupu. ³⁵ ãgũsãrē ããwiriadero purũ, oparãrē ãsũ ãrĩyupu:

—Musã Israel bumarã, musã ãgũsãrē iriduarire òãrō gũñaka! ³⁶ Teudas wãikugũ waadeare gũñaka! Irinuguerẽ ãgũ masakare: “Masĩtarinugãgũ ããrã yu”, ãrĩdi ããrãdimi. Irasirirã wãrã cuatrocientos ãma ãgũ merãmarã ããrĩnerã ããrãdima ãgũ buerire pãduarã. Purũ gajirã ãgũrē wẽjẽkõãnerã ããrĩmã. ãgũrē wẽjẽadero purũ, ãgũ merãmarã ããrãdinerã waasiriakõãnerã ããrĩmã. Irasũ waadero purũ, ãgũ buedea pereakõãdero ããrĩbũ. ³⁷ Purũ i nikũ marãrē ãgũsã keoripoe gajigu Judas wãikugũ Galileamu ããrĩdi ããrãdimi. Wãrã ãgũ merãmarã ããrĩnerã ããrãdima. Purũ gajirã ãgũdere wẽjẽkõãnerã ããrĩmã. ãgũrē wẽjẽadero purũ, ãgũ merãmarã ããrãdinerã waasiripereakõãnerã ããrĩmã. ³⁸ Irasirigu musãrē werea. Sĩsãrē, marĩ peresugue biadoboanerãrē wiuka! Musã ãgũsãrē iriduarire iribirikõãka! ãgũsã

bueri, Marĩp̄ya bueri ããrĩbero, pereakõãrokoa Teudas, Judas buedea perederosũta. ³⁹ Īgũsã bueri, Marĩp̄ya bueri ããrĩrõ, neõ perebirikoa. Īgũsãrẽ irire pirimakũ iribirikoa. Irasirirã irire õãrõ pémasĩka! Īgũsã bueri, diayeta Marĩp̄ya bueri ããrĩmakũ, musã Īgũsãrẽ wějẽduarã, Marĩp̄ merã gãmekẽãduarã irirosũ iribukoa, ãrĩyupũ Gamaliel.

⁴⁰ Īgũ irasũ ãrĩmakũ pérã: “Jáũ, marĩrẽ diayeta weremi ĩĩ”, ãrĩ péñurã. Irasirirã Jesús buedoregũ beyenerãrẽ siiu, surarare tãrãdoreñurã. “Jesúyare neõ werenemobirikõãka!” ãrĩñurã. Irasũ ãrĩ odo: “Waaka!” ãrĩ, wiuñurã Īgũsãrẽ pama. ⁴¹ Irasirirã Jesús buedoregũ beyenerã judío masaka oparã p̄ro ããrãnerã waakõãñurã. “Marĩ Jesúyare bueri waja marĩrẽ tãrãdoreama gũyasĩrĩburo, ãrĩrã”, ãrĩñurã. “Marĩp̄ gapũ marĩrẽ: ‘Irire bokatũkõãma’, ãrĩ masĩmi”, ãrĩñurã. Irasirirã oparã Īgũsãrẽ ñerõ irikeremakũ, b̄ro usuyañurã. ⁴² Irasirirã ãmurikũ Marĩp̄ya wiigüe, wiiriguedere masakare: “Jesúta Marĩp̄ iriudi, Cristo ããrĩmi”, ãrĩ buenañurã.

6

Jesús buedoregũ beyenerã Īgũsãrẽ iritamumurãrẽ beyedea

¹ Irasirirã irinurĩrẽ wãrã judío masaka Jesúre b̄remunũgãñurã. Surãyeri hebreo ya merã wereniñurã. Gajirã griego ya merã wereniñurã. Īgũsã wapiweyarã nomerẽ ãmurikũ Īgũsã baarire keoro guerebirimakũ ããrã, hebreo ya merã werenirã gap̄re turiñurã. ² Irasirirã

Jesús buedoregu beyenerã Jesúre buremurãrẽ ããrĩpererãrẽ ãgũsã p̄roque siiu need, ãsũ ãrĩ wereñurã:

—Gua baarire guererã, Marĩp̄ya kere gapure wereduúmakũ õãbiribukoa. ³ Irasirirã musã guayarã, Jesúre buremurã musã watope ããrĩrãrẽ su mojõma pere gaji mojõ peru p̄rẽbejarãgora beyeka! “Õãrõ masĩrã, Õãgũ deyomarĩgũ turarire opatarirã ããrĩma”, musã ãrĩ ããrẽrẽ beyeka! Musã beye odomakũ, gua ãgũsãrẽ baari gueremurãrẽ sóorãkoa. ⁴ Irasirirã gua ãmarikũ Marĩp̄re s̄rẽ, ãgũyare buerãkoa, ãrĩñurã.

⁵ ãgũsã irasũ ãrĩmakũ pérã, ããrĩpererã: “Jãu, irasũta irirãra”, ãrĩ, Esteban wãikugure beyeñurã. ãgũ Jesúre õãrõ buremugũ, Õãgũ deyomarĩgũrẽ opatarigu ããrĩyupũ. Gajirã Felipe, Prócoro, Nicanor, Timón, Parmenas, Nicolás wãikũrãrẽ beyeñurã. Nicolás Antioquíamũ judío masakũ ããrĩbirikeregu, judío masaka irirosũ buremugũ ããrĩyupũ. ⁶ ãgũsãrẽ beye odo, Jesús buedoregu beyenerã p̄ro ããñurã. ãgũsã ãĩjamakũ ããrã, Marĩp̄re: “Õãrõ iritamuka ãgũsãrẽ!” ãrĩ s̄rẽbosa, ãgũsãya dipu weka mojõrĩ merã ñapeoñurã.

⁷ Irasirirã Marĩp̄ya kerere weregorenamakũ, wãrã masaka irire péñurã. Wãrã Jerusalén marã masaka, paíade Jesúre buremunugãñurã.

Estebãrẽ peresu iridoredea

⁸ Esteban Marĩp̄yã iritamurĩ merã ãgũ turaro merã p̄rĩrikũrãrẽ tau, gaji õãrĩ iri ãmurĩrẽ iriyupũ masaka wãrã watopere. ⁹ ãgũ irasirimakũ ããrã, surãyeri judío masaka “Esclavos Libertado” wãikũri bumarã ãgũ merã guaseop̄roriñurã. ãgũsã:

Cirene marã, Alejandría marã, Cilicia marã, Asia marã su wii judío masaka ìgüsã nerẽrĩ wiigue nerẽnarã ããrĩñurã. ¹⁰ Esteban, Õãgũ deyomarĩgũ ìgürẽ õãrĩ masĩrĩ sĩrĩ merã werenímakũ pérã, ìgürẽ neõ werení bokatĩübiriñurã. ¹¹ Irasirirã masaka ìãberogue gajirãrẽ niyeru wajari: “Ãsũ ãrĩkatoka masakare!” ãrĩñurã:

—“Esteban Moisére, Marĩpũre ñerõ werenímakũ péabu gua”, ãrĩka! ãrĩñurã. ¹² Irasirirã ìgüsã ãrĩkatodoresũanerã irire weremakũ pérã, iri makã marã, mũrã, Moisés gojadeare buerimasãde Esteban merã bũro gua, ìgürẽ ñeã, oparã pũro ãĩñurã. ¹³ Ìgürẽ irogue ãija, gajirãrẽ ãsũ ãrĩkatonemodoreñurã doja:

—Ìĩ ãmũrikũ Marĩpũya wiire, Moisés gojadedere ñerõ werenígorenami. ¹⁴ Masakare: “Jesús Nazaretmũ, Marĩpũya wiire béogũkumi. Moisés marĩrẽ pídeadere gorawayugũkumi”, ãrĩmakũ péabu gua, ãrĩkatoñurã oparãrẽ.

¹⁵ Ìgüsã irasũ ãrĩmakũ pérã, oparã ããrĩpererã irogue doarã Estebãrẽ bũro ìãñurã. Ìgüsã ìãmakũ, ìgũya diapu Marĩpũre wereboegũya diapu irirosũ deyoyuro.

7

Esteban oparãrẽ weredea

¹ Ìgüsã Estebãrẽ ìãripoe paía opũ ìgürẽ sãrẽñayupũ:

—¿Diayeta ãrĩrĩ, ìgüsã mũrẽ weresãrã? ãrĩyupũ.

² Esteban yũjuyupũ ìgürẽ:

—Yaarã, yure õãrõ péka! Marĩ ñekũ Abraham, Harán wãĩkũri makãgue waaburo dupiyuro

Mesopotamiague ããrĩdi ããrĩmĩ Caldea masaka ããrĩrõgue. Īgũ iroque ããrĩripoe Marĩpũ õãrõ gos-esiriri merã Īgũrẽ deyoa, ³ ãsũ ãrĩdi ããrĩmĩ: “I nikũrẽ, mũyarãrẽ béowãgãka! Mũ waamakũ, yũ gaji nikũ mũ ããrĩburi nikũrẽ ĩmugũkoa”, ãrĩdi ããrĩmĩ Marĩpũ Abrahãrẽ. ⁴ Marĩpũ irasũ ãrĩmakũ pégũ, Abraham Caldea nikũ ããrãdi Harãgue waadi ããrĩmĩ. Iroque ejadero pũrũ, Īgũ pagũ boadi ããrĩmĩ. Īgũ boadero pũrũ, Marĩpũ Abrahãrẽ wiridoredi ããrĩmĩ doja. Irasirigũ Abraham õõ, marĩ ããrĩrĩ nikũrẽ ejadi ããrĩmĩ pama. ⁵ Īgũ õõgue ejamakũ, Marĩpũ Īgũrẽ neõ nikũrẽ sĩbiridi ããrĩmĩ dapa. Sĩbirikeregũ, Īgũrẽ: “Pũrũgue mũya, mũ parãmerã ããrĩturiarãya nikũ ããrĩrokoa”, ãrĩdi ããrĩmĩ. Īgũ irasũ ãrĩripoere Abraham neõ pũrã marĩdi ããrĩmĩ dapa. ⁶ Gaji Marĩpũ Īgũrẽ ãrĩnemodi ããrĩmĩ doja: “Mũ parãmerã ããrĩturiarã gaji nikũgue waarākuma dapa. Cuatrocientos bojorigora iri nikũ marãrẽ moãboerākuma. Īgũsãrẽ moãdore, pãbirarākuma. ⁷ Yũ gapũ iri nikũ marãrẽ wãjamoãgũra Īgũsã irasiriri waja. Yũ Īgũsãrẽ wãjamoã odoadero pũrũ, mũ parãmerã ããrĩturiarã iri nikũrẽ wirirākuma. Wiri, yũ Īgũsãrẽ sĩburi nikũgue eja, yũre bũremurã yũ dorerire irirākuma”, ãrĩdi ããrĩmĩ Marĩpũ Abrahãrẽ. ⁸ Īgũ irasũ ãrãdero pũrũ, ãsũ iridoredi ããrĩmĩ doja: “Ããrĩpererã ũmarẽ

Īgūsāya dɔpɔma gasirogārē* wiirika! Irasirirā mɔsā yɔ werenirī bɔremurirē yare ĩmurākoa”, ārīdi āārīmí. Irasirigɔ Abraham ĩgū magū Isaare su semana ĩgū deyoadero pɔɔɔ, ĩgūrē wiiridi āārīmí. Murārōta Isaade ĩgū magū Jacore iridi āārīmí. Jacode murārōta ĩgū pūrārē pe mojōma pere su gubu peru pērēbejari buri āārĩmurārē iridi āārīmí.

⁹⁻¹⁰ Jacob pūrā marĩ ñekūsāmarā ĩgūsā pagɔmɔrē Josere ĩāturisīā, Egiptogue waarārē duanerā āārīmá, iro marārē moāboegɔ āārĩburo, ārĩrā. Marĩpɔ gapɔ ĩgū merā āārĩnikōādi āārīmí ĩgūrē iritamugū. ĩgū ñerō tarikeremakū, āārĩpereri ĩgū ñerō taririre taudi āārīmí. Wári masĩrĩ sīdi āārīmí. Irasirigɔ faraón† Egiptomɔ i nikū marā opɔ Josere beyedi āārīmí, ĩgū dokamɔ opɔ āārĩburo, ārĩgū. ĩgūya wiimadere moādoeregɔ sóodi āārīmí.

¹¹ Pɔɔ āārĩperero Egiptoguer, Canaán nikūguedere baari pereakōādero āārĩbú. Irasirirā masaka buro ñerō tarinerā āārīmá. Marĩ ñekūsāmarā ɔaboanerā āārīmá. ¹² Irasirigɔ Egiptogue trigo āārĩrĩ kerere pégu, Jacob ĩgū pūrārē marĩ ñekūsāmarārē: “Wajarirā waaka!” ārĩ iriudi āārīmí. ĩgū irasū ārĩmakū pérā, neō waarā irinerā āārīmá iroguere. Iroguere eja, baari wajari odo, gāme dujarikōānerā āārīmá doja. ¹³ ĩgūsā baari wajariadeare baapeo, dupaturi

* **7:8** Gn 17.1-14: Iripoegue Marĩpɔ Abrahamē ĩgū pūrā ɔmarē: “Yaarā āārĩburo”, ārĩgū, ĩgūsāya dɔpɔma gasirogārē wiiridoredi āārīmí. Pɔɔ iri dorerire Moisere pídi āārīmí. Irasirirā judío masaka Abraham parāmerā āārĩturirā iri dorerire irirā, ĩgūsā pūrā ɔmarē su mojōma pere gaji mojō ɔreru pērēbejarinarĩ waaró merā ĩgūsā deyoadero pɔɔ irasū yāma. † **7:9-10** “Faraón”, ārĩrō, Egipto marā ya merā: “opɔ”, ārĩduaro yāa.

wajarirã waanerã ããrĩmá doja. Iripoeta pama José Ìgũsãrê: “Mũsã pagũmũta ããrã yũ”, ãrĩ weredi ããrĩmí. Irasirigũ Egipto marã opũ José tĩrãrê masĩdi ããrĩmí. ¹⁴ Pũrũ José Ìgũ tĩrã merã kerere iriudi ããrĩmí Ìgũ pagũre. “Yũrũ, Ìgũyarã merã aariburo”, ãrĩ iriudi ããrĩmí. Jacoyarã setenta y cinco gora ããrĩnerã ããrĩmá. ¹⁵ José kere iriuadeare pégũ, Jacob Ìgũ pũrã merã Egiptogue waadi ããrĩmí. Jacob irogue boadi ããrĩmí. Ìgũ pũrã, marĩ ñekũsãmarãde boanerã ããrĩmá. ¹⁶ Pũrũgue Ìgũsã parãmerã ããrĩturiarã Ìgũsãya gõãrĩrê Siquem wãikũri makãgue Abraham, Hamor pũrãrê Ìgũ ãtãgobe wajaridea gobegue pĩmurã ãĩãnerã ããrĩmá.

¹⁷ Marĩpũ Abrahãrê: “Mũ parãmerã ããrĩturiarãrê i nikũrê sígura”, ãrĩdero ejawãgãripoe Abraham parãmerã ããrĩturiarã Egiptogue ããrĩrã wãrã masãporenerã ããrĩmá. ¹⁸ Ìgũsã irogue ããrĩmakũ, José boadero pũrũ yoadero pũrũ, gajigũ iri nikũ marã opũ ñajãdi ããrĩmí doja. Ìgũ, José õãrõ irideare õãrõ masĩbiridi ããrĩmí. ¹⁹ Irasirigũ marĩ ñekũsãmarã wãrã masãporemakũ Ìãgũ, Ìgũsãrê tarinũgãduagũ, ñerõ iridi ããrĩmí. Ūma pũrã deyoarãrê boaburo, ãrĩgũ, béodoredi ããrĩmí. ²⁰ Iripoeta Moisés deyoadi ããrĩmí. Ìgũ Marĩpũ Ìũrõrê õãgũ ããrĩdi ããrĩmí. Irasirirã Ìgũ deyoadero pũrũ, Ìgũ pagũsãmarã Ìgũsãya wiigue urerã abegora duri merã Ìgũrê masũnerã ããrĩmá. ²¹ Ìgũrê duúnemomasĩmerã, diague puui merã paubéonerã ããrĩmá. Pũrũ Egipto marã opũ magõ Ìgũrê boka, igoya wiigue ãĩmajã, igo magũ diaye irirosũ masũdeo ããrĩmó. ²² Moisés iri wiigue masã, ããrĩpereri Egipto marã buerire buepeodi ããrĩmí.

Irasirigu ĩgũ masĩrĩ merã werenĩ, ããrĩpereri ðãrõ iridi ããrĩmĩ.

²³ Pũru cuarenta bojori opagu ĩgũyarãrẽ Israel bumarãrẽ ĩãduagu, ĩgũsã pũroque waadi ããrĩmĩ. ²⁴ Iroque ejagu, sugu Egiptomu ĩgũyagure ñerõ irimakũ ĩãdi ããrĩmĩ. Irasirigu ĩgũrẽ gãmibosagu Egiptomurẽ wẽjẽkõãdi ããrĩmĩ. ²⁵ ĩgũ basi: “Marĩpu yaarãrẽ wijatadoregu iriuami, ĩgũsã irire ðãrõ pẽmasĩkuma”, ãrĩ gũñadi ããrĩmĩ. ĩgũsã gapu ĩgũ gũñarõsũ gũñabirinerã ããrĩmã. ²⁶ Gajinu gapu Moisés ĩgũsã pũroque waadi ããrĩmĩ doja. Iroque ejagu, gajirã ĩgũyarã pẽrã ĩgũsã basi gãmekẽãmakũ ĩãdi ããrĩmĩ. “Iropata gãmekẽãka! ¿Nasirimurã su bumarã ããrĩkererã, iropa gãmekẽãkõãrĩ?” ãrĩdi ããrĩmĩ Moisés ĩgũsãrẽ. ²⁷ ĩgũ irasũ ãrĩmakũ pẽgu, buru pádi gapu, Moisére túmeénú: “ ¿Noã murẽ gu opa, guare dorebu ããrĩburo’, ãrĩ sóoari? ²⁸ ¿Ñamika Egiptomurẽ mu wẽjẽaderosũ yudere wẽjẽduagu yári?” ãrĩdi ããrĩmĩ Moisére. ²⁹ ĩgũ irasũ ãrĩmakũ pẽguka, Moisés Egiptore wiri, gaji nikũ Media wãikuri nikũgue waadi ããrĩmĩ. Iroque ĩgũsã watopegue ããrĩgũ, iromorẽ marãpokũ, pẽrã ãma pũrãkudi ããrĩmĩ.

³⁰ Moisés cuarenta bojorigora iri nikũguere ããrĩdi ããrĩmĩ. Iriku bojori pũru Sinaĩ wãikudi ãtãũ pũro, masaka marĩrõgue waadi ããrĩmĩ. Iroque sugu yukugã dupuri watopegue peame ãjũmakũ ĩãdi ããrĩmĩ. Marĩpũre wereboegu iri peame ãjũrĩ pũrã deogue deoyadi ããrĩmĩ ĩgũrẽ. ³¹ Moisés iri peame ãjũmakũ ĩãgũ, ĩãgukakõãdi ããrĩmĩ. “¿Naásũ waari?” ãrĩ, iri yukugã pũrogãgue ĩãgũ waagũ, marĩ Opu ãsũ ãrĩ werenĩmakũ pẽdi ããrĩmĩ: ³² “Yu,

mu ñekūsāmarā: Abraham, Isaac, Jacob Opu āārā”, ārīdi āārīmí. Īgū irasū ārīmakū pégu, buro güi narada, neō iānemoduabiridi āārīmí. ³³ Marīpu Īgūrē: “Yu p̄rota nía mu. Irasirigu m̄ya gubu suríre túweaka, yure b̄remurĩrē ĩmubu. ³⁴ Yaarā Egiptogue āārĩrārē buro poyamakū ĩāa. Īgūsā buro bujawereri merā gaguinímakū péa. Irasirigu Īgūsārē taubu dijijabu. Irasirigu m̄rē Egiptogueta iriugura Īgūsārē iritamudoregu”, ārĩ weredi āārīmí Marīpu Moisére.

³⁵ Īĩ Moiséreta marĩ ñekūsāmarā Īgūrē gāāmemerā: “‘¿Noā m̄rē ḡa opu, ḡare dorebu āārīburo’, ārĩ sóoari?” ārĩnerā āārímá. Marīpu gapu Īgūrē: “Īgūsā opu p̄gura m̄rē”, ārĩ, Īgūrē iriudi āārīmí Īgūsārē taudoregu. Marīpu Īgūrē wereboegu yukugā d̄p̄ri watopegue peame ũj̄derogue deyoadi merā Īgūrē iriudi āārīmí. ³⁶ Irasirigu Moisés Egiptogue eja, Marīpu turaro merā w̄ari iri ĩmurĩrē iridi āārīmí. P̄ru marĩ ñekūsāmarārē Egiptogue āārānerārē siiuwāgā, w̄adiya deko diiadiyague eja, Marīpu turaro merā irasūta iridi āārīmí doja. P̄ru cuarenta bojorigora masaka marĩrōgue Īgūsā waagorenamakūdere, irasūta iridi āārīmí doja. ³⁷ Moiséta marĩ ñekūsāmarā Israel bumarārē āsū ārĩ weredi āārīmí: “P̄rugue marĩyagure Marīpu iriugukumi Īgūya kerere werebure. Yure Īgū iriuderosūta Īgūdere iriugukumi. Īgū wererire oārō p̄durip̄ka!” ārĩ weredi āārīmí. ³⁸ Marĩ ñekūsāmarā masaka marĩrōgue nerēmakū, Moisés Īgūsā merā āārīdi āārīmí. Irogue Sinaí w̄aik̄di ũt̄āūgue Marīp̄ure wereboegu Īgūrē weredi āārīmí. Īgū irasū

weremakū péadeare Moisés marī ñekūsāmarārē weretaudi āārīmí. Marī irire pémakū, Marīpū marīrē ĩgū merā ōārō āārīmakū yámi. Iri neō perebirikoa.

³⁹ Moisés irire werekeremakū, marī ñekūsāmarā gapū neō b̄remubirinerā āārímá. Ĩgūdere b̄remubiri: “Egiptogue dujáakōārā”, ārī gūñanerā āārímá. ⁴⁰ Irasirirā Moisés ūtāūgue āārīripoe ĩgū tīgū Aarōrē: “Marīrē Egiptogue āārīrārē āiridi, ¿naásū waayuri? Marī neō masībea”, ārīnerā āārímá. Irasirirā Aarōrē: “Keori weabosaka guare! I keori weadea merā kōādupiyurākoa, marī waaburi maarē ĩmuburo, ārīrā”, ārīnerā āārímá.

⁴¹ Irasū ārī odo, sugū wekū majīgū keori oro merā weanerā āārímá. Pūru ĩgūsāyarā waimurā eforārē wējē, soeponerā āārímá iri weadeare b̄remurā. Pūru irire usuyari merā ĩārā, bosenu irinugānerā āārímá. ⁴² ĩgūsā weadeare b̄remumakū ĩāgū, Marīpū ĩgūsārē béodi āārīmí, ĩgūsā gāāmerō iriburo, ārīgū. Irasirirā neñukārē, abeare b̄remunugānerā āārímá. Marīpūya kerere weredupiyunerā āsū ārī gojanerā āārímá Marīpū ārīdeare gojarā:

Mūsā, Israel bumarā masaka marīrōgue cuarenta bojori āārīrā, yū gapure mūsāyarārē waimurā eforārē wējē soepeo b̄remubiribū.

⁴³ Irasirirā mūsā Moloc wāīkūgū keorire b̄remurā, ĩgūrē b̄remurī wiire, mūsā surí gasiri merā iridea wiire kōāgorenabū.

Gajigū Refán wāīkūgū neñukāmū keori mūsā weadeadere b̄remubū. Mūsā iri keorire weabū b̄remuduarā. Irasirigū, mūsā yure b̄remubiridea waja mūsārē Babilonia

wãĩkuro koregue béogura, ãrĩ gojanerã
ããrĩmá.☆

⁴⁴ Irasũ ãrĩ odo, Esteban oparãrẽ Marĩpũya wi-
ima gapure wereyupũ doja:

—Marĩ ñekũsãmarã masaka marĩrõgue ããrĩrã,
Marĩpũre bũremurĩ wii, waimurã gasiri merã
ĩgũsã iridea wiire opanerã ããrĩmá. Iri wiiguere
Marĩpũ pe mojõma doreri gojadea majĩ ùtã
majĩ ããrĩdero ããrĩbũ. Īgũsã iri wiire iriburo
dupiyuro Marĩpũ Moisére iri wii keorire: “Ásũpero
irika!” ãrĩdi ããrĩmĩ. Irasirirã marĩ ñekũsãmarã
iri wiire Marĩpũ dorederosũta keoro irinerã
ããrĩmá. ⁴⁵ Īgũsã boadero purũ, Īgũsã purũ marã
iri wiire opaturianerã ããrĩmá. Purũ Josué Īgũsãrẽ
siiuwãgãmakũ, iri wiire Īgũsã noó waaró ãĩñanerã
ããrĩmá. Īgũsã õõgue ejamakũ, Marĩpũ i nikũ
marãrẽ judío masaka ããrĩbirinerãrẽ béokõadi
ããrĩmĩ. Yoaripoe marĩ ñekũsãmarã Marĩpũre iri
wiigüe bũremunerã ããrĩmá. David opũ ñajãdero
purũguedere opanerã ããrĩmá. ⁴⁶ Marĩpũ Davire Īgũ
ĩũrõ õãrõ iridire usuyari merã ããrĩmĩ. Irasirigũ
David Marĩpũre ãsũ ãrĩdi ããrĩmĩ: “Gũ ñekũ Jacob
bũremudi ããrã mũ. Irasirigũ yũ mũrẽ wári wii
mũ ããrĩburi wiire iribosasi”, ãrĩdi ããrĩmĩ. Īgũ
irasiridũakeregũ, iri wiire iribiridi ããrĩmĩ. ⁴⁷ Īgũ
magũ Salomón gapũ iri wiire iridi ããrĩmĩ pama.
⁴⁸ Irasirikeremakũ, Marĩpũ gapũ ããrĩpererãrẽ
doregũ ããrĩsĩã, masaka iridea wiirigüe dita
ããrĩbemi. Iripoegüe Īgũya kerere weredupiyudi
ãsũ ãrĩ gojadi ããrĩmĩ Marĩpũ ãrĩdeare gojagu:

☆ **7:43** Am 5.25-27

49 Y_u, ããrĩpererã Op_u ããrã. Ɛmugasi y_u doaro irirosũ ããrã. I nikũ yaa guburi kuraña doanírõ irirosũ ããrã. Irasirirã, y_u ããrĩburi wiire irimasĩbea m_usã.

50 Y_uta ããrĩpererire irib_u, ãrĩmi Marĩp_u, ãrĩ gojasũdero ããrĩb_u.[☆]

51 Esteban irasũ ãrĩ odo, ãsũ ãrĩ werenemoyup_u doja:

—M_usã Marĩp_u dorerire tarin_ugãa. Ɔgũrẽ masĩmerã irirosũ Ɔgũ wererire neõ pẽduabea. Ɔãgũ deyomarĩgũ dorerire neõ irid_uabea. Marĩ ñekũsãmarã iriderosũta iririk_ukõãa. ⁵² Ɔgũsã ããrĩpererã Marĩp_uya kerere weredupiyunerãrẽ ñerõ waamakũ irinerã ããrĩmã. Gajirãrẽ: “Jesús marĩrẽ taubu, Marĩp_u doreri iribu aarig_ukumi”, ãrĩ wererãrẽ wẽjẽnerã ããrĩmã. Ɔgũrẽta Ɔgũ ejadero p_ur_u, m_usã gap_u ñeã, gajirãrẽ wia wẽjẽdoreb_u.

⁵³ Marĩp_u Ɔgũrẽ wereboerã merã Ɔgũ dorerire marĩ ñekũsãmarãrẽ píkeremakũ, m_usã irire b_uro tarin_ugãa, ãrĩ wereyup_u Esteban oparãrẽ.

Estebãrẽ wẽjẽdea

⁵⁴ Ɔgũ irasũ ãrĩmakũ pẽrã, b_uro guari merã Ɔgũsãya guikare kũrĩduútũñurã. ⁵⁵ Esteban gap_u Ɔãgũ deyomarĩgũrẽ opatariyup_u. Ɛmugasigue Ɔãmu, Marĩp_u gosesiririre Ɔãyup_u. Marĩp_u diaye gap_u Jesús nĩmakũ Ɔãyup_u. ⁵⁶ Esteban Ɔgũrẽ Ɔãgũ: “Ɔãka!” ãrĩyup_u. “Ɛmugasi tũpãmakũ Ɔãa. Jesús ããrĩpererã tĩgũ Marĩp_u diaye gap_u nĩmakũ Ɔãa y_u”, ãrĩyup_u oparãrẽ.

[☆] **7:50** Is 66.1-2

57-58 Īgũ irasũ ãrĩmakũ péduamerã, buro gaguiní, ĩgũsãya gãmpũrĩrẽ biañurã. Suro merã ùmawãgã, ĩgũrẽ ñeã, iri makã turogue ãĩãñurã. Īgũsãya surí wekamarẽ túwea pí, sugũ maamũ Saulo wãikugure irire koredoreñurã. Odo, Estebãrẽ ùtãyeri merã dea wẽjẽñurã.

59 Īgũsã irasirimakũ, Esteban ãsũ ãrĩ sërẽyupũ:

—Jesús yũ Opũ, yũ kõmomakũ, yaa yũjupũrãrẽ ñeãka! ãrĩyupũ. 60 Pũrũ ĩgũya ñadukupuri merã ejamejãja, buro gaguinĩrĩ merã:

—Yũ Opũ, kãtika, ĩsãrẽ yũre ĩgũsã irasiririre, ãrĩyupũ. Irasũ ãrĩ, kõmoakõãyupũ pama.

8

Saulo Jesúre buremurãrẽ ñerõ iridea

¹ Saulo ĩgũsã Estebãrẽ dea wẽjẽmakũ ĩãgũ: “Oãrõ irirã irasũ yãma”, ãrĩ gũñayupũ. Irinũta Jesúre buremumerã ĩgũrẽ buremurãrẽ Jerusalẽgue ããrĩrãrẽ ñerõ irinũgãñurã. Irasirimakũ ĩã, Jesúre buremurã gapũ ããrĩpererã Judea nikũgue, Samaria nikũgue waasiriakõãñurã. Jesús buedoregũ beyenerã dita Jerusalẽguere dujañurã. Gajirogue waabiriñurã. ² Gajirã ùma Marĩpũre buremurã Estebãya dupũre yãarã, buro ore bujawereñurã. ³ Saulo gapũ neõ sugũ Jesúre buremugũ marĩkõãburo, ãrĩgũ, Jesúre buremurãya wiirigue ñajãa, ùmarẽ, nomedere ñeã, peresu iribu ãĩãñayupũ.

Felipe Samaria marãrẽ buedea

⁴ Īgũ irasirimakũ, Jesúre buremurã Jerusalẽrẽ wirirã, noó ĩgũsã waaró Marĩpũ masakare

tauri kerere werenañurã. ⁵ Felipe wãikugũ Samaria nikũ ããrĩrĩ makãgue waa, iroque eja, iro marãrẽ Jesucristoya kerere werenayupũ. ⁶ Ìgũ iri kerere weremakũ pérã, Ìgũ Marĩpũ turaro merã iri Ìmumakũ Ìãrã, Ìgũ pũro nerẽnañurã Ìgũ wererire õãrõ pémurã. ⁷ Wárã wãtẽa ñajãsũnerãrẽ tauyupũ. Wãtẽa gapũ Ìgũsãguere ããrĩnerã bũro gaguinĩrĩ merã wiriñurã. Wárã dupũ bũarãrẽ, waamasĩmerãdere tauyupũ. ⁸ Irasirimakũ Ìãrã, iri makã marã bũro usuyañurã.

⁹ Iri makãrẽ sugũ Simón wãikugũ yé ããrĩyupũ. Ìgũ yoaripoe yéa iririkũrere irigorenamakũ Ìãrã, Samaria marã Ìãgũkanokõãñurã. “Yũ masĩtarinũgãgũ ããrã”, ãrĩ werenayupũ Ìgũsãrẽ. ¹⁰ Irasirirã ããrĩpererã iri makã marã oparã, oparã ããrĩmerãde Ìgũrẽ: “Ì ãmũgasigue marã Opũ irirosũ turari opagũ ããrĩkumi”, ãrĩ gũñadiñurã.

¹¹ Ìgũ sõõ gapũ merã wári yéa iririkũrere irimakũ Ìãrã, wárã masaka Ìgũrẽ bũremuñurã. ¹² Felipe gapũ Samaria marãrẽ: “Marĩpũ ããrĩpererã Opũ ããrĩmi. Ìgũ magũ Jesucristo marĩrẽ taugũ ããrĩmi”, ãrĩ wereyupũ. Ñma, nome, Ìgũ wererire pé bũremumakũ Ìãgũ, Ìgũsãrẽ deko merã wãiyeyupũ. ¹³ Simõde Jesúre: “Bũremua yũ”, ãrĩmakũ pégũ, Felipe Ìgũdere wãiyeyupũ. Pũrũ Felipe merã waagorenayupũ. Felipe Marĩpũ turaro merã iri Ìmumakũ Ìãgũ, Ìãgũkanokõãyupũ.

¹⁴ Jesús buedoregũ beyenerã Jerusalẽgue ããrĩrã: “Samaria marã Marĩpũyare õãrõ bũremunũgãñurã”, ãrĩrĩ kerere pérã, Pedro, Juãrẽ Ìãdorerã iriuñurã. ¹⁵ Iroque ejarã, Jesúre bũremurãrẽ Marĩpũre sërẽbosañurã, Õãgũ

deyomarĩgũrẽ bokatĩrĩñeãburo, ãrĩrã. ¹⁶ Īgũsã marĩ Opũ Jesúre bũremunũgãdero pũrũ, Īgũ wãĩ merã dita wãĩyesũñurã. Ōãgũ deyomarĩgũ Īgũsãrẽ ejabiriyupũ dapa. ¹⁷ Irasirirã Pedrosã Īgũsãya mojõrĩ merã Jesúre bũremunũgãnerãya dipu weka ñapeoñurã. Īgũsã ñapeomakũ, Ōãgũ deyomarĩgũ Īgũsãguere ejayupũ.

¹⁸ Pedrosã ñapeomakũ, Ōãgũ deyomarĩgũ ejamakũ ĩãgũ, Simón garũ Īgũsã turarire gããmegũ, niyeru merã wajaridũadiyupũ. Āsũ ãrĩyupũ:

¹⁹ –Iri turarire sĩka yũdere! Yũ ñapeorãguere Ōãgũ deyomarĩgũ ejamakũ iridũakoa, ãrĩyupũ.

²⁰ Īgũ irasũ ãrĩmakũ, Pedro ĩgũrẽ yũjũyupũ:

–Mũ Marĩpũ turari sĩrĩrẽ: “Niyeru merã wajarigũkoa” ãrĩ gũñarĩ waja, mũya niyeru, mũ merãta béosũrokoa. ²¹ Marĩpũ ĩũrõrẽ mũ gũñarĩ diaye ããrĩbea. Irasirigũ gũa irirosũ irimasĩbirikoa. ²²⁻²³ Mũ ñerõ iririre iripautariadi ããrã. Irasirigũ mũ ñerõ iririre bujawere, mũ gũñarĩrẽ gorawayuka! Marĩpũrẽ sērẽka, mũ ñerõ gũñarĩrẽ kãtiburo, ãrĩgũ. Gajipoe irigũ irire kãtibukumi mũ ĩgũrẽ sērẽmakũ, ãrĩyupũ.

²⁴ Irasũ ãrĩmakũ pégu, Simón Īgũsãrẽ ãrĩyupũ:

–Mũsã Marĩpũrẽ sērẽbosaka, yũre mũsã ãrãdea waabirikõãburo, ãrĩrã, ãrĩyupũ.

²⁵ Pedrosã, Jesús irimakũ ĩãdeare, Īgũ buemakũ pédeare iri makã marãrẽ were odo, Jerusalégue goedujáañurã. Goedujáarã, wãrã masakare Samaria nikũ ããrĩrĩ makãrĩ marãdere Jesúya kerere werewãgãñurã.

Felipe Etiopíamũrẽ weredeã

26 Pũᵐ sugũ Marĩᵑũ wereboegũ Felipere ãsũ ãĩᵑũ:

—Jerusalén merã ããĩᵑũgãwãgãĩ maa, Gaza wãĩkũri makã buari maague waaka! Iri maa masaka marĩᵑũgũ ããĩwãgãã, ãĩᵑũ.

27 Ĩgũ irasũ ãĩmakũ pé, Felipe iri maague buagũ, sugũ Etiopiamũrẽ bokajayũ. Ĩgũ iri nikũ marã opo dokamũ, ããĩᵑũpereri igoya niyerure korerimasũ ããĩᵑũ. Ĩgũ Jerusalẽgue Marĩᵑũrẽ bũremugũ ejadi ããĩᵑũ. 28 Irogue ejadi Ĩgũya nikũgue goe-
dujáagũ, Ĩgũya tũrũdiru caballua tũãdiru wekague doagũ, Isaías Marĩᵑũya kerere weredupiyudi go-
jadea pũrẽ buegũ iriyũ. 29 Ĩgũ bueripoe Ōãgũ deyomarĩgũ Felipere:

—Iriru ᵑũroweya waaka! ãĩᵑũ.

30 Ĩgũ irasũ ãĩmakũ pé, Felipe iriru ᵑũro ũmawãgã, Etiopiamũ Isaías gojadea pũrẽ buemakũ pégũ.

—¿Mũ buerire pémasĩĩ? ãĩ sẽrẽñayũ.

31 Ĩgũ gapũ yũᵑũyũ:

—¿Nasiri pémasĩbukuri, yũ gajigũ yũre i irasũ ãĩᵑũaro yãã, ãĩᵑũ marĩkeremakũ? Mũrĩñajãka, irire yũre buebu, ãĩᵑũ Felipere.

32 Ĩgũ bueri ãsũ ãĩᵑũuro:

Ovejare ñeã wẽjẽderosũta Ĩgũdere ñeã wẽjẽrãkuma.
Oveja majĩgũrẽ Ĩgũya poarire Ĩgũsã perama-
makũ, Ĩgũ gaguinĩbiriderosũta ñĩ masakũde
gaguinĩbirikumĩ.

33 Masaka Ĩgũrẽ bũridarãkuma. Ĩgũ ñerõ iribirik-
eremakũ, neõ sugũ Ĩgũrẽ: “Waja opabemĩ”,
ãĩbirikumã.

Irasirirã, ĩgũ i nikũgue ããrĩripoe ĩgũya nikũ marã ĩgũrẽ ñerõ iri, wẽjẽrãkuma. ĩgũsã ñerõ iri-deare neõ sugũ werepeomasĩbirikumi, ãrĩ gojadea ããrĩyuro.✠

³⁴ Irire bue odo, Felipere sërẽñayupũ:

—Wereka yũre! ¿Noãrẽ gojagũ iriyuri Isaías, ĩgũ basi, o gajigũguere?

³⁵ Felipe ãsũ ãrĩ yũjũyupũ ĩgũrẽ:

—Iri Jesũre ãrĩ gojadea ããrã, ãrĩyupũ. Irasirigũ Jesũyare ĩgũ õãrõ iridea kerere wereyupũ ĩgũrẽ.

³⁶ Irasũ werenĩwãgãrã, ditarugue ejañurã. Iri ditarure ĩãgũ, Etiopĩamũ Felipere:

—Ĩãka! Deko ããrã. ¿Mũ yũre wãiyemakũ õãgorabukuri? ãrĩyupũ.

³⁷ Felipe gapũ ĩgũrẽ:

—Mũ Jesucristore õãrõ bũremumakũ, mũrẽ deko merã wãiyegũra, ãrĩyupũ. Etiopĩamũ ĩgũrẽ ãrĩyupũ doja:

—Jesucristore bũremua yũ. ĩgũta Marĩpũ magũ ããrĩmi, ãrĩyupũ.

³⁸ Irasirigũ Etiopĩamũ ĩgũya tũrũdiru wejatugũre dujupĩdore, ĩgũsã pẽrã dijinũgã, ditarugue ñumuwija, Felipe ĩgũrẽ deko merã wãiyeyupũ.

³⁹ ĩgũrẽ wãiyẽ odo, ñumuwãgãriripoe gũñaña marĩrõ merã Oãgũ deyomarĩgũ Felipere gajirogue ãĩãkõãyupũ. Etiopĩamũ ĩgũrẽ dupaturi ĩãnemobirikeregũ, ĩgũrẽ waadeare gũña, bũro usuyari merã ĩgũya makãgue dujãakõãyupũ.

⁴⁰ Felipe gapũ Oãgũ deyomarĩgũ ĩgũrẽ ãĩadero pũrũ, Azote wãikũri makãgue ejayupũ. Irogue eja,

✠ **8:33** Is 53.7-8

makārīku Jesúya kerere weregorenagũ, Cesarea wāikuri makāgue weretūnujayupũ.

9

Saulo Jesúre buremunũgãdea
(Hch 22.6-16; 26.12-18)

¹ Felipe buegorenaripoe Saulo gapũ Jesúre buremurārē iāturigu: “Wějēpeokōāgura”, ārīrīrē piribirisiā, paía opũ pũroque waa, āsũ ārīyupũ:

² —Yũre papera pũ āmubosaka, Damascogue waaburire. Iri pũrē marī nerērī wiiri marā oparārē wiabu yáa. Iri makā marā Jesúre buremurārē ũma, nomerē, noó yũ bokajarārē ñeã ārigura Jerusalēgue peresu iribu, ārī sērēyupũ Saulo paía opũre. ³ Iri pũrē sīadero pũrũ, Saulo gajirā merā Damascogue waakōāyupũ. Īgũ iri makā ejabu iriripoe gũñaña marīrō ũmugasigue merā bũro kũmijũrō ĩgũ pũrore goesiridijuyuro. ⁴ Irasũ waamakũ, Saulo yebague meémejãgũ, āsũ ārī werenímakũ péyupũ:

—Saulo, ¿nasirigu yũre ñerō yári mu?

⁵ Īgũ irasũ ārīmakũ pégu: “¿Noã āārīrī mu?” ārīyupũ.

—Yũ Jesús, mu ñerō iriguta āārã. Mu yũre ñerō irigu, mu basita ñerō yáa, ārīyupũ.

⁶ Īgũ irasũ ārīmakũ, Saulo bũro gũi naradari merã:

—Yũ Opũ, ¿naásũpero gapũ yũ irimakũ gãāmerĩ? ārīyupũ.

Īgũ irasũ ārīmakũ, ĩgũrē:

—Wāgānugā, makāgue waaka! Irogue sugu yu mure iridoreburire weregukumi, ariyuru Jesús Saulore.

⁷ Saulo merā waanerāde Jesús werenírĩrē pérā guka, werenímasĩbiriñurā. Irire pékererā, Jesús gapure neō iābiriñurā. ⁸ Saulo yebague oyadi wāgānugāja, iāpāgū, neō iābiriyuru. Irasirirā ĩgū merāmarā ĩgūrē tūāwāgāñurā Damascogue waarā. ⁹ Irogue eja, renugora koye iābiri, neō baabiri, iirĩbiri iriyuru.

¹⁰ Damascoguere sugu Jesús buremugū Ananías wāikugu āarĩyuru. Kērō irirosūgue Jesús ĩgūrē wereniyuru:

—¿Ananías, āarĩrĩ mu?

—Yu Oru, oōta āārā, arĩ yujuyuru.

¹¹ ĩgū irasū arĩmakū, Jesús ĩgūrē:

—Wāgānugāka! “Diayema maa” wāikuri maague waaka! Iri maague waagū, Judaya wiigue ñajāa, sugu Tarsomurē Saulo wāikugure sērēñaka! Dapagorare ĩgū yure sērēgū yami. ¹² ĩgūdere neāgue kērō irirosū āarĩrĩ merā ĩmuabu. Mu ĩgū puro ñajāa, ĩgūya dipurure ñapeori merā dupaturi ĩgūya koye iāburire ĩmuabu. Mu wāidere ĩmuabu ĩgūrē, ariyuru Jesús Ananiare.

¹³ ĩgū irasū arĩmakū pégu, āsū ariyuru:

—Yu Oru, ĩgū mure buremurārē Jerusalēgue āarĩrārē ñerō iriadeare wārā masaka yure wereama. ¹⁴ I makā marādere mure buremurārē āarĩpererā mu wāi merā Marĩpore sērērārē peresu iribu, paía oparā: “Āsū irika!” arĩ iriuadea pū merā ejāayuru, arĩ wereyuru.

¹⁵ ĩgū irasū arĩkeremakū, Jesús gapu:

—Īgũ pũrogue waaka! Īgũ yũ beyesũdi ããrĩmi. Irasirigũ yaa kerere gaji nikũ marãrẽ, ĩgũsã oparãrẽ, Israel bumarãdere weregũkumi. ¹⁶ Irire weregorenagũ, bũro ñerõ tarigũkumi. Yũ basi ĩgũrẽ weregura, ãrĩyurũ.

¹⁷ Īgũ irasũ ãrĩmakũ pé, Ananías Judaya wiigüe waa, iri wiigüe ñajãa, Saulore bokaja, ĩgũya dipurure ñapeo, ãsũ ãrĩyurũ:

—Yaagũ Saulo, péka yũre! Marĩ Opũ Jesúta mũrẽ maague deyoadi yũre iriuami, mũrẽ dupaturi koye ĩãburo, ãrĩgũ. Ōãgũ deyomarĩgũdere opatariburo, ãrĩgũ, iriuami, ãrĩyurũ.

¹⁸ Īgũ irasũ ãrĩripoeta Sauloya koyeguere waaí nũtũrĩ irirosũ deyori tuuyadea yurisiridijakõãyuro. Ōãrõ ĩãkõãyurũ doja. Irasirigũ wãgãnũgã, deko merã wãĩyesũadi dujayurũ. ¹⁹ Pũrũ baa, turakõãyurũ. Iri makãguere yoaweyaripoe Jesúre bũremurã merã dujayurũ dapa.

Saulo Damasco marãrẽ Jesúyare buenũgãdea

²⁰ Iro ããrĩgũ, judío masaka nerẽrĩ wiirigüe waa, irogue ããrĩrãrẽ: “Jesús, Marĩpũ magũ ããrĩmi”, ãrĩ werenayurũ. ²¹ Īgũ weremakũ pérã, ããrĩpererã pégũka, ĩgũsã basi ãsũ ãrĩ gãme werenĩñurã:

—Ĩĩ Jerusalégue Jesúre bũremurãrẽ ĩgũ wãĩ merã Marĩpũre sërêrãrẽ wějêdoredita ããrĩmi. Dapagorare i makãguedere õõ marãrẽ Jesúre bũremurãrẽ ñeãgũ aarigũ iriañumi Jerusalégue ãĩa, paía oparãguere wiabu, ãrĩñurã.

²² Īgũsã irasũ ãrĩkeremakũ, Saulo gapũ ãmũrikũ judío masakare, Damascogue ããrĩrãrẽ gũiro marĩrõ õãrõ merã: “Jesús diayeta Marĩpũ iriudi,

Cristo ããrĩmi”, ãrĩ werenayupũ. Īgũ irasũ ãrĩ weremakũ pérã, ĩgũrẽ: “Ãrĩkatogũ yãmi ĩ”, ãrĩmasĩbiriñurã.

Saulo judío masakare duriwãgãdea

²³ Yoadero pũũ, surãyeri judío masaka Saulore ĩgũsã wẽjẽburire werenĩmurã nerẽñurã. ²⁴ Irasirirã ãmũrikũ, ñamirikũ makã tũro ĩgũsã ãtã koeri merã weadea sãrĩrõ makãpũrore koreñañurã ĩgũrẽ wẽjẽduarã. Saulo gapũ ĩgũsã ĩgũrẽ wẽjẽduarire masĩkõãyupũ. ²⁵ Irasirirã su ñami Jesúre bũremurã wári puui merã ĩgũrẽ iri sãrĩrõma gobegue yótaudijuñurã. ãsũ irisĩã, Saulo iri makãrẽ wiriyupũ.

Saulo Jerusalẽgue goedujáadea

²⁶ Pũũ Jerusalẽgue goedujayupũ doja. Irogue ejagũ, Jesúre bũremurã merã ããrĩduadiyupũ. Īgũsã gapũ ĩgũrẽ güigorañurã. “Jesúre bũremugũ ããrĩbemi ĩ”, ãrĩñurã. ²⁷ Īgũsã irasirimakũ ĩãgũ, Bernabé gapũ Saulore Jesús buedoregũ beyenerã pũro ãĩayupũ. Irogue eja, ĩgũsãrẽ Saulo maague waagú ĩgũ Jesúre ĩãdeare, Jesús ĩgũ merã wereníadeare, ĩgũ Damascogue Jesúya kerere güiro marĩrõ merã wereadeadere ĩgũsãrẽ wereyupũ. ²⁸⁻²⁹ Īgũ irasũ ãrĩ wereadero pũũ, Saulo ĩgũsã merã ããrĩnũgãyupũ. Irasirigũ ĩgũsã merã Jerusalẽgue güiro marĩrõ marĩ Opũ Jesúya kerere weregorenayupũ. Iri kerere weregorenagũ, surãyeri judío masaka, griego ya merã werenírãrẽ were, ĩgũsã merã gãme wereníyupũ. Īgũsã gapũ ĩgũ wererire péduabirisĩã, ĩgũrẽ wẽjẽduadiñurã. ³⁰ Irasirirã ĩgũsã wẽjẽduamakũ ĩãrã, Jesúre bũremurã gapũ

Īgūrē Cesarea wāikuri makāgue āña, iroque eja, Īgūya makā Tarsogue iriukōññurā pama.

³¹ Īgū iroque waadero p̄r̄u, āārīpererā Jesúre b̄remurā Judea marā, Galilea marā, Samaria marā siñajārī merā dujañurā. Ōāgū deyomarīgū iritamurō merā b̄remunemoñurā. Jesúyare gopeyari merā irituyañurā. Gajirā wárā Īgūrē b̄remunugāñurā.

Pedro Enearē taudea

³² Pedro āārīpereri makārī marārē Jesúre b̄remurārē ĩāgorenagū waagú, Lida wāikuri makāguedere ejayup̄. ³³ Iroque eja, suḡ Eneas wāikuḡre bokajayup̄. Su mojōma pere gaji mojō ureru p̄rēbejari bojorigora Īgūya wiiguere d̄p̄u b̄adi peyayup̄. ³⁴ Pedro Īgūrē ārīyup̄:

—Eneas, Jesucristo m̄rē tauḡkumi. Wāgānugā, m̄ peyaderore āmu duripíka!

Īgū irasū ārīmakūta, Eneas wāgānugākōāyup̄.

³⁵ Āārīpererā Lida marā, Sarón marāde Īgūrē ĩārā, iripoegue Īgūsā b̄remunadeare piri, Jesús gap̄re b̄remunugāñurā.

Pedro Dorcare masūdea

³⁶ Gaji makā Jope wāikuri makāgue sugo nomeō Jesúre b̄remugō “Tabita” wāikugo āārīyupo. Griego ya merā “Dorcas” wāikayupo. Igo ōārīrē irigo, boporārē ōārō iritamugō āārīyupo.

³⁷ Iripoere Pedro Lidague āārīripoe igo pūrīriku kōmoakōāyupo. Igo kōmoadero p̄r̄u, Īgūsā irinaderosūta igo merāmarā igoya d̄p̄u darore koeñurā. Koe odo, āmarōma taribugue píñurā.

³⁸ Jope, Lida p̄rogā āārīyuro. Irasirirā Jope marā

Jesúre b̄remurã Pedro Lidague ããrĩmakũ pérã, ãma p̄rãrẽ ĩgũ p̄rogue iriuñurã. Irogue ejarã, ĩgũrẽ:

—Mumurõ merã Jopegue waaka! ãrĩñurã.

³⁹ ĩgũsã irasũ ãrĩmakũ pégu, mata Pedro ĩgũsã merã Jopegue waayupũ. Irogue ejarã, ĩgũrẽ Dorcas boadeo peyari taribugue siiu marĩãñurã. ĩgũ iri taribugue ejamakũ, wapiweyarã nome Pedro p̄ro nerẽnugãjañurã. Orerãta, igo ĩgũsãrẽ surĩ eabosadeare ĩmuñurã ĩgũrẽ. ⁴⁰ Pedro iri taribugue ããrĩrãrẽ ããrĩpererãrẽ wiriadoreyupũ. ĩgũsã wiriadero p̄rũ, ñadukupuri merã ejamejãja, Marĩp̄re s̄rẽyupũ. S̄rẽ odo, boadeore gãmenugã ĩã:

—Tabita, wãgãnugãka! ãrĩyupũ.

Ĩgũ irasũ ãrĩmakũta, koye ĩãpã, Pedroke ĩãgõta wãgãdoayupo. ⁴¹ Pedro igoya mojõgue ñeã, tããwãgũnú, p̄rũ wapiweyarã nomerẽ gajirã Jesúre b̄remurãdere siiumu, ĩgũsãrẽ wiayupũ igore. ⁴² ããrĩpererã Jope marã igore ĩgũ masũadea kerere péperekõãñurã. Irasirirã wãrã Jesúre b̄remunugãñurã. ⁴³ Pedro yoaripoe Jopeguere sugũ Simón wãĩkũgũ, waimurã gasirire ãmurĩmasũya wiigue ããrĩyupũ.

10

Cornelio Pedroke siudoredea

¹ Cesareaguere Cornelio wãĩkũgũ wãrã surara, “Italiano” wãĩkuri bumarã opũ ããrĩyupũ. ² Cornelio, ããrĩpererã ĩgũya wii marã merã Marĩp̄re goepeyari merã b̄remuñurã. Irasirigũ judío masaka boporãrẽ iritamugũ wãri niyeru s̄nayupũ. Ëmurikũ Marĩp̄re s̄rẽnayupũ. ³ Sunũ

ñamika tres ããrĩmakũ, kërõ irirosũgue sugũ Marĩpũre wereboegũ deyoa, ãgũ pũro ñajãmakũ ããyupũ. Ñajãa, ãgũrẽ:

—Cornelio, ãrĩyupũ.

⁴ Cornelio bũro gũiri merã ãgũ ditare ãã:

—Yũ Opũ, ¿ñeéonorẽ gããmerĩ? ãrĩyupũ.

Ãgũ irasũ ãrĩmakũ, Marĩpũre wereboegũ ãgũrẽ ãrĩyupũ:

—Marĩpũ mũ sërẽrĩrẽ pémi. Mũ boporãrẽ niyeru sĩrĩdere ããmi. ⁵ Irasirĩgũ Simón Pedro wãikũgũre siiudoregũ, Jopegue iriuka mũyarã ãmarẽ!

⁶ ãgũ gajigũ Simón wãikũgũ waimurã gasirire ãmurĩmasũya wiigue ããrĩmi. Iri wii wádiya tũro ããrã, ãrĩyupũ.

⁷ Marĩpũre wereboegũ irasũ ãrĩ odo, waadero pũru, Cornelio ãgũrẽ moãboerã pẽrãrẽ, gajigũ surara ãgũrẽ iritamugũrẽ Marĩpũre goepeyari merã bũremugũrẽ siiuyupũ. ⁸ ãgũsãrẽ siiu,

ããrĩpereri Marĩpũre wereboegũ ãgũrẽ wereadeare wereyupũ. Were odo, ãgũsãrẽ Jopegue iriukõãyupũ.

⁹ ãgũsã waadeanũ gajinũ gapũ goeripoe ããrĩmakũ, Jopegue ejamurã iriripoe Pedro ãgũ ããrĩrĩ wii wekague Marĩpũre sërẽgũ mũrĩayupũ. ¹⁰ ãgũ iroque ããrĩgũ bũro mũboa, baadũadiyupũ. Iri wii marã ãgũsã baari ãmuripoe kërõ irirosũ waasũ, ãmũgasi tũpãmakũ ããyupũ. ¹¹ Irasũ tũpãmakũ, suñe surĩro irirosũ deyori gasiro wapikũri tũrori sũadea gasiro miẽ, yebague دچارimakũ ããyupũ. ¹² Iri gasiro poekaguere ããrĩpererã waimurã: paárã, yebague sĩgũwãgãrã, wũrã sãñañurã. ¹³ Marĩpũ ãgũrẽ:

—Pedro, wāgānugā, iīsārē wējē baaka! āriyupũ.

14 Īgũ irasũ ārīmakũ:

—Yũ Opũ, yũ Īgūsānorē neō baañabea. Ñerārē, mũ gũare baadorebirinerārē neō baabea, āriyupũ.

15 Marīpũ Īgūrē dupaturi ārīnemoyupũ doja:

—Yũ: “Ōārā āārīma”, ārīrārē, Īgūsārē: “Ñerā, baaya marīrā āārīma”, ārībirikōāka! 16 Ūrea Īgūrē irire ĩmuadero pũũ, iri gasirore ũmugasigue āĩmũrīākōāyupũ doja. 17 Pedro: “¿Naásũ ārīduaro irikuri iri yũre ĩmuadea?” ārī gũñarikuripoe Cornelio iriuanerā Īgũ āārīrī wii makāpũro: “¿Simōya wii noogue āārīrī?” ārī sērēñarā ejañurā. 18 Irogue eja, iri wii marārē: “¿Ōōta āārīrī, Simón Pedro wāikũgũ?” ārī oeñurā. 19 Pedro Īgũ ĩādeare gũñagũ iriyupũ dapa. Īgũ irire gũñaripoe Ōāgũ deyomarīgũ Īgūrē:

—Īāka! Ūma urerā āmarā yāma mũrē. 20 Murīgora dijapurumuka! “¿Naásũ waarokuri yũre?” ārī, neō gũñarikuro marīrō Īgūsā merā waaka! Yũ Īgūsārē iriuabũ mũrē, āriyupũ Pedrorē.

21 Īgũ irasũ ārīmakũ pégũ, Pedro dija, Īgūsārē:

—Yũta āārā mũsā āmagũ. ¿Nasirirā aarari? āriyupũ.

22 Īgūsā Īgūrē ārīñurā:

—Surara opũ Cornelio wāikũgũ gũare iriuami. Īgũ ōārīrē irīgũ, Marīpũre goepeyari merā bũremugũ āārīmi. Āārīpererā judío masaka Īgūrē: “Ōāgũ āārīmi”, ārī ĩāma. Sugũ Marīpũre wereboegũ mũrē Īgũya wiigũ waadoregũ siiudoreayupũ. Mũ Īgũ pũro waamakũ, mũ wererire pégukumi. Irasirirā mũrē siiurā aarirā iriabũ, ārīñurā.

23 Īgūsā irasū ārīmakū pégu, Pedro: “Ñajārika! Ōō kārika dapagā ñamirē!” āriyuru. Gajinu gapu Īgūsā merā waakōāyuru. Gajirāde Jope marā Jesúre buremurā Īgūsā merā wapikuwāgāñurā.

24 Gajinu gapu Cesareaguere ejañurā. Cornelio gapu, Īgūyarārē, Īgū merāmarādere Īgūya wiigüe siiu neō, Pedrose yúyuru. 25 Pedro Īgūya wii ejamakū, Cornelio makāpurogue bokatīrīgū wiria, ñadukupuri merā ejamejāyuru Īgūrē buremugū.

26 Īgū irasirimakū ĩā, Pedro gapu Īgūrē tūāwāgūnú:

—Wāgānugāka! Yude mu irirosūta masaku āārā, āriyuru.

27 Īgūya wiigüe weretamu ñajārā, Pedro wārā masaka iroque nerēanerārē bokajayuru. 28 Irasū bokajagu, Īgūsārē āriyuru:

—Gua judío masaka āārīrā, judío masaka āārīmerāya wiiriguere ñajārā, Moisés guare pídeare tarinugābukoa. Musā irire ōārō masā. Marīpu gapu gaji bumarārē: “Ñerā āārīma”, ārīdorebirami yure. 29 Irasirigu mu iriuanerā yure siiurimakū, “Waabea”, ārīrō marīrō mata aarabu. Dapagora yu ōōgue ejasīā, musārē: “¿Nasiribu yure siiuari?” ārī sērēñaduakoa, āriyuru.

30 Cornelio Īgūrē āriyuru:

—Wapikurinu taria i horanota tres āārīmakū, i wii yu bere, Marīpure sērēriporē gūñaña marīrō sugu ūmu suríro buro goseriñe sāñagū deyoa:

31 “Cornelio, Marīpu mu sērērīrē pémi. Mu boporārē iritamurīdere ĩāmi”, ārīmi yure. 32 “Muyarā ūmarē iriuka, Jopegue Simón Pedro wāikugure siiudoregu. Īgū gajigu Simón wāikugu waimurā gasirire āmugūya wiigüe wádiya turo āārīrī wiigüe

ããrĩmi. Īgũ m̄ puɾo ejagũ, m̄rẽ weregũkumi”, ãrĩ weremi ȳare. ³³ Irasirigũ mata yaarã ùmarẽ m̄rẽ siiudoregũ iriuabũ. Irasirigũ m̄ ḡua puɾo õãrõ aarayo. Marĩ ããrĩpererã õõrẽ Marĩpu ĩũrõ ããrã. Irasirirã ããrĩpereri m̄rẽ Marĩpu weredorerire m̄ guare weremakũ péduakoa, ãrĩyupu Cornelio Pedrore.

Pedro Cornelioya wii ããrĩrãrẽ weredeã

³⁴ Īgũ irasũ ãrĩmakũ pégu, Pedro ãsũ ãrĩ werenugãyupu Īgũsãrẽ:

—Yũ dapagoragueta pémasĩa. Diayeta ããrã. Marĩpu marĩ ããrĩpererãrẽ surosũ ĩãmi. ³⁵ Irasirigũ ããrĩpereri bumarã Īgũrẽ buremu, õãrĩrẽ irirãnorẽ ĩãbéobirikumi. ³⁶ Marĩpu Īgũya kerere judío masakare pídi ããrĩmĩ. “Jesucristo merã siñajãrĩ bokarãkuma”, ãrĩdi ããrĩmĩ. Īgũta ããrĩpererã Opu ããrĩmĩ. ³⁷ ããrĩpereri ḡua judío masaka ããrĩrĩ nikũgue waadeare õãrõ masĩkoa m̄sã. Juan masakare bue, Īgũsãrẽ deko merã wãiyemi. Īgũ irasiriadero puɾũ, Jesús Galileague buenugãmi. ³⁸ Idere masĩkoa m̄sã. ĩ Jesús Nazaretm̄rẽ Marĩpu Õãgũ deyomarĩgũ merã Īgũrẽ turarire s̄idi ããrĩmĩ. Marĩpu Īgũ merã ããrĩnikõãdi ããrĩmĩ. Irasirigũ Jesús masakare õãrĩrẽ irigorenami. Noó Īgũ waaró ããrĩpererã wãtĩ doreri irirãrẽ taumi. ³⁹ Ḡua judío masaka ããrĩrĩ nikũgue Jerusalẽguedere ããrĩpereri Īgũ irideare ĩãbũ. Irogue Īgũrẽ curusague pábiatú wějẽma. ⁴⁰ Īgũsã wějẽkeremakũ, urenũ waaró merã Marĩpu gapũ Īgũrẽ masũkõãdi ããrĩmĩ. Īgũrẽ masũ, puɾũ guare deyoamakũ irimi, Īgũ dupaturi okarire masĩburo,

ãrĩgũ. ⁴¹ Jesús ããrĩpererã masakare deyoabiridi ããrĩmĩ. Gũa ditare deyoami. Ĩgũ deyoamakũ, gũa ĩgũ merã baa, iirĩbũ. Iripoegueta Marĩpũ gũare beyedi ããrĩmĩ, Jesũre ĩgũ masũadire ĩãmurãrẽ. ⁴² Marĩpũ Jesũreta masaka ããrĩpererã okarãrẽ, boanerãdere: “Õãrãrẽ taugũkoa, ñerã gapũre wajamoãgũkoa!” ãrĩ beyebure pídi ããrĩmĩ. Irire masakare weredoremi gũare Jesús. ⁴³ ããrĩpererã Jesũre bũremurãrẽ Marĩpũ ĩgũsã ñerõ irideare kãtigũkumi, ãrĩrĩrẽ gojanerã ããrĩmã ããrĩpererã Marĩpũya kerere weredupiyunerã, ãrĩ wereyupũ Pedro Cornelioya wii nerẽanerãrẽ.

Judío masaka ããrĩmerãde Õãgũ deyomarĩgũrẽ opanũgãdea

⁴⁴ Pedro werenĩrĩrẽ pérãguere Õãgũ deyomarĩgũ dijijayupũ. ⁴⁵⁻⁴⁶ Ĩgũ ejadero purũ, ĩgũsã gajirã ya merã werenĩmasĩbirideare werenĩnũgã, usuyari merã Marĩpũre: “Õãtarigũ ããrã mũ”, ãrĩ bũremuñurã. Ĩgũsã irasũ ãrĩmakũ pérã, Pedro merã irogue ejanerã judío masaka Jesũre bũremurã pégũkakõãñurã. “Marĩpũ Õãgũ deyomarĩgũrẽ iriumi judío masaka ããrĩmerãdere”, ãrĩñurã. ⁴⁷ Irasirigũ Pedro ĩgũ merãmarãrẽ ãrĩyupũ:

—Marĩpũ Õãgũ deyomarĩgũrẽ marĩ judío masakare iriuderosũta ĩsãdere iriumi. Irasirirã ĩgũsã Õãgũ deyomarĩgũrẽ opamakũ ĩãrã, marĩ ĩgũsãrẽ deko merã wãiyebirikõãrã, ãrĩmasĩña máa. ⁴⁸ Irasirirã: “Mũsã Jesucristore bũremurã ĩgũyarã ããrã”, ãrĩ wãiyeka ĩgũsãrẽ! ãrĩ wereyupũ Pedro ĩgũ merãmarãrẽ.

Īgūsārē wāīyeadero p̄uᵐ, Pedrosārē: “Yoaweyarīpoe dujaka ḡuᵐ merā dapa!” āriñurā.

11

Pedro Jerusalén marārē Jesúre b̄uremurārē were-dea

¹ Jesús buedoreḡu beyenerā, gajirā Īgūrē b̄uremurā Judeague āārīrā: “Judío masaka āārīmerāde Marīp̄uyare b̄uremuma”, āārī kerere péñurā. ² Pedro Cesareague āārādi Jerusalēgue dujajamakū ĩārā, iro marā judío masaka Jesúre b̄uremurā Īgūrē āsū āri werewuᵐ, sērēñañurā:

³ —¿Nasiriḡu judío masak̄u āārīkereḡu, judío masaka āārīmerāya wiigue ñajāa, Īgūsā merā baáari?

⁴ Īgūsā irasū ārīmakū, Pedro āārīpereri Īgūrē iroque waadeare āsū āri wereyup̄u:

⁵ —Ȳu Jopegue āārīgú, Marīp̄ure sērēripoe kērō irirosū waab̄u ȳure. Īm̄ugasigue suñe surīro irirosū deyori gasiro wapik̄uri t̄urori suadea gasiro miē, ȳu p̄uro dijarimakū ĩāb̄u. ⁶ Ȳu iri gasiro poekaguere: “¿Ñeéno āārīrī?” āri, ōārō ĩāgū, āārīpererā waimurā: paārā, makān̄uᵐ marā, yebague sīgūwāgārā, wūrā sāñamakū ĩāb̄u. ⁷ Ȳu Īgūsārē ĩāniripoe Marīp̄u ȳure: “Pedro, wāgān̄ugāka! Īgūsārē wējē baaka!” ārīmakū péb̄u. ⁸ Ȳu gap̄u Īgūrē yujub̄u: “Baabea ȳu Op̄u. Gajirā waimurā ḡuᵐ judío masaka baaya marīrā āārīma. Neō suñarō Īgūsānorē baañabi āārīkub̄u”, ārīb̄u Īgūrē. ⁹ Ȳu irasū ārīmakū, Marīp̄u ĩm̄ugasigue āārīgú dupaturi ārīmi doja: “Ȳu baadorerārē: ‘Baaya marīrā āārīma’”, ārībirikōaka! ārīmi ȳure. ¹⁰ Īrea Īgū irire ĩmuadero

puṛu, iri gasirore āārīpererā merā ūmugasigue āimurīākōāmi doja. ¹¹ Irasiripoeta urerā ūma Cesarea marā yure siiudorerā iriuanerā yu āārīrī wiiguere ejama. ¹² Ōāgū deyomarīgū yure: “Īgūsā judío masaka āārīmerā merā waabea’, ārī gūñabita waaka!” ārīmi. Irasirigu yu Jope marā Jesúre b̄remurā su mojōma pere gajī mojō suru p̄rēbejarā merā waa, Cesareaguere eja, ḡua āārīpererā Cornelioya wiigue ñajāb̄u. ¹³ Ḡua iro ñajājamakū, Cornelio ḡuare: “Suḡu Marīp̄ure wereboeḡu yaa wii ñajājamakū iāb̄u. Īgū yure: ‘Jopegue ūma m̄ayarāre iriuka, Simón Pedro wāik̄uḡure siiudoreḡu!’ ārīmi”, ārī weremi. ¹⁴ “Īgū m̄urē Marīp̄uyare weremakū b̄remugū, m̄u, m̄ayarā āārīpererā ōārō tarirākoa. Ūmugasiguere Marīp̄u merā ōārō ūs̄uyari bokarākoa’, ārī weremi yure Marīp̄ure wereboeḡu”, ārīmi Cornelio. ¹⁵ Irasirigu yu Īgūsārē werenugāripoe Ōāgū deyomarīgū marīrē neōgora Īgū dijjaderosūta Īgūsāguere dijjami. ¹⁶ Irasirimakū iāgū, Jesús ārīdeare gūñabokab̄u. Āsūta ārīmi: “Juan m̄usārē deko merā wāiyedi āārīmī. Yu gap̄u m̄usārē Ōāgū deyomarīgū merā wāiyeḡukoa, Īgū m̄usā merā āārīnīkōāburo, ārīgū”. ¹⁷ Marīp̄u marīrē iriuderosūta Ōāgū deyomarīgūrē iriumi, judío masaka āārīmerādere, marī Op̄u Jesucristore Īgūsā b̄remumakū. Īgū irasirimakū iāgū, Marīp̄ure: “Irasiribirikōāka Īgūsārē!” ārīmasībirib̄u yu, ārī wereyup̄u Pedro iro āārīrārē.

¹⁸ Īgū wereadero puṛu, toeperea:

—Marīp̄u judío masaka āārīmerādere Īgūsā

ñerõ irideare bujawere, piridoremi, ïgũsãde umugasigue ïgũ merã õãrõ usuyari bokaburo, ãrĩgũ, ãrĩ, usuyari sññurã Marĩpũre.

Antioquia marã Jesũre buremudea

¹⁹ Estebãrẽ wẽjẽadero pũũ, Jesũre buremurãrẽ ñerõ iriñurã. Irasirirã surãyeri Feniciague, gajirã Chipre nũgũrõgue, gajirã Antioquíague duriwãgãñurã. ïgũsã iroque ejarã, Jesũya kerere wereñurã judío masaka ditare. ²⁰ Surãyeri Jesũre buremurã Chipre marã, Cirene marã ããrĩñurã. ïgũsã Antioquíague eja, judío masaka ããrĩmerãrẽ Jesũya kerere wereñurã. “Jesũs, marĩrẽ taugũ, ããrĩpererã Opũ ããrĩmi”, ãrĩ wereñurã ïgũsãrẽ. ²¹ Marĩpũ irasũ ãrĩ wererãrẽ õãrõ iritamuyupũ. Irasirirã ïgũsã weremakũ pãrã, iro marã wãrã Jesũre buremunũgãñurã. ïgũsã dupiyuro buremudeare pirikõãñurã.

²² “ïgũsãde Jesũre buremuma”, ãrĩrĩ kerere pãrã, Jerusalén marã Jesũre buremurã Bernabẽre Antioquíague iriuñurã: “¿Naásũ waáari?” ãrĩ ïãgũ waaka!” ãrĩrã. ²³ Irasirigũ iroque eja, Marĩpũ ïgũsãrẽ ïgũ iritamuadeare ïã, buro usuyari merã:

—Marĩ Opũ Jesũre õãrõ buremunĩka! ïgũrẽ buremurĩrẽ neõ piribirikõãka! ãrĩ wereyupũ ïgũsãrẽ. ²⁴ Bernabẽ Õãgũ deyomarĩgũrẽ opatarigũ, õãgũ, Jesũre õãrõ buremugũ ããrĩyupũ. Irasirirã ïgũ weremakũ pãrã, wãrã masaka Jesũre buremuñurã.

²⁵ Pũũ Bernabẽ Antioquíague ããrãdi Saulore Tarsogue ããrĩgũrẽ ãmagũ waayupũ. ²⁶ ïgũrẽ bokaja, ïgũsã pãrãgueta Antioquíague goedujaja, Jesũre buremurã merã su bojorigora iri makãguere

ããrĩñurã. Iroguere wárã masakare Jesúyare bueñurã. Iripoe merãta iro marãrẽ Jesúre b̄remurãrẽ: “Cristoyarã, Cristiano ããrĩma”, ãrĩ wãiyep̄roriñurã.

²⁷ Bernabé, Saulo merã Antioquíague ããrĩripoe gajirã Jerusalén marã Marĩp̄ya kerere weredupiyurã iroguere waañurã. ²⁸ Suḡ ãḡsã merã, Agabo wãik̄ḡ ããrĩyup̄. ãḡ iroguere eja, Õãḡ deyomarĩḡ masĩrĩ sĩrĩ merã iro marãrẽ:

–Ããrĩpereroguerẽ masaka ɥaboarãkuma, ãrĩ wereyup̄ ãḡsãrẽ. Claudio wãik̄ḡ romano marã op̄ ñajãdero p̄r̄ Agabo ãḡ ãrĩdea waayuro. ²⁹ ãḡ irasũ ãrĩmakũ p̄rã, Antioquia marã Jesúre b̄remurã ãsũ ãrĩñurã:

–Marĩ Judeague ããrĩrãrẽ Jesúre b̄remurãrẽ marĩ niyeru oparire, marĩ s̄rõ bokatĩũrõ iriurã! ãrĩñurã. ³⁰ Irasirirã niyeru neeõ, Bernabé, Saulo merã: “Jesús buedoreḡ beyenerãrẽ iritamurãrẽ wiaka!” ãrĩ iriũñurã.

12

Santiagoore wējēdea, Pedrore peresu iridea

¹ Iripoere Herodes wãik̄ḡ Judea marã op̄, surãyeri Jesúre b̄remurã Jerusalēgue ããrĩrãrẽ ñerõ irin̄ḡyup̄. ² Irasiriḡ ãḡyarã surarare Santiagoore Juan t̄ḡrẽ sareri majĩ merã wējēdoreyup̄. ³ ãḡrẽ wējēmakũ ããrã, judío masaka ɥs̄yãñurã. Herodes ãḡsã ɥs̄yamakũ ããḡ, Pedrore ñeãdore, peresu iriyup̄. Irasiriripoe pã wemasãrĩ morēña marĩrĩ baari bosenu pascua bosenu ããrĩyuro. ⁴ ãḡrẽ peresu iriadero p̄r̄, wapik̄ri bu surarare gorawayu koredoreyup̄.

Iri burikꝯ wapikꝯrã dita ããrĩñurã. “Pascua bosenu pꝯꝯꝯ, ãĩwiugꝯra masaka ãũrõgue ãgũrẽ wẽjẽdorebu”, ãrĩ gũñadiyupꝯ Herodes. ⁵ Irasirirã Pedrore surara õãrõ koreníkõãñurã. ãgũ irogue ããrĩripoe Jesúre bꝯremurã garꝯ Marĩpꝯre bꝯro sêrẽbosaníkõãñurã.

Marĩpꝯ Pedrore peresugue ããrĩgũrẽ taudea

⁶ Herodes Pedrore masaka ãũrõgue ãgũrẽ ãĩwiuburi ñamirẽ pẽrã surara watopegue peda kõmeda merã sꝯasũadi kãrĩyupꝯ. Gajirã surara pẽrã makãpꝯro wiriarore koreñurã. ⁷ ããrĩpererã kãrĩripoe gũñaña marĩrõ sugꝯ Marĩpꝯre wereboegꝯ Pedro ããrĩrĩ taribugue deyoayupꝯ. Irasiriro iri taribu poekague õãrõ boyosiriakõãyuro. Marĩpꝯre wereboegꝯ Pedroya dukare tũkare, ãgũrẽ yobeyupꝯ.

—Murĩgora wãgãñugãka! ãrĩyupꝯ. ãgũ irasũ ãrĩmakũta, Pedroya mojørĩrẽ ãgũsã kõmedari sꝯadea kuradijakõãyuro. ⁸ Marĩpꝯre wereboegꝯ ãgũrẽ:

—Yũjutũka! Mũya gubu surĩre sãñaka! ãrĩyupꝯ.

ãgũ irasũ ãrĩmakũ pẽgꝯ, yũjutũ, ãgũya gubu surĩre sãñayupꝯ. ãgũ sãña odomakũ, ãrĩyupꝯ doja:

—Wekamañe surĩrore sãñaka! Náka, yũ merã! ãrĩyupꝯ.

⁹ ãgũ irasũ ãrĩmakũ pẽgꝯ, Pedro ãgũrẽ tũyawiriayupꝯ. “¿Diayeta Marĩpꝯre wereboegꝯ yũre ãĩwiriagꝯ irikuri? Gajĩpoe irigꝯ kẽgũ iribukoa”, ãrĩ gũñayupꝯ. ¹⁰ Marĩpꝯre wereboegꝯ, Pedro merã surara korerã ããrĩpꝯrorirãrẽ tari, pꝯꝯꝯ gajirãrẽ tari, iri wii ñajãpꝯroriri kõme makãpꝯrogue ejañurã. Iro ãgũsã ejamakũ, iri makãpꝯro basi tũpãkõãyuro. Iri makãpꝯrore

tariwiria, yoaweyaro waa, Marĩpũre wereboegũ dederiakõãyũpũ. Pedro sugũta dujayũpũ pama. ¹¹ Marĩpũre wereboegũ dederiadero pũũ, Pedro ĩgũrẽ waadeare õãrõ pemasĩ:

—Diayeta Marĩpũ yũre wijatadoregũ, ĩgũrẽ wereboegũre iriuañumi Herodes yũre ñerõ iribirikõãburo, ãrĩgũ, gaji ããrĩpereri judío masaka yũre ñerõ iridũarire kãmutadoregũ, ãrĩ gũñayũpũ.

¹² Irire gũñawãgã, Maríaya wiigũe ejayũpũ. Igo, Juan Marcos wãĩkũgũ pago ããrĩyũpo. Iri wiigũere masaka wárã nerẽ, Marĩpũre sërẽbosarã iriñũrã ĩgũrẽ. ¹³ Irogũe ejagũ, Pedro iri wii tũro ñajãri makãpũrore doteyũpũ. ĩgũ dotemakũ pégo, sugo Rode wãĩkũgo iri wii marãrẽ moãboego: “¿Noã ããrĩrĩ?” ãrĩ ĩãgõ waayũpo. ¹⁴ ĩgũ werenĩrĩrẽ pemasĩ, makãpũrore tũpãbeota usũyari merã ũmañajãa, iro nerẽanerãrẽ: “Pedro makãpũro ããrĩgũ kárinami”, ãrĩ wereyũpo. ¹⁵ Igo irasũ ãrĩmakũ pérã, igore: “Mũ irasũ ãrĩmoãmakõãgõ yáa”, ãrĩ, igo wererire bũremubiriñũrã.

Igo gapũ ĩgũsãrẽ: “Diayeta ãrã yũ”, ãrĩyũpo.

“Iro merẽ Pedroya yũjũpũrã ããrĩkoa”, ãrĩñũrã.

¹⁶ Pedro gapũ makãpũrore dotegũ iriyũpũ dapa. Irasirimakũ waa, iri makãpũrore tũpã, ĩgũ iro nímakũ ĩãrã, gũkakõãñũrã. ¹⁷ ĩgũ gapũ ĩgũya mojõ merã irikeo, ĩgũsãrẽ toedoreyũpũ. Pũũ wiigũe ñajãja, ĩgũ peresu ããrĩgũrẽ Marĩpũ ĩgũrẽ ãĩwiriadeare wereyũpũ ĩgũsãrẽ:

—Irire wereka, Santiagore, gajirã Jesúre bũremurãrẽ! ãrĩ were odo, gajirogũ waakõãyũpũ.

¹⁸ Pũũ boyoripoe peresu korerã Pedro marĩmakũ ĩãrã: “¿Naásũ waáayuri?” ãrĩ gãme

gaguiniñurã ĩgũsã basi. ¹⁹ Irasirigu Herodes ĩgũyarã surarare Pedrore ãmadoreyupũ. ĩgũsã bokabirimakũ ĩãgũ, Pedrore koreadinerãrẽ buru sêrẽña, ĩgũsã yujubirimakũ, ĩgũsãrẽ wẽjẽdoreyupũ. Purũ Judeare wiri, Cesareague ããrĩgũ waayupũ Herodes.

Herodes boadea

²⁰ Iripoere Herodes Tiro, Sidón wãĩkuri makãrĩ marã merã buru guayupũ. Iri makãrĩ marã baari, Herodeya nikũ marã duadea ããrĩyuro. Irasirirã, ĩgũ guamakũ ĩãrã: “Guare baari duabiribukumi”, ãrĩ, ĩgũ purogue irire ãmurã waañurã. Irogue eja, Herodeya wii koregu Blasto wãĩkugure: “Iritamuka guare!” ãrĩñurã. ĩgũ: “Jáũ”, ãrĩmakũ pérã: “Herodere werenĩbosaka, ĩgũ guã merã guanemo-birikõãburo, ãrĩgũ!” ãrĩñurã ĩgũrẽ. ²¹ Irasirigu Herodes ĩgũsã merã werenĩduarinũ ejamakũ, opu sãñarĩ surĩre sãña, masaka ĩũrõ opu doarogue doa, ĩgũsãrẽ wereniyupũ. ²² ĩgũ irasũ werenĩmakũ pérã, masaka gaguiniñurã:

—Ĩĩ õõ werenĩgũ masakũ ããrĩbemi. Ũmugasigue marã Opũ ããrĩmi, ãrĩñurã.

²³ ĩgũsã irasũ ãrĩmakũ pẽgu, Herodes ĩgũsãrẽ: “Masakũta ããrã yũ”, ãrĩbiriypũ. Irasirigu Marĩpũre burumubiri waja, mata Marĩpũre wereboegu Herodere pũrĩrikumakũ iriyupũ. Irasirigu Herodes beka baaweasũ boakõãyupũ. ²⁴ Iri irasũ waadero purũ, Jesũre burumurã Marĩpũya kerere ããrĩpererogure weregorenañurã. Wãrã masaka irire pẽñurã. ²⁵ Bernabé, Saulo merã Jerusalẽgue gajirã Jesũre burumurãrẽ iritamu

odo, Antioquíague gãme dujáañurã. Juan Marcos wãikũgũde ĩgũsã merã waayurũ.

13

Bernabé, Saulo merã Jesúya kerere buenũgãdea

¹ Antioquíaguere Jesúre bũremurã watopegue surãyeri Marĩrũya kerere weredupiyurã, gajirã masakare buerimasã ããrĩñurã. Bernabé ĩgũsã merãmũ ããrĩyurũ. Gajigũ Simón wãikũgũ ããrĩyurũ. ĩgũrẽta masaka: “Ñĩgũ” ãrĩ wãĩyeñurã. Gajigũ Lucio wãikũgũ Cirenemũ ããrĩyurũ. Gajigũ Manaén wãikũgũ, Herodes Galilea marã opũ dagũ merã suro merã masãdi ããrĩyurũ. Gajigũ Saulo ããrĩyurũ.

² Sunũ ĩgũsã bere, Marĩrũre sêrêripoe Õãgũ deyomarĩgũ ĩgũsãrẽ wereyurũ:

—Bernabé, Saulore beyepĩka! ĩgũsã yure moãboemurã, yũ beyesũnerã ããrĩma, ãrĩyurũ.

³ ĩgũ irasũ ãrĩmakũ pérã, ĩgũsã bere, Marĩrũre sêrẽ odo, ĩgũsãya dipure ñapeo, seretu iriuñurã.

Bernabé, Saulo merã Chipre marãrẽ buedea

⁴ Pũrũ Bernabé, Saulo merã Õãgũ deyomarĩgũ ĩgũsãrẽ iriuderosũta Seleucia wãikũri makãgue waa, iroque eja, doódiru merã Chipre wãikũri nũgũrõgue waañurã.

⁵ Iri nũgũrõma makã Salamina wãikũri makãrẽ eja, judío masaka nerẽrĩ wiirigue Marĩrũya kerere wereñurã. Juan Marcode ĩgũsãrẽ iritamugorenayurũ. ⁶ Pũrũ iri nũgũrõrẽ tariwerewãgã, Pafos wãikũri makãgue ejañurã. Iroque ejarã, sugũ judío masakure yé ããrĩgũrẽ bokajañurã. ĩgũ Barjesús wãikũgũ ããrĩyurũ. Griego ya merã Elimas wãikũyurũ. Iri

makã marãrê: “Ûmugasigue marã Opuya kerere weredupiyurimasũ ããrã yu”, ãrĩkatogorenayupu. ⁷ Sergio Paulo wãĩkũgu merãmu ããrĩyupu. Sergio Paulo iri nũgũrõ marã opu, wãri masĩgũ ããrĩyupu. Ìgũ Marĩpuya kerere pẽduagu, Bernabé, Saulore siudoreyupu. ⁸ Irasirirã ìgũsã ìgũ pũrogue wererã waañurã. Elimas, yé ããrĩgũ gapu Sergio Paulo Jesúre bũremumakũ gããmebiriyupu. Irasirigu ìgũsã wererire kãmutadũadiyupu. ⁹ Irasirimakũ, Saulo Õãgũ deyomarĩgũrẽ opatarigu, ìgũrẽ bũro ìãyupu. Saulota, “Pablo” wãĩkũyupu. ¹⁰ Æsũ ãrĩyupu:

—Mu ãrĩkatorikũgu, ñegũ, ããrĩpereri õãrõ iririre kãmutadũagu, wãtĩ irirosũ ããrã. Marĩ Opuya diayemarẽ gorawayudũagu ããrã. ¹¹ Mu irasiriri waja marĩ Opu mũrẽ wajamoãgũkumi. Irasirigu mu koye ìãbi dujagũkoa. Marĩ Opu mũrẽ wajamoãrõpa abe gosesiririre ìãbirikoa, ãrĩyupu Pablo ìgũrẽ. Ìgũ irasũ ãrĩrĩ merãta ìgũrẽ naĩtĩãkõãyuro. Neõ koye ìãbi dujayupu. Irasirigu ìgũrẽ tũãwãgãbure ãmayupu. ¹² Ìgũ irasũ waamakũ ìãgũ, Sergio Paulo marĩ Opu Jesúya buerire pẽgũkakõãyupu. Irasirigu Jesúre bũremuyupu.

Pablo, Bernabé merã Pisidia nikũma makã Antioquía wãĩkũri makãgue ejadea

¹³ Pũru Pablo ìgũ merãmarã merã Pafogue ããrãnerã wiri taribuja, Perge wãĩkũri makãgue ejañurã. Iri makã Panfilia wãĩkũri nikũgue ããrĩyuro. Ìgũsã Pergegue ejamakũ, Juan Marcos gapu ìgũsãrẽ iro pí, Jerusalẽgue gãme dujáakõãyupu doja. ¹⁴ Pũru Pergegue ããrãnerã gaji makã Antioquía wãĩkũri makãgue waañurã. Iri makã

Pisidia wāikuri nikūgue āārīyuro. Irogue eja, judío masaka siñajārīnu* āārīmakū ĩgūsā nerērī wiigue† ñajāa, doañurā. ¹⁵ Iri wii marā oparā Moisés gojadeare, Marīpuya kerere weredupiyunerā gojadeare bueadero pury, Pedrosārē siiu:

—Gwayarā, masakare weredarā, wereka, ĩgūsārē oārō āārīrikuburo, ārīrā! ārīñurā.

¹⁶ ĩgūsā irasū ārīmakū pégu, Pablo wāgānugā, ĩgūya mojō merā irikeo, ĩgūsārē wereyupu:

—Musā Israel bumarā, gajirā ĩgūsā irirosū Marīpuyare bāremurā, oō āārīrā, yu wererire oārō péka! ¹⁷ Marīpuy, gūa judío masaka Israel bumarā būremugū, gūa ñekūsāmarārē beyedi āārīmi. Irasirigu iripoegue ĩgūsā Egiptogue āārīrārē wārā masāporemakū iridi āārīmí. Pury iri nikūgue āārīrārē ĩgū turaro merā āīwiridi āārīmí. ¹⁸ ĩgūsā Egiptore wiridero pury, cuarenta bojorigora masaka marīrōgue waagorenanerā āārīmá. Irogue ĩgūsā ĩgū dorerire tarinugākeremakū, Marīpuy ĩgūsārē oārō koredi āārīmí. ¹⁹ Pury ĩgūsā Canaán nikūgue ejamakū, iri nikū marārē su mojōma pere gajī mojō peru pērēbejari buri marārē Marīpuy béosīā, gūa ñekūsāmarārē pídi āārīmí iro āārīdoregu. ²⁰ Marīpuy ĩgūsārē iri nikūgue pídero pury, cuatrocientos cincuenta bojorigora āārīnerā āārīmá. ĩgūsā irogue āārīmakū, Marīpuy ĩgūsārē doremurārē pídi āārīmí. ĩgūsā Samuel wāikugu Marīpuya kerere weredupiyudi ĩgū

* **13:14** Judío masaka siñajārīnu, sábado āārā. † **13:14** Judío masaka nerērī wii, sinagoga wāikuri wii āārā. Irogue ĩgūsā siñajārīnu āārīmakū nerē, Marīpuya werenīrī gojadea pūrē buenama.

ãārĩnũgãripoegue doretũnunerã ãārĩmá. ²¹ Gũa ñekũsãmarã Samuere: “Sugũ gũa opũ gããmekoa”, ãrĩ sērēmakũ pégu, Marĩpũ ĩgũsã opũ ãārĩbure Saũre pídi ãārĩmĩ. Saúl, Cis wãĩkũgũ magũ, Benjamĩya bumũ ãārĩdi ãārĩmĩ. ĩgũ cuarenta bojorigora ĩgũsã opũ ãārĩdi ãārĩmĩ. ²² Pũrũ Marĩpũ Saũre Israel bumarã opũ ãārĩrĩrẽ béo, David wãĩkũgũre ĩgũsã opũ ãārĩbure pídi ãārĩmĩ. Āsũ ãrĩdi ãārĩmĩ ĩgũrẽ: “Davire Isai magũrẽ bokabu. Bũro usũyãa ĩgũ merã. Āārĩpereri yũ gããmerĩrẽ irigũkumi”, ãrĩdi ãārĩmĩ. ²³ “Sugũ David parãmi ãārĩturiagu, mũsãrẽ Israel bumarãrẽ taugũ aarigũkumi”, ãrĩ weredi ãārĩmĩ Marĩpũ gũa ñekũsãmarãrẽ. Irasirigũ ĩgũ ãrĩderosũta Jesũre iriudi ãārĩmĩ. ²⁴ Jesũs masakare buenũgãburi dupiyuro Juan ãārĩpererã Israel bumarãrẽ: “Mũsã ñerõ irideare bũjawere, mũsã gũñarĩrẽ gorawayuka! Mũsã irasirimakũ ĩãgũ, mũsãrẽ deko merã wãĩyegũkoa”, ãrĩ buedi ãārĩmĩ. ²⁵ ĩgũ buetũnuburi dupiyuro ĩgũsãrẽ ãrĩdi ãārĩmĩ: “Mũsã yũre: ‘Gũare taugũ ãārĩmĩ’, ãrĩ gũñadãa. Āārĩbea yũ. Yũ pũrũ gajigũ aarigũkumi. Yũ gapũ ubu ãārĩgũ, ĩgũrẽ neõ sũropebirikoa”, ãrĩdi ãārĩmĩ.

²⁶ Yaarã, Abraham parãmerã ãārĩturiarã, gajirã ĩgũsã irirosũ Marĩpũre bũremurã õõ ãārĩrãde õãrõ péka! Marĩpũ marĩrẽ: “Taugũra”, ãrĩ kere iriudi ãārĩmĩ. ²⁷ Jerusalén marã, ĩgũsã oparãde Jesũs marĩrẽ taugũre ĩãmasĩbirinerã ãārĩmá. Siñajãrĩnrĩkũ Marĩpũya kerere weredupiyunerã gojadeare buekererã, neõ pémasĩbirinerã ãārĩmá. Pémasĩbirisĩã, Jesũre wẽjẽdorerã, Marĩpũya werenĩrĩ gojadea pũgue ãrĩderosũta irinerã ãārĩmá. ²⁸ Jesũs ĩgũ ñerõ

irideare bokabirikererã, Pilatore: “Wějêka ĩgũrê!”
 ãrĩ sêrêñurã. ²⁹ Irasirirã iripoegue Marĩpũya
 kerere weredupiyunerã gojadea pũgue ãrĩderosũta
 Jesúre ããrĩpererire iri odo, ĩgũrê curusague boadire
 ãĩdiju, masãgobe ùtãyegue mádea gobegue pĩnerã
 ããrĩmá. ³⁰ ĩgũrê wějêkeremakũ, Marĩpũ gapũ
 boadiguere masũdi ããrĩmĩ. ³¹ ĩgũ masãdero
 pũru, wárinurĩ deyoadi ããrĩmĩ ĩgũ merãmarãrê.
 Dupiyurogue ĩgũsã ĩgũ merã Galileague wiri,
 Jerusalêgue wapikũgorenarã waanerã ããrĩmá.
 Dapagorare ĩsãta ĩgũ masãdire ĩãnerã, ĩgũyare
 werema guayarãrê.

³²⁻³³ Irasirirã yũ, yũ merãmũ Bernabé mũsãrê
 Jesúya kerere wererã aaribú. Iripoegue Marĩpũ
 ĩgũ Jesús merã òãrò iriburire weredi ããrĩmĩ
 gũa ñekũsãmarãrê. ĩgũ ãrĩderosũta guare ĩgũsã
 parãmerã ããrĩturiarãrê irasiridi ããrĩmĩ Jesúre
 boadiguere masũgũ. Salmos wãĩkũri gojadea
 pũgue ãsũ ãrĩ gojasũdero ããrĩbú: “Yũ magũ
 ããrã mũ. Dapagã mũrê masãmakũ yáa”, ãrĩdi
 ããrĩmĩ Marĩpũ. ³⁴ Gaji pũgue Marĩpũ ãsũ ãrĩdi
 ããrĩmĩ, Jesúre boadiguere masũburire, ĩgũ dũpũ
 boabiriburire: “Iripoegue yũ Davire: ‘Òãrò
 irigura’, ãrĩderosũta mũrê irigũkoa”, ãrĩdi ããrĩmĩ.
³⁵ Gaji Salmos pũ David ĩgũ gojadea pũgue ãsũ ãrĩ
 gojadi ããrĩmĩ: “Mũ dorerire òãrò iridiya dũpũre
 neò boadorebirikoa”, ãrĩ gojadi ããrĩmĩ. ³⁶ Diayeta
 werea. David okagũ, Marĩpũ gããmederosũta ĩgũ
 ããrĩdeapoe marãrê iritamuníkõãdi ããrĩmĩ. ĩgũ
 boadero pũru, ĩgũ ñekũsãmarã darãrê yáaderogueta
 gajirã ĩgũrê yãanerã ããrĩmá. ĩgũrê yáadero pũru,
 ĩgũya dũpũ boakõãyuro. ³⁷ Jesús Marĩpũ masũdiya

dupu gapu neō boabiridero āārībú. ³⁸⁻³⁹ Mūsā āārīpererā Jesúya kerere yu weremakū, ōārō péka! Īgū merā marī ñerō irideare kātiri bokarākoa. Īgūrē b̄remurānorē Īgūsā ñerō irideare Marīpu kātigukumi. Moisés doreri iriri merā neō kātiri bokabirikoa. ⁴⁰ Irasirirā mūsā dapagora marā ōārō pémasīka! Mūsā ōārō pémasībirimakū, iripoegue marā Marīpuya kerere weredupiyunerā gojaderosūta mūsādere waarokoa. ⁴¹ Āsū ārī gojanerā āārīmá Marīpuya werenírī gojadea pūgue:

Ōārō péka, yure b̄ridarimasā! Mūsā okarinurīrē mūsārē gajino b̄uro goerire ĩmugura. Gajirā mūsārē irire weremakū pékererā, b̄remubirikoa. Irasirirā mūsā b̄remubiridea waja béosūrākoa, ārī gojanerā āārīmá,✧

ārī wereyupu Pablo Antioquía marārē. ⁴² Pablosā irire were odo, wiriamakū, judío masaka āārīmerā iri wiigue nerēanerā Īgūsārē:

—Gaji siñajārīnu āārīmakū, guare irireta werenemoka doja! ārī sērēñurā. ⁴³ Irasirirā iri wii nerēanerā wiriamakū, wárā judío masaka, judío masaka irirosū b̄remurāde Pablosā wererire b̄remusiā, Īgūsārē tuyañurā. Irasirirā Pablosā Īgūsārē: “Marīpu mūsārē b̄uro maírī merā ĩāgūrē b̄remurīrē neō piribirikōāka!” ārīñurā.

⁴⁴ Gaji semana siñajārīnu āārīmakū, wárā iri makā marā Marīpuya kerere pémurā iri wiigue nerēñurā doja. ⁴⁵ Īgūsā wárā nerēmakū ĩārā, judío masaka Pablora b̄uro ĩāturiñurā. Irasirirā ñerō

✧ 13:41 Hab 1.5

werenĩrĩ merã Pablo wererire: “Diaye ããrĩbea”, ãrĩñurã. ⁴⁶ Īgūsã irasũ ãrĩmakũ pérã, Pablo, Bernabé güiro marĩrõ merã Īgūsãrẽ ãrĩñurã:

—Marĩpũ dorederosũta gũa musãrẽ judío masakare Īgũya kerere wereroriadabu. Musã gapũ irire neõ gããmebea. Marĩpũ pũro perebiri okari opaburidere gããmebea. Irasirirã gũa judío masaka ããrĩmerã gapũre iri kerere wererãkoa. ⁴⁷ Æsũta doredi ããrĩmĩ Marĩpũ Īgũya werenĩrĩ gojadea pũguere:

Musãrẽ judío masaka ããrĩmerãrẽ yaa kerere weredoregũ pígukoa. Irasirigũ Īgūsãrẽ ããrĩpererã i nikũ marã musã irire weremakũ pérãnorẽ taugũkoa perebiri peamegue waabonerãrẽ, ãrĩdi ããrĩmĩ Marĩpũ, ãrĩ wereñurã.✧

⁴⁸ Īgūsã irasũ ãrĩmakũ pérã, judío masaka ããrĩmerã bũro usũyari merã: “Marĩpũya kere gapũ õãrĩ ããrã”, ãrĩñurã. Irasirirã Marĩpũ beyesũnerã, Īgũ pũroque perebiri okari Īgũ sĩsũmurã, Jesúre bũremuñurã. ⁴⁹ Irasirirã Marĩpũyare ããrĩpererogue iri nikũ marãrẽ weregoreñañurã. ⁵⁰ Irasirimakũ ããrã, surãyeri judío masaka Pablosãrẽ ñerõ werenĩñurã. Īgūsã wererire pérã, gajirã wáro niyeru oparã judío masaka iririkũrere bũremurã nome Pablosã merã gũañurã. Iri makã marã oparãde Īgūsã merã gũañurã. Irasirirã Īgūsãrẽ ñerõ irinũgã, Īgūsãya nikũrẽ béowiukõãñurã. ⁵¹ Irasirirã Pablo, Bernabé Īgūsãya gubu surire tuadea nikũwerare mojébéoñurã, iri makã marã Īgūsã ñerĩ iriri waja ĩmurã. Irasiri odo, Iconiogue waakõãñurã. ⁵² Īgūsã waakeremakũ, Jesúre

✧ 13:47 Is 49.6

buremurã gapu irogue ããrĩrã Ôãgũ deyomarĩgũrẽ opatari, buro usuyari merã dujañurã.

14

Pablo, Bernabé merã Iconiogue ejadea

¹ Pablo, Bernabé merã Iconiogue eja, judío masaka nerẽrĩ wiigue ñajãa, Jesúya kerere wereñurã. Īgũsã weremakũ pérã, judío masaka, gajirã judío masaka ããrĩmerãde wárã Jesúre buremunũgãñurã. ² Judío masaka Jesúyare péduamerã gapu, Jesúre buremurãrẽ ñerõ werenĩñurã. Judío masaka ããrĩmerãrẽ, Jesúre buremurã merã guamakũ iriñurã. Irasirirã judío masaka ããrĩmerã Jesúre buremurãrẽ ñerõ gũñañurã. ³ Īgũsã irasũ gũñamakũ iãrã, Pablosã gapu yoaripoe irore duja, gũiro marĩrõ merã: “Marĩpu masakare buro maĩrĩ merã iãmi”, ãrĩ bueñurã. Īgũsã buemakũ, Marĩpu ĩgũyare: “Diayeta buema”, ãrĩgũ, ĩgũ turaro merã iri ĩmurĩrẽ ĩgũsã irimakũ iritamuyupu. ⁴ Irasirirã iri makã marã dukawariñurã. Surãyeri judío masaka buerire gããmerã, gajirã Pablosã buerire gããmerã dujañurã. ⁵ Jesúya kerere gããmemerã: judío masaka, judío masaka ããrĩmerãde, oparã merã nerẽ, Pablosãrẽ ñerõ ãrĩ, ãtãyeri merã dea wẽjẽduañurã. ⁶⁻⁷ Īgũsã irasũ wẽjẽduarire pérã, Pablo, Bernabé merã Licaonia nikũgue duriwãgãñurã. Irogue eja, iro marãrẽ Jesúya kerere buegoreñañurã. Īgũsã irasũ buegorenarã, iri nikũ ããrĩrĩ makãrĩ Listra, Derbe wãĩkuri makãrĩgue ejañurã.

Listrague Pablore ãtãyeri merã deadea

⁸ Listrague eja, sugũ neõ deyoagũgueta waamasĩbiridire iro doagũre bokajañurã. ⁹ Irasirigũ irogue doagũ, Pablo buemakũ péyupũ. Ìgũ pémakũ, Pablo su diayeta ãyupũ Ìgũrẽ. “Ì Jesúre bũremumi. ‘Ìgũ yure taumasĩmi’, ãrĩ gũñakumi”, ãrĩ gũñayupũ Pablo Ìgũrẽ ãgũ. ¹⁰ Irasirigũ turaro merã:

—Wãgãñugãka! ãrĩyupũ Ìgũrẽ.

Ìgũ irasũ ãrĩmakũ pégũ, pariwãgãñugã waayupũ. ¹¹ Pablo Ìgũrẽ irasirimakũ ããrã, Licaonia marã Ìgũsã ya merã ãsũ ãrĩ gaguinĩñurã:

—Marĩ bũremurã ãmarõgue ããrãnerã ãma irirosũ deyorã marĩ pũrogue dijajama, ãrĩ gaguinĩñurã.

¹² Irasirirã Bernabére: “Marĩ bũremurã opũ Zeus wãikugũ ããrĩmi”, ãrĩ wãïyeñurã. Pablo gapũre Ìgũsãrẽ wererũroridi ããrĩmakũ: “Marĩ bũremugũ Hermes wãikugũ ããrĩmi”, ãrĩ wãïyeñurã.

¹³ Iri makã ñajãrõ tũro Zeure bũremurĩ wii ããrĩyuro. Sugũ paí iri wiire koregũ wekũare, goori Ìgũ ãmuadeare ãïwãgãyupũ. Ìgũ, iro marã merã wekũare wẽjẽ soepeodũadiyupũ Pablosãrẽ bũremudũagũ. ¹⁴ Ìgũsã irasũ iridũamakũ ããrã, Pablosã Ìgũsãya surire yegue, iro ããrĩrã watopegue ãmawãgã, ãsũ ãrĩ gaguinĩñurã:

¹⁵ —Mũsã gũare, ¿nasirimurã irasũ yãri? Gũde mũsã irirosũta masaka ããrã. Gũa mũsãrẽ Marĩpũya kerere ãsũ ãrĩ wererã aaribũ. Keori weadeare béokõãka! Marĩpũ okagũ gapũre bũremuka! Ìgũta ãmũgasi, i nikũ, dia, ããrĩpererã i ãmũgue ããrĩrãrẽ iridi ããrĩmi. ¹⁶ Iripoegue ããrĩpereri buri marãrẽ Ìgũsã gããmerõ irimakũ kãmutabiridi

ããrĩmĩ. ¹⁷ Masaka ãgũrẽ bũremubirikeremakũ, marĩrẽ õãrõ irigũ, ãgũ õãrõ ããrĩrikũrĩre ãmumi ããrĩpererãrẽ. Irasirigũ deko merẽmakũ yãmi. Marĩ oterire dukakũmakũ yãmi marĩ baaburire sãgũ. Irasirigũ usuyari merã ããrĩmakũ yãmi marĩrẽ, ãrĩñurã Pablosã ãgũsãrẽ.

¹⁸ ãgũsã irasũ ãrĩmakũ pakererã, Pablosãrẽ bũremudũarã, wekũare wẽjẽ soepeodũadiñurã dapa. Pablosã gapũ ãgũsãrẽ: “Iropata irika! Iririre pirikõãka!” ãrĩmakũ pãrã, irire pirikõãñurã pama.

¹⁹ Pũrũ gajirã judío masaka, Antioquía marã, Iconio marãde Listrague ejañurã. Irogue ejarã, Pablora ñerõ werenĩñurã. ãgũsã irasũ ãrĩmakũ pãrã, iro marãde ãgũ merã gua, ãgũrẽ ãtãyeri merã deañurã. Dea odo: “Íĩ kũmoakõãmi”, ãrĩ, iri makã tũrogue tũãwãgã meépibéokõãñurã. ²⁰ ãgũsã irasirikeremakũ, Jesũre bũremurã gapũ ãgũ pũro nerẽjañurã. ãgũsã nerẽjamakũ, wãgãñugã, ãgũsã merã makãgue dujãakõãyupũ doja. Gajinũ gapũ Bernabé merã Derbegue waayupũ.

²¹ Irogue eja, Jesũya kerere wereñurã. ãgũsã weremakũ pãrã, wãrã iro marã Jesũre bũremuñurã. Irire were odo, Listrague goedujãañurã. Iro eja, Iconiogue waañurã. Pũrũ Pisidiana makã Antioquíague ejañurã. ²² Iri makãrĩgue weregorenã, Jesũre bũremurãrẽ õãrõ ããrĩrikũmakũ iriñurã. “Jesũre bũremurĩrẽ neõ piribirikõãka! Marĩpũ ãgũyarãrẽ doreroguerẽ waadũarã, õõguere wãri poyari merã ããrĩrãkoa”, ãrĩ bueñurã ãgũsãrẽ.

²³ Pũrũ iri makãrĩkũ marãrẽ Jesũre bũremurãrẽ iritamumurãrẽ beyeñurã. Beye odo, bere, ãsũ ãrĩ

sērēñurā Marīpure ĩgūsā buremugūrē:

—Г҃а Ору, ĩsā m̄yarārē iritamuka! ārĩñurā.

Pablo, Bernabé merā Siria nikūma makā Antioquíague dujáadea

²⁴ ĩgūsā Pisidia nikūgue weregorenadero p̄ru, Panfilia nikūgue ejañurā. ²⁵ Iri nikūma makā Pergere Marīp̄ya kerere were odoadero p̄ru, Atalia wāik̄uri makāgue waañurā. ²⁶ Iri makā āārānerā Antioquíague dujáarā, doódiru merā waañurā. Iripoegue iri makā marā Jesúre buremurā Pablosārē iriup̄rorirā, Marīpure ĩgūsāya āārĩburire āsū ārĩ sērēbosanerā āārĩmá: “Г҃ару, му маĩrĩ merā ĩsārē m̄yare buegorenamakū, ōārō koreka!” ārĩ sērēnerā āārĩmá. Irasirirā Pablo, Bernabé merā ĩgūsā buedoreadeare buepeo, iri makārē goeñurā doja. ²⁷ Irasirirā iri makārē goejarā, gajirā Jesúre buremurā merā nerē, āārĩpereri ĩgūsā Marīpu turari merā iriadeare, Marīpu judío masaka āārĩmerādere Jesúre buremumakū iriadeare wereñurā ĩgūsārē. ²⁸ Yoaripoe iroguere Jesúre buremurā merā āārĩñurā.

15

Jerusalēgue Jesúre buremurā nerēdea

¹ Pablo, Bernabé Antioquíague āārĩripoe gajirā Judea nikū marā iroguere eja, Jesúre buremurārē āsū ārĩ buen̄gāñurā.

—Moisés dorederosūta āārĩpererā m̄sāya d̄p̄ma gasirogārē wiiribirimakū, Marīpu m̄sārē taubirikumi, ārĩñurā. ² ĩgūsā irire ārĩmakū pérā, Pablosā ĩgūsā merā b̄ro gāme

guaseoñurã. Irasirirã Antioquía marã Jesúre b̄remurã Pablöre, Bernabére, gajirã iro marãdere Jerusalégue waamurãrẽ beyeñurã. Āsũ ārĩñurã: “Jerusalégue waaka! Jesús buedoregũ beyenerãrẽ, ĩgũsarẽ iritamurãdere: ‘¿Judea marã buerire ðiayeta ãārĩrĩ?’ ārĩ sērẽñarã waaka!” ārĩ iriuñurã.

³ Irasirirã Jesúre b̄remurã ĩgũsarẽ iriuadero p̄rũ, Pablo, Bernabé merã Fenicia nikũ waa, p̄rũ Samaria nikũrẽ tariwãgã, judío masaka ãārĩmerã ĩgũsã ñekũsãmarã b̄remunadeare piri, Marĩp̄ya gap̄re b̄remunugãrĩ kerere wererã iriñurã Jesúre b̄remurãrẽ. Irire pérã, ãārĩpererã buro us̄yañurã.

⁴ Pablosã Jerusalégue ejamakũ ĩarã, Jesúre b̄remurã, Jesús buedoregũ beyenerã, ĩgũsarẽ iritamurãde õārõ us̄yari merã bokatĩrĩñurã. Irasirirã Pablo, Bernabé merã ãārĩpereri ĩgũsã Marĩp̄ turari merã irideare wereñurã. ⁵ Iroguere surãyeri fariseo bumarã Jesúre b̄remurã ãārĩñurã. Pablosã weremakũ pékererã, ĩgũsã gap̄rũ wãgãnugã, ãsũ ārĩñurã:

—Judío masaka ãārĩmerã Jesúre b̄remurã, ĩgũsãya d̄p̄ma gasirogãrẽ wiiriburo. “Moisés doredeare irika musãde!” ārĩrõ gãamea ĩgũsarẽ, ārĩñurã.

⁶ ĩgũsã irasũ ārĩmakũ pé, Jesús buedoregũ beyenerã, gajirã ĩgũsarẽ iritamurã nerẽ, irire ãmuduarã wereniñurã. ⁷ ĩgũsã yoaripoe wereniadero p̄rũ, Pedro wãgãnugã, wereyupũ ĩgũsarẽ:

—Yaarã, õārõ péka ȳre! Iripoegue, ȳrũ musã merã ãārĩgũrẽ Marĩp̄rũ beyedi ãārĩmĩ, ȳre ĩgũya kerere judío masaka ãārĩmerãrẽ weredoregũ.

Irasirigũ ĩgũ masakare tauri kerere werea, Jesúre b̃remuburo, ǎrĩgũ. ⁸ Marĩpũ ǎǎrĩpererǎ gũñarĩrē masĩgũ, judío masaka ǎǎrĩmerǎrē Jesúre b̃remurǎrē: “Yaarǎ ǎǎrĩma”, ǎrĩ ĩmubu, ĩgũsǎdere Ōǎgũ deyomarĩgũrē iriumi marĩrē iriuderosũta. ⁹ Irasirigũ marĩrē ĩgũsǎ merǎ surosũ ĩǎmi. ĩgũsǎ Jesúre b̃remumakũ, ĩgũsǎdere ĩgũsǎ gũñarĩgue ōǎrō ǎǎrĩrikũmakũ yámi. ¹⁰ Marĩpũ Moisére doreri pídeare marĩ ñekũsǎmarǎ bokatĩũbirinerǎ ǎǎrĩmá. Marĩde ĩgũsǎ irirosũ bokatĩũbirikererǎ, ¿nasirimurǎ Jesúre b̃remurǎrē judío masaka ǎǎrĩmerǎrē irire iridorebukuri? ¿Nasirimurǎ Marĩpũ judío masaka ǎǎrĩmerǎrē ĩgũyarǎ ǎǎrĩmakũ iririre: “Iro ǎǎrĩbea”, ǎrĩ gũñabukuri? ¹¹ ǎsũ gapũ gũñarō gǎamea. Marĩ Opũ Jesús marĩrē maĩrĩ merǎ, Marĩpũ marĩrē taumi. Irasirigũ marĩrē taurosũta judío masaka ǎǎrĩmerǎdere taumi, ǎrĩyupũ Pedro ĩgũsǎrē.

¹² ĩgũ irasũ ǎrĩmakũ pérǎ, ǎǎrĩpererǎ toepereakōǎñurǎ. Irasirirǎ Pablo, Bernabé merǎ judío masaka ǎǎrĩmerǎ watopegue Marĩpũ turari merǎ ĩgũsǎ iri ĩmudeare weremakũ ōǎrō péñurǎ. ¹³ ĩgũsǎ irire were odoadero pũrũ, Santiagode wereyupũ:

—Yaarǎ, péka yũre! ¹⁴ Marĩpũ judío masaka ǎǎrĩmerǎrē ĩgũyarǎ ǎǎrĩngǎmakũ neō irideare weresiami Simón Pedro m̃sǎrē. ¹⁵ Marĩpũya kerere weredupiyunerǎ werederosũta waabũ judío masaka ǎǎrĩmerǎrē. Marĩpũya werenĩrĩ gojadea pũgue ǎsũ ǎrĩ gojanerǎ ǎǎrĩmá ĩgũ ǎrĩdeare gojarǎ:

¹⁶ Pũrũ Daviya bumarǎ ĩgũsǎ oparǎ ǎǎrĩdea pereadero pũngue dupaturĩ ĩgũ parǎmi

ãārīturiagure ĩgūsā Opu sóogura doja.
Irasirigu ĩgūyarārē ĩgūsā õārõ ãārīrikumakū
irigukoa.

17-18 Irasirirā ãārīpererā judío masaka ãārīmerā yu
beyenerā, yure ĩgūsā Opure b̄remurākuma,
ārīmi Marīpu masakare irire masĩdoregu, ārī
gojanerā ãārīmá.✧

19 'Irasirigu āsū gūñāa yu. Judío masaka
ãārīmerārē Jesúre b̄remunugārārē wári: “Āsū
irika!” ārī garibobirikõārõ gāamea marīrē.
20 Irasirirā marī ĩgūsārē āsū ārī gojarā: “Keori
weadea puo baari pídeare baabirikõāka! Nome
merā ñerõ iribirikõāka! Nomedē ūma merā ñerõ
iribirikõāka! Waimarā wānugū biu wējēanerāya
díkuri díre baabirikõāka! Díre iirībirikõāka!”
ārī gojarā! 21 Iripoegueta marī nerērī wiirigue
siñajārīn̄uriku Marīpu Moisére doreri pídeare
masaka buema. Irasirirā ãārīpereri makārī marā
iri dorerire masīkuma. Irasirirā yu ārādea ditare
gojarā! ārīyupu Santiago ĩgūsārē.

Judío masaka ãārīmerārē gojadea

22 Irasirirā Jesús buedoregu beyenerā, ĩgūsārē
iritamurā, gajirā ãārīpererā Jesúre b̄remurā merā
Santiago ārādeare: “Irasūta irirā!” ārī, ĩgūsā
merāmarā pērārē beyeñurā Antioquíague Pablo,
Bernabé merā waamurārē. Irasirirā Judare,
Silare beyeñurā. Judata, “Barsabás” wāikuyupu.
ĩgūsā Jesúre b̄remurā watopegue ãārīrā oparā
irirosū ãārīrā ãārīñurā. 23 Pupu ĩgūsā gojadea pūrē
ĩgūsā merā iriuñurā. Āsū ārī gojañurā:

✧ 15:17-18 Am 9.11-12

Gua, Jesús buedoregũ beyenerã, guare iritamurã, gajirã Jesúre bũremurã õõgue ããrĩrã õãdorea musãrẽ.

Ããrĩpererã judío masaka ããrĩmerã Antioquíague, Siriague, Ciliciague ããrĩrãrẽ Jesúre bũremurãrẽ õãdorea.

²⁴ Gajirã gua merãmarã musã pũroque ejarã, musãrẽ garibogorenañurã. Musãya dupũma gasirogãrẽ wiiridore: “Ããrĩpereri Moisés doredeare irika!” ãrĩgorenañurã. Gua gapũ ãgũsãrẽ irire: “Buerã waaka!” ãrĩbiradibũ.

²⁵ Irasirirã gua ããrĩpererã nerẽ, gua merãmarã Judas, Silas wãĩkurãrẽ beyeabũ musã pũroque iriumurã. ãgũsã marĩ maĩrã Pablo, Bernabé merã waarãkuma. ²⁶ Masaka Pablosãrẽta Jesucristo marĩ Opũya kerere gũiro marĩrõ merã buemakũ wẽjẽboyaunanerã ããrĩmã. Mérõgã tarinerã ããrĩmã. ²⁷ Judasã musã pũroque ejarã, gua gojadeare wererãkuma. ²⁸ Õãgũ deyomarĩgũ guare gũñarĩ sĩrõsũta: “Gaji dorerire pĩbirikoa musãrẽ”, ãrĩ gũñãa. Irasirirã i doreri ditare pĩrãkoa: ²⁹ “Keori weadea pũro baari pídeare baabirikõãka! Díre iirĩbirikõãka!

Waimurã wũnugũ biu wẽjẽanerãya díkari díre baabirikõãka! Nome merã ñerõ iribirikõãka! Nomedede ãma merã ñerõ iribirikõãka!” I gua dorerire irirã, õãrĩrẽ irirãkoa musã. Iropata ããrã musãrẽ gua wereduari, ãrĩ gojañurã Jesúre bũremurã Jerusalẽgue ããrĩrã.

³⁰ Iri pũrẽ goja odo, Pablosãrẽ: “Õãrõ waaka!” ãrĩ seretuñurã. Pũrũ Pablosã Antioquíague waañurã. Iroque eja, Jesúre bũremurãrẽ siiu needõ,

iri pūrē wiañurã. ³¹ Iri pūrē bue odo, õãrĩ ãgũsã were gojadeare ããrã, bũro usũyañurã. ³² Judas, Silas merã Marĩpũya kerere weredupiyurã ããrĩñurã. Irasirirã Jesúre bũremurãrẽ Marĩpũ ãgũsãrẽ weredoredeare wereñurã. ãgũsã weremakũ pérã, Jesúre bũremurã gapũ usũya, õãrõ gũñaturari merã dujañurã. ³³ Judas iroguere yoaweyaripoe ããrĩ: “Dujáagu yáa”, ãrĩ seretuyupũ iro marãrẽ. Irasũ ãrĩmakũ pé: “Õãrõ waaka! Bũro siñajãrĩ merã dujáaka Jerusalẽgue. Õãburo iro marã, mũsãrẽ iriuanerã”, ãrĩ dujuñurã. ãgũsã irasũ ãrãdero pũrũ, Judas, gajirã merã Jerusalẽgue dujáakõãyupũ doja. ³⁴ Silas gapũ: “Õõgue dujagũra”, ãrĩ gũñasã, Antioquíague dujakõãyupũ dapa. ³⁵ Pablo, Bernabé merã yoaweyaripoe iroguere dujañurã. Irasirirã wárã gajirã merã iro marãrẽ bue, marĩ Opũ Jesúya kerere weregoreñañurã.

Dupaturi Pablo Jesúya kerere buegorenagũ waadea

³⁶ Mérõgã pũrũ Pablo Bernabére wereyupũ:

—Náka, ããrĩpereri makãrĩ marĩ Opũ Jesúya kerere marĩ buegorenadea makãrĩ marãrẽ: “¿Naásũ ããrĩrikurĩ?” ãrĩ, ããgorenarã! ãrĩyupũ.

³⁷ ãgũ irasũ ãrĩmakũ pégu, Bernabé gapũ Juan Marcõre ããadũadiyupũ. ³⁸ Dupiyurogue Juan Marcos ãgũsã merã Panfiliague ããrĩgũ, ãgũsã moãrĩrẽ bokatĩũbiridea waja Pablo dupaturi ãgũrẽ ããadũabiriyupũ. Irasirigũ Bernabére: “ãgũrẽ ããabirimakũdere õãrokoa”, ãrĩyupũ. ³⁹ Irasirirã ãgũsã basi irire bũro gãme guaseo, dukawariakõãñurã.

Irasirigũ Bernabé gapũ Juan Marcore ãïayupũ, doódiru merã Chipre nũgũrõgue waagũ. ⁴⁰ Pablode Silare beyeyupũ ïgũ merã waabure. ïgũsã buerã waaburi dupiyuro Jesúre bũremurã ïgũsãrẽ: “Marĩ Opũ mũsãrẽ maïgũ õãrõ koreburo”, ãrĩ sãrẽbosa, iriũñurã. ⁴¹ Irasirirã Siria nikũ, Cilicia nikũdere tariwãgã, Jesúre bũremurãrẽ ïgũyare bue, õãrõ gũñaturamakũ iriñurã ïgũsãrẽ.

16

Timoteo, Pablo, Silasãrẽ wapikũwãgãdea

¹ Pũrũ Pablo, Silas merã Derbegue, Listrague ejañurã. Iroque ejarã, Timoteore Jesúre bũremugũrẽ bokajañurã. ïgũ pagode Jesúre bũremugõ, judío masako ããrĩyupo. Pagũ gapũ griego masakũ ããrĩyupũ. ² Jesúre bũremurã Listra marã, Iconio marãde Timoteore: “Õãgũ ããrĩmi”, ãrĩ ïãñurã. ³ Irasirigũ Pablo Timoteore ïgũrẽ wapikũbure ããdũayupũ. Judío masaka iri nikũ marã gapũ Timoteo pagũ griego masakũ ããrĩrĩrẽ masĩñurã. Irasirigũ Pablo ïgũsã merã guamakũ iridũabi, Timoteoya dũpũma gasirogãrẽ wiiriyupũ judío masaka irinarõsũ irigũ. ⁴ Pũrũ Pablo, Timoteo merã waa, ïgũsã gojadea pũmarẽ Jesúre bũremurãrẽ ïgũsã ejari makãrĩ marãrẽ wereñurã. Iri pũ Jerusalẽgue Jesús buedoregũ beyenerã, ïgũsãrẽ iritamurã: “Ãsũ irika!” ãrĩ gojadea pũ ããrĩyuro. ⁵ ïgũsã irire weremakũ pérã, Jesúre bũremurã: “Jáũ”, ãrĩ, gũñaturari merã Jesúre bũremunemoñurã. Gajirãde ãmũrikũ Jesúre bũremubirinerã, bũremunemowãgãñurã.

Pablo kērōgue irirosū Macedoniamūrē iādea

6-7 P_{URU} Pablosā Asia nikūgue Jesúya kerere buerā waaduarārē Ōāgū deyomarīgū waadorebiryup_U. Irasirirā ĩgūsā Frigia nikūrē taria, Galacia nikūdere taria, Misia nikū turogue eja, Bitinia nikūgue waad_Uadiñurā. Ōāgū deyomarīgū gap_U iroguedere waadorebiryup_U. ⁸ Irasirirā Misia nikū turore tariwāgā, Troas wāik_Uri makāgue buajañurā. ⁹ Iroguere iri ñamirē Pablo kērōgue irirosū sug_U Macedonia nikūm_U ĩgū p_{URO} nímakū iāyup_U. “Guare Macedonia marārē iritamugū aarika!” ārī siiuyup_U. ¹⁰ Pablo kērō irirosū waadeare guare weremakū pérā: “Marīp_U iri nikū marārē ĩgūya kerere weredoreg_U iriug_U irikumi marīrē”, ārī gūña, guayare āmu, Macedoniague waakōāb_U. ((Y_U Lucas i pūrē gojabude ĩgūsā merā waab_U.)

Pablo, Silas merā Filipogue waadea

¹¹ Irasirirā Troague āārānerā doódiru merā Samotracia wāik_Uri n_{UG}ūrōgue taribuja, gajin_U gap_U Neápoligue waab_U. ¹² Iri makārē taria, Filipo romano marāya makāgue ejab_U. Iri makāta Macedonia nikūma makārīrē doreri makā āārīb_U. Iroguere yoaweyaripoe āārīb_U. ¹³ Judío masaka siñajārīn_U āārīmakū, ĩgūsā Marīp_{URE} sērērā nerēnarōrē āmarā waarā, iri makā turo, dia wekague waab_U. Iroguere eja, iro nerēanerā nomerē Jesúya kerere were doanīb_U. ¹⁴ Iroguere sugo Tiatira wāik_Uri makāmo, Lidia wāik_Ugo ōārī surí diari surīre duarimasō āārīmó. Marīp_{URE} b_{URE}mugō āārīmó. Irasirig_U Marīp_U igore Pablo wererire ōārō pémasīrī merā pé b_{URE}mumakū irimi. ¹⁵ Irasirig_U Pablo igore, igoya wii marā

ããrĩpererãrẽ deko merã wãiyemi. Ìgũ wãiyeadero pũũ, ãsũ ãrĩmo:

—Musã yare: “Diayeta Jesúre buremugõ ããrĩmo”, ãrĩ gũñarã, yaa wiigüe dujaka! ãrĩmo guare.

Igo irasũ ãrĩmakũ pérã, igoya wiigüe dujabũ.

¹⁶ Sunũ iro marã Marĩpure sërërã nerënarõgue dupaturi waarã, wãtĩ ñajãsũdeore bokajabũ. Igo gajirãrẽ moãboego ããrĩmó. Irasirigo wãtĩ masĩrĩ sĩrĩ merã masakare: “Ãsũ waarokoa musãrẽ”, ãrĩboka, wáro niyeru wajatabosamo igo oparãrẽ.

¹⁷ Igo guã noó waaró guã merã waagó, ãsũ ãrĩ gaguinimo:

—Ìgũsã Marĩpu ããrĩpererãrẽ doregure moãboerimasã ããrĩma. Marĩpu marĩrẽ tauri kerere werema musãrẽ, ãrĩ gaguinimo.

¹⁸ Wárinũrĩ guare garibomakũ, Pablo gãmenugã, wãtĩ igoguere ããrĩgúrẽ ãsũ ãrĩmi:

—Jesucristo wãĩ merã, Ìgũ turari merã marẽ: “Igore iropata wirika!” ãrĩmi.

Ìgũ irasũ ãrĩmakũta, wãtĩ igore wiriakõãmi.

¹⁹ Wãtĩ igore wiriadero pũũ, masakare: “Ãsũ waarokoa”, ãrĩ weremasĩbiri, igo oparãrẽ niyeru wajatanemobosabirimo pama. Irasirirã, igo oparã gapũ Pablo, Silare ñeã, iri makã marã oparã pũrogue ãĩãma. ²⁰ Pũũ weresãrĩrẽ beyerimasã pũrogue Ìgũsãrẽ ãĩja, ãsũ ãrĩma:

—Ìĩsã judío masaka ããrĩma. Marĩya makã marãrẽ gariborã yãma. ²¹ Ìgũsã marĩrẽ buerã, marĩ romano marã iririkũrire iridorebema. Irasirirã Ìgũsã buerire gããmebea. Ìgũsã doreridere iri-masĩbea, ãrĩma.

²² Īgūsā irasū ārīmakū pérā, masaka wárā irogue āārīrā Pablosā merā guama. Weresārīrē beyerimasā gap_u Pablosāya surīre túweadore, yuku merā tārādorema. ²³ Īgūsārē b_uro tārā odo, peresu irima. Īgūsārē korebure ōārō ĩāduripídorema. ²⁴ Irasirig_u ĩgūsārē koreg_u gap_u iri wii dekoma taribugue ĩgūsārē ĩgūsāya guburire taboa majīrīma goberigue s_uadobo, ōārō biadobokōāyup_u.

²⁵ P_uru ñami deko āārīmakū, Pablosā Marīp_ure sērē, bayapeoñurā. Īgūsā irasū bayamakū, gajirā peresugue āārīrā péñurā. ²⁶ Īgūsā bayaripoe gūñaña marīrō nikū b_uro ñomeyuro. Irasiriro iri wiide b_uro gāmeña, suro merā āārīpereri iri wiima makāp_urori tūpāperekōāyuro. Peresugue āārīrārē ĩgūsā kōmedari merā s_uadeadaride kurakōāyuro. ²⁷ Irasū waamakū, ĩgūsārē koreg_u yobe, iri wiima makāp_urori toyomakū ĩāgū: “Peresu āārānerā duriwiriaperekōāñuma”, ārī gūñayup_u. Irasirig_u ĩgūya sareri majīrē āī, ĩgū basi sareboard_uagu iri-adiyup_u. ²⁸ ĩgū irasirimakū ĩāgū, Pablo ĩgūrē gaguinīyup_u:

—M_u basi ñerō neō iribirikōāka! Āārīperekōāa g_ua, ārīyup_u.

²⁹ ĩgū irasū ārīmakū pég_u, sīāgodore, Pablosā p_uro ũmawāgā, ĩgūsāya guburi p_uro naradari merā ejamejāyup_u. ³⁰ P_uru ĩgūsārē āīwīu, āsū ārī sērēñayup_u:

—¿Nasirigukuri, y_u Marīp_u y_ure taumakū gāāmegū? ³¹ Pablosā y_uñurā:

—Marī Op_u Jesucristore b_uremuka! M_uya wii marāde ĩgūrē b_uremuburo. M_usā ĩgūrē

buremumakū ããgũ, Marĩpu musãrẽ taugukumi, ãrĩñurã.

³² Irasũ ãrĩ odo, ãgũya wii marãdere Jesúya kerere wereñurã. ³³ Nami deko puru ãgũsãrẽ ko-readi ãgũsãya kãmirẽ koeyupu. ãgũ koe odoadero puru, Pablosã ãgũrẽ, ãgũya wii marãdere deko merã wãiyenurã. ³⁴ ãgũsãrẽ wãiyeadero puru, Pablosãrẽ ãgũya wiigüe ãã, baari ejoyupu. ãgũ, ãgũya wii marã merã Marĩpũre buremusiã, buru usuyañurã.

³⁵ Boyoripoe oparã surarare iriuñurã, peresu wii koregũre Pablosãrẽ wiudorerã. ³⁶ Iri wii koregũ irire pégu, Pablosãrẽ ãrĩyupu:

—Oparã musãrẽ wiridoreañurã. Irasirirã güiro marĩrõ usuyari merã wirika! ãrĩyupu.

³⁷ ãgũ irasũ ãrĩmakũ pégu, Pablo gapu ãrĩyupu surarare:

—Oparã gũa ñerõ irideare bokabirikererã, masaka wãrã ãũrõ gũare tãrãdoreama. ãgũsã, gũa romano marã ããrĩkeremakũ, tãrãdoreama. Puru peresu iriama. ¿Dapague gũare masaka ããbero wiudũari? ããrĩbea. ãgũsã basita wiurã aariburo gũare, ãrĩyupu Pablo.

³⁸ ãgũ irasũ ãrĩmakũ pérã, surara Pablo ãrãdeare oparãrẽ wererã waañurã. Pablo, Silas romano marã ããrĩma, ãrĩrĩ kerere pérã, oparã güigorañurã.

³⁹ Irasirirã Pablosã puro ejarã, ãsũ ãrĩñurã:

—Kãtika, gũa musãrẽ peresu iriadeare! Irasũ ãrĩ odo, ãgũsãrẽ peresugüe ããrãnerãrẽ wiu: “Gũaya makãrẽ wirika!” ãrĩñurã. ⁴⁰ Irasirirã Pablosã peresugüe ããrãnerã wiria, Lidiaya wiigüe waañurã. Irogue eja, Jesúre buremurã nerãnerãrẽ bokajarã, õãrõ güñaturanemomakũ iriñurã. Puru waakõãñurã.

17

Tesalónica marã Pablo, Silas merã guadea

¹ Pablo, Silas merã waarã, Anfípolire, Apoloniare taria, Tesalónicague ejañurã. Iri makãguere judío masaka nerērĩ wii ãārĩyuro. ² Irogue eja, Pablo iri wiigüe waayupũ ãgũ gaji makãrĩrẽ irinaderosũta. Ɔre semana judío masaka siñajãrĩnurĩ ãārĩmakũ, iro marãrẽ Marĩpũyare werenayupũ. ³ Æsũ ãrĩ bueyupũ:

—Marĩpũ iriudi, Cristo ãārĩmi. Marĩ ñerõ iridea waja ñerõ taridi ãārĩmĩ. ãgũ boadero pũrũ, Marĩpũ gapũ ãgũrẽ masũdi ãārĩmĩ marĩ õãrõ ãārĩburire. Ìĩ Jesús yũ ãsũ ãrĩ weregũ, ãgũta Cristo ãārĩmi marĩrẽ taugũ. Æsũta ãrĩ werea, Marĩpũya kerere ãgũsã gojadea pũguere, ãrĩ wereyupũ.

⁴ ãgũ irasũ ãrĩmakũ pérã, surãyeri judío masaka ãgũ wererire: “Diayeta ããrã”, ãrĩ bũremuñurã. Irasirirã Pablosã merã waañurã. Gajirã wárã griego masaka Marĩpũre bũremurĩmasã, oparã nomede, Pablo wererire pérã, bũremuñurã. Irasirirã ãgũsãde ãgũsã merã waañurã. ⁵ Gajirã judío masaka irasirimakũ ããrã, Pablosãrẽ ããturi, wárã ñerã moãmerãrẽ siiu neeõ: “Pablo ãgũ merãmarã merã ñerõ irigũ yãmi”, ãrĩ gaguinĩrã waaka i makã marãrẽ, ãrĩ iriuñurã. Irasũ ãrĩ gaguinĩrã, ããrĩpererã iri makã marãrẽ Pablosã merã guamakũ iriñurã. Irasirirã Jesũre bũremugũ Jasón wãĩkũgũya wiima makãpũrore turaro merã tũãkoro, ñajãa, Pablosãrẽ ãmadiñurã masakaguere wiadũarã. ⁶ ãgũsãrẽ bokabirisĩã, Jasõrẽ, gajirã Jesũre bũremurãdere ñeã tũãwãgã, iri makã marã oparã pũrogue ãã, irogue eja, gaguinĩñurã:

—Pablosã ããrĩpererogue masakare gariborã iriama. Dapagorare marĩya makãrẽ ejasiama. ⁷ Ìĩ Jasón Ìgūsārẽ Ìgũya wiigüe ñajådoreami. Ìĩsã ããrĩpereri marĩ romano marã opũ dorerire tarinugãma. “Gajigũ musã Opũ, Jesús wãikũgũ ããrĩmi”, ãrĩ buema masakare, ãrĩ gaguinĩñurã oparãrẽ.

⁸ Ìgūsã irasũ ãrĩ gaguinĩmakũ pérã, ããrĩpererã iri makã marã, Ìgūsã oparãde Pablosã merã guañurã. “¿Naásũ waáari?” ãrĩ gaguinĩsirikõãñurã. ⁹ Irasirirã oparã Jasõrẽ, Ìgũ merãmarãdere peresu waadoremã: “Dupaturi Pablosãrẽ iritamubirikõãka!” ãrĩ, niyeru wajaridore, wiukõãñurã.

Pablo, Silas merã Bereague ejadea

¹⁰ Pũrũ iri ñamita Jesúre bũremurã Pablosãrẽ Bereague iriukõãñurã. Irogue eja, judío masaka nerẽrĩ wiigüe waañurã. ¹¹ Judío masaka Berea marã gapũ Tesalónica marã nemorõ Jesúya kerere õãrõ péduañurã. Irasirirã irire: “¿Diyeta ããrĩrĩ?” ãrĩ masĩduarã, ãmũrikũ Marĩpũya werenĩrĩ gojadea pũmarẽ bueníkõãñurã. ¹² Irasirirã wárã Jesúre bũremuñurã. Gajirã griego masakade, iri makã marã oparã nomede bũremuñurã. ¹³ Pablo, Berea marãrẽ Marĩpũyare wereri kerere pérã, Tesalónica marã judío masaka ejañurã. Irore eja, Berea marãrẽ kere ãrĩ, Pablosã merã guamakũ iriñurã. ¹⁴ Ìgūsã irasirimakũ Ìãrã, Jesúre bũremurã Pablöre mumurõ merã dia wádiya tũrogue iriñurã. Ìgũ merãmarã gapũ Silas, Timoteo merã Bereague dujañurã. ¹⁵ Pablöre ãiwãgãnerã Atenas wãikũri makãgue eja, Ìgũrẽ irogue pí, Bereague gãme dujáakõãñurã doja. Irogue dujajarã, Pablo

Īgū: “Murĩgora Silas, Timoteode òõgwe aariburo”,
 ārĩ kere iriuadeare wereñurã Īgūsãrē.

Pablo Atenague ããrĩdea

¹⁶ Pablo Atenague Silas, Timoteore yúgũ, iri makã marã keori weadeare wári opamakũ ĩãgũ, bũro bũjawereyupũ. ¹⁷ Irasirigũ judío masaka nerērĩ wiigwe Īgūsã merã werenígũ waayupũ. Iroguere gajirã judío masaka ããrĩmerã Marĩpũre bũremurã ããrĩñurã. Īgūsã merãdere wereníyupũ. Ɛmũrikũ iri makã marã Īgũ bokajarã merã wereníyupũ. ¹⁸ Gajirã ũmade Epicúreos wãĩkũri bumarãyare buerimasã, gajirã Estoicos wãĩkũri bumarãyare buerimasã Pablo merã wereníñurã. Īgũ weremakũ pérã, ãsũ ārĩ gãme sērēñañurã:

—¿Naásũ ārĩ weredũagu yári, ĩĩ iropa werenígũ?
 ãrĩñurã.

Pablo Jesúyare, Īgũ masã mũrĩadeare weremakũ pérã, gajirã ãsũ ãrĩñurã:

—Gajiro marã Īgūsã bũremurãyare weregũ irikumi, ãrĩñurã. ¹⁹ Irasirirã Īgūsã nerērõ Areópago wãĩkũrogue Pablore ãĩãñurã. Iroguere ãĩja, Īgũrē ãrĩñurã:

—Gũa maama bueri mũ wererire masĩdũakoa. ²⁰ Mũ bueri gajirosũ ããrã. Irasirirã gũa: “¿Naásũ ãrĩdũaro yári iri?” ārĩ masĩdũakoa, ãrĩñurã Pablore.

²¹ ããrĩpererã Atenas marã, gajiro marã iri makã ejanerãde maama bueri ditare wereníñurã.

²² Irasirigũ Pablo Areópagogue Īgũrē ãĩjadero pũrũ, wãgãñugã, ãsũ ārĩ wereyupũ Īgūsãrē:

—Keori weadeare mũsã ããrĩpererã òãrõ bũremua. Irire masĩa yũ. ²³ I makã mũsãya makãrē naagorenagũ, mũsã bũremurõrē ĩãbũ. Sugũ mũsã

buremugārē sīdea soepeorogue gojatúdeadere iābũ. “Ĕmugasigue marā Opũ marī masīña marīgūrē buremurō āārā”, ārī gojatúdeare iābũ. Musā ĩgūrē masībirikeremakū, ĩgūrēta werea yũ musārē, ārīyupu Pablo. Irasū ārī odo, ārīnemoyupu doja:

²⁴ —Marīpũ i ĩmũrē āārīpereri iridi āārīmī. Ĕmugasī, i nikū Opũ āārīmī. Masaka iridea wiirire āārībemi. ²⁵ Marī iritamurīrē gāāmebemi. ĩgũ gapũ marīrē iritamumi. Marī āārīrikũrere, āārīpereri gajinodere sīmi. Okari opamakū yāmi. Yũjũāĩmakū yāmi marīrē.

²⁶ ‘Marīpũ sugũ ĩmũũ merāta āārīpereri buri marā āārĩmakū iridi āārīmī, ĩgũsārē i nikū āārīpererogue āārīburo, ārīgũ. “Ōõpa yoaripoe okarākuma ĩgũsā āārīrõgure”, ārī pīdi āārīmī. ²⁷ Marīpũ: “Yũre āmarā bokaburo”, ārīgũ, irasiridi āārīmī. ĩgūrē marī bokaburo, ārīgũ, yoarogue āārībemi. Marī merāta āārīmī. ²⁸ Marīpũ marīrē āārĩmakū yāmi. ĩgũ marĩmakū marībukuyo. Marī okari, marī irimasĩrĩ, marī āārīrikũrere sīgũ āārīmī. Musā bayarire gojarimasāde āsũ ārī gojanerā āārĩmā: “Marīde ĩmugasigue marā Opũ pũrā āārā”, ārī gojanerā āārĩmā. ²⁹ Irasirirā marī ĩgũ pũrā āārĩrā, keori masaka weadeare ĩgũsā gũñarõ merā irideare: “Marīpũ irirosũ āārīmī”, ārī gũñabirikõārā! Marīpũ, masaka oro, plata, ĩtāyeri merā keori weadea irirosũ āārībemi. ³⁰ Marīpũ iripoegue marā ĩgūrē masĩmerā ĩgūrē buremubirimakū irasũ ĩākõādi āārīmī. Irasirigũ, dapaguere pama marīrē āārīpererā i nikũgue āārĩrārē: “Musā ñerõ irideare bujawereka! Musā gũñarĩrē gorawayuka!” ārīmī. ³¹ Pũũ Marīpũ

ãārĩpererã ñerãrẽ wajamoãrĩnu ejamakũ, ãgũ beyedi Jesús merã ãārĩpererã i nikũgue ãārĩrãrẽ diayeta irigukumi õãrãrẽ beye, ñerã gapare béobu. Jesús boadero puru, Marĩpu ãgũrẽ masũgũ, ãgũ beyedi ãārĩrẽrẽ ãmudi ãārĩmĩ ãārĩpererãrẽ, ãrĩ wereyupu Pablo Atenas marãrẽ.

³² ãgũ Jesús boadigue masãdeare weremakũ pérã, gajirã ãgũrẽ ubu burikõãñurã. Gajirã gapu:

—Dupaturi ire mu weremakũ péduakoa doja, ãrĩñurã.

³³ Pablo ãgũsãrẽ piri waakõãyupu. ³⁴ Gajirã, ãgũ wererire pénemoduarã ãgũ merã waañurã. Irasirirã Jesúre buremunugãñurã. ãgũsã merã sugu Dionisio wãikugu Areópogogue oparã merã nerẽrĩmasũ ãārĩyupu. Gajigo Dámaris wãikugode gajirã merã Jesúre buremunugãyupu.

18

Pablo Corintogue ejadea

¹ Puru Pablo Atenague ããrãdi waa, Corinto wãikuri makãgue ejayupu. ² Irogue judío masaku Aquila wãikugure Ponto nikũmũrẽ bokajayupu. Aquila, ãgũ marãpo Priscila merã Italia nikũgue ãārĩnerã ããrãdima. ãgũsã irogue ãārĩripoe romano marã opu Claudio wãikugu ãārĩpererã judío masakare Romarẽ wiridoremakũ, Aquila ãgũ marãpo merã Corintogue ejanerã ãārĩmã. ãgũsã irogue ãārĩmakũ, Pablo ãgũsãrẽ ããgũ waayupu.

³ ãgũde ãgũsã moãrikurĩnorẽta moãgũ ãārĩyupu. Irasirigu dujakõãyupu ãgũsã merã moãbu. ãgũsã surĩ gasiri merã wiiri irirã ãārĩñurã. ⁴ Pablo, judío masaka siñajãrĩnurĩku ãgũsã nerẽrĩ wiigüe waa,

judío masakare, judío masaka ããrĩmerãdere Jesúya kerere werenayupũ, Ìgũsã iri kerere: “Diayeta ããrã”, ãrĩ gũñaburo, ãrĩgũ.

⁵ Timoteo, Silas merã Macedoniague ããrãnerã Pablo pũrogue Ìgũsã ejadero pũrũ, Pablo surí gasiri merã wiiri moãrĩrẽ piri, ùmurikũ judío masakare Jesúya kerere diaye ãrĩrĩ merã bueyupũ:

—Jesús ããrĩmi marĩ yoaripoe yúdi. Ìgũta Marĩpũ iriudi, Cristo ããrĩmi, ãrĩyupũ.

⁶ Ìgũ irasũ ãrĩ buekeremakũ, judío masaka gapũ Ìgũrẽ péduabiriñurã. Irasirigũ Ìgũsã ñerõ werenĩrĩ merã Ìgũrẽ werewũamakũ pégu, Pablo Ìgũsãrẽ: “Buenemobirikoa”, ãrĩ Ìmugũ Ìgũya suríre iroma nikũ tuadeare pásiri, ãsũ ãrĩyupũ:

—Marĩpũ dorederosũta musãrẽ bueabũ. Musã gapũ yũre péduabea. Irasirirã musã péduabiri waja perebiri peamegue waarãkoa. Irasirigũ yũ musãrẽ bueadeare pirigũkoa. Dapagorare judío masaka ããrĩmerãrẽ buegu waagũra, ãrĩyupũ.

⁷ Irasũ ãrĩ, iri wiigüe ããrãdi wiria, Ticio Justo wãikũya wiigüe waayupũ. Ìgũya wii judío masaka nerẽrĩ wii turo ããrĩyuro. Ìgũ Marĩpũre bũremugũ ããrĩyupũ. ⁸ Nerẽrĩ wii opũ Crispo wãikũgu, ããrĩpererã Ìgũya wii marãde Jesúre bũremuñurã. Gajirã Corinto marãde wárã Jesúya kerere pérã, Ìgũrẽ bũremunũgãñurã. Irasirirã deko merã wãiyesũñurã, Ìgũsã Jesúre bũremurĩrẽ Ìmurã. ⁹ Su ñami Pablöre kërõgue irirosũ marĩ Opũ Ìgũrẽ ãsũ ãrĩ wereyupũ:

—Güibirikõãka! Neõ piriro marĩrõ yaa kerere buenikõãka i makã marãrẽ! ¹⁰ Yũ, mũ merã ããrã.

Irasirirã masaka mure ñerõ irimasibema. I makãrẽ wárã yaará ããrĩma, ãrĩyupũ.

¹¹ Irasirigũ Pablo iro marã merã su bojori gaji bojori deko ããrĩyupũ Marĩpũya kerere buegũ.

¹² Iripoere romanomũ Galión wãikũgũ Acaya nikũ marã opũ ããrĩripoe judío masaka suro merã nerẽ, Pablora ñeã, Galión pũroque ãjã, ¹³ ãsũ ãrĩñurã:

—Ĩi masakare: “Ãsũ gapũ irika, Marĩpũre bũremurã!” ãrĩ buegũ, i nikũma doreri gapũre béodoremi, ãrĩñurã Galiõrẽ.

¹⁴ Īgũsã irasũ ãrĩmakũ, Pablo ĩgũsãrẽ werebu iriripoeta Galión gapũ judío masakare ãrĩyupũ:

—Īgũ ñerõ iriadero pũrũ tamerãrẽ yũ péoakuyo musã judío masaka weresãrĩrẽ. ¹⁵ Musã dorerire tarinũgãmakũ, musã basi ãmuka! Ire masĩbea yũ. Irasirigũ irire: “Irasũta irika!” ãrĩmasĩbirikoa, ãrĩyupũ.

¹⁶ Irasũ ãrĩgũta ĩgũyarã surarare Pablora weresãrãrẽ béowiudoreyupũ. ¹⁷ Irasirimakũ ĩãrã, ããrĩpererã iri wii ããrĩrã Sostenẽrẽ judío masaka nerẽrĩ wii opũre ñeã, Galión ĩũrõ páñurã. Īgũsã pámakũ ĩãgũ, Galión gapũ: “Īgũsã gããmerõ iriburo”, ãrĩ ĩãkõãyupũ.

Pablo Antioquíague goedujáa, dupaturi buegore-nadea

¹⁸ Pablo Corintogue yoaripoe ããrĩyupũ dapa. Pũrũ Jesúre bũremurãrẽ: “Waagú yáa”, ãrĩ odo, doódiru merã Priscila, Aquila merã Siriana makãgue waakõãñurã. Īgũ doódiru merã waaburi dupiyuro Cencreague ããrĩgũ, Marĩpũre: “Ãsũ irigũra mure bũremugũ”, ãrĩderosũta ĩgũya poarire

wɯɯapeokõãdoreyupɯ. ¹⁹ Pɯɯ Ìgũsã merã waa, Efeso wãikɯri makãgue eja, Priscila, Aquilare píkõã, judío masaka nerẽrĩ wiigue waayupɯ. Iri wiigue eja, judío masaka iro nerẽanerã merã Marĩpɯyare wereyupɯ. ²⁰ Ìgũ irasũ weremakũ pérã, Ìgũrẽ: “Yoaripoe dujaka gɯa merã!” ãrãdiñurã. Ìgũ gapɯ: “Dujabea mɯsã merã”, ²¹ ãrĩgũta Ìgũsãrẽ seretuyupɯ:

—Jerusalẽgue bosenu ìãgũ waagú yáa. Marĩpɯ gããmemakũ dupaturi ìãgũ dujaribukoa mɯsãrẽ, ãrĩyupɯ.

Irasũ ãrĩ odo, Efesogue ããrãdi doódiru merã waakõãyupɯ. ²² Irasirigɯ Cesareare tariwãgã, Jerusalẽgue eja, iro marã Jesúre bɯremurãrẽ õãdoregɯ ejayupɯ. Pɯɯ Antioquíague waayupɯ doja. ²³ Irore yoaweyaripoe ããrĩ, pɯɯ Galaciamama makãrĩgue Frigiamama makãrĩrẽ dupaturi eja, iri makãrĩ marãrẽ Jesúre bɯremurãrẽ bue, Ìgũsãrẽ õãrõ ɯsɯyari merã ããrĩrikɯmakũ iriyupɯ.

Apolos Efesogue buedea

²⁴ Iripoere judío masakɯ Apolos wãikɯgɯ, Alejandría wãikɯri makãmɯ Efesogue ejayupɯ. Ìgũ õãrõ weregɯ, Marĩpɯyama werenírĩ gojadeare masĩgũ ããrĩyupɯ. ²⁵ Gajirã Ìgũrẽ marĩ Opɯ Jesúyama kerere weresianerã ããrĩmã. Irasirigɯ ɯsɯyari merã Jesús irideare diaye ãrĩrĩ merã wereyupɯ. Irasirikeregɯ, Juan masakare deko merã wãiyedea ditare masĩyupɯ. ²⁶ Gũiro marĩrõ judío masaka nerẽrĩ wiigue ããrĩrãrẽ buenugãyupɯ. Ìgũ buerire péanerã Priscila, Aquila Ìgũsãyama wiigue Ìgũrẽ ãã, iroque õãrõ diaye ãrĩrĩ merã wereñurã Ìgũ

Marĩp̄yare masĩbirire. ²⁷ P̄u Apolos Acayague waad̄amakũ, Jesúre b̄remurã ĩgũrẽ su pũ gojabosañurã. Irasirirã Jesúre b̄remurãrẽ Acayague ããrĩrãrẽ: “Apolore õãrõ bokatĩrĩñeãka!” ãrĩrĩ pũrẽ ĩgũ merã iriuñurã. Irasiriḡu Apolos irogue ejamakũ, Marĩp̄u ĩgũsãrẽ maĩgũ, ĩgũ merã õãrõ iritamuyup̄u. ²⁸ Irasiriḡu Apolos ããrĩpererã ĩũrõ judío masakare õãrõ turari merã:

—Marĩp̄u iriudi, m̄sã yoaripoe yúdi, Cristo ããrĩmi. ĩgũta Jesús ããrĩmi, ãrĩyup̄u. Irasirirã Marĩp̄ya werenĩrĩ gojadea pũrẽ keoro weremakũ pérã, judío masaka: “Diaye ããrĩbea”, ãrĩmasĩbiriñurã.

19

Pablo Efesogue buedea

¹ Apolos Corintogue ããrĩripoe Pablo gap̄u ãtãyuku watopegue taria, Efesogue eja, wãrã Jesúre b̄remurãrẽ bokajayup̄u. ² Bokaja, ĩgũsãrẽ s̄rẽñayup̄u:

—¿M̄sã Jesúre b̄remurã, Õãgũ deyomarĩgũrẽ bokatĩrĩñeãrĩ? ãrĩyup̄u.

Ĩgũrẽ yujũñurã:

—“Õãgũ deyomarĩgũ ããrĩmi”, ãrĩmakũ, neõ pébiribu ḡua.

³ Pablo ĩgũsãrẽ s̄rẽñayup̄u doja:

—¿Noãya buerire pédero p̄u, deko merã wãĩyeri m̄sãrẽ? ãrĩyup̄u. ĩgũsã gap̄u yujũñurã:

—Juãya buerire ḡua pédero p̄u, ḡuare wãĩyema, ãrĩñurã.

⁴ Pablo ãsũ ãrĩyup̄u doja:

—Juan masakare ĩgũsã ñerĩ irideare bujawere, gũñarĩrẽ gorawayurãrẽ wãiyedi ããrĩmĩ. Irasũ wãiyekeregu: “Yũ purũ aaribure buremuka!” ãrĩ buedi ããrĩmĩ. Irasũ ãrĩgũ: “Jesũre Marĩpu iriudire buremuka masã!” ãrĩgũ iridi ããrĩmĩ, ãrĩyupu Pablo.

⁵ ĩgũ irasũ ãrĩmakũ pérã, marĩ Opũ Jesús wã merã wãiyesuñurã ĩgũrẽ buremurĩrẽ ĩmurã. ⁶ Purũ Pablo ĩgũsãya dipu weka ĩgũya mojõrĩ merã ñapeomakũ, Ōãgũ deyomarĩgũ dijijayupu ĩgũsãrẽ. ĩgũ dijijamakũ, gaji masã ya werenĩrĩ merã ĩgũsã werenĩmasĩbirideare werenĩñurã. Marĩpu ĩgũsãrẽ weredorerire wereñurã. ⁷ ĩgũsã ããrĩpererã pe mojõma pere su gubu peru pẽrẽbejarãgora ããrĩñurã.

⁸ Pablo iri makãguere urerã abe ããrĩgũ, judío masaka nererĩ wiigue ñajãa, gũiro marĩrõ Marĩpu marĩ Opũ ããrĩrĩ kerere masakare werenayupu. Irire gũñaturari merã weremakũ pérã: “I diayeta ããrã”, ãrĩñurã. ⁹ Gajirã gapũ Marĩpuayare péduamerã, ĩgũ wererire buremubirĩñurã. Irasirirã masaka péurogue marĩ Opũya bueri: “Ñegorãa”, ãrĩ wereñurã. ĩgũsã irasũ ãrĩmakũ pégu, Pablo gapũ Jesũre buremurãrẽ siiu wiria, Tiranno wãikũgũya bueri wiigue waayupu. Iroguere ãmurikũ masakare buenayupu. ¹⁰ Pe bojorigora bueyupu ĩgũsãrẽ iri wiiguere. ĩgũ irasũ buemakũ, ããrĩpererã Asia nikũ marã judío masaka, judío masaka ããrĩmerãde marĩ Opũayare péperekõãñurã.

¹¹ Pablo iri makãgue ããrĩmakũ, Marĩpu ĩgũ turari merã ĩgũrẽ wãri iri ĩmurĩrẽ irimakũ iriyupu. ¹² Irasirimakũ ããrã, masaka surĩ gasiri, Pabloya dupũ pẽrẽadea gasirire pũrĩrikũrã purõ ããñurã.

Īgūsā āiāmakū, pūrīrikurā iri gasirire moāña, tarinañurā. Wātēa ñajāsūnerāde irire moāña, wirisūnañurā.

¹³⁻¹⁴ Iripoere gajirā judío masaka wātēārē béowiugorenarā iriñurā. Īgūsā Esceva wāikugū pūrā su mojōma pere gaji mojō peru pērēbejārāgora āārīñurā. Esceva paía opū āārīyupū. Īgū pūrā Pablo irirosūta marī Opū Jesús wāi merā wātēārē béowiuduarā, āsū ārīñurā:

—Jesús, Pablo weredi wāi merā dorea musārē. Wirika musā ñajādire! ārī béowiuadiñurā. ¹⁵ Īgūsā irasū ārīkeremakū, wātī masakuguerē ñajādi āsū ārīyupū:

—Jesúre, Pablöre masīa. Musā gapure masībea. ¿Nísāno āārīrī musā? ārīyupū.

¹⁶ Īgū irasū ārīmakūta, wātī ñajāsūdi gapū pari meébeja, buro turaro merā Īgūsā āārīpererārē ñeā, tarinugāyupū. Īgūsārē pá, kāmítú, Īgūsāya surire yeguepeokōāyupū. Irasirirā surī marīrā, kāmīkurāgue ūmawiriañurā. ¹⁷ Īgūsā irasū waadea kerere pérā, āārīpererā Efeso marā, judío masaka, judío masaka āārīmerāde péguka, buro güiñurā. Irasirirā marī Opū Jesús wāirē oārō goepeyari merā bremuñurā pama.

¹⁸ Irasirirā wārā dupiyuro Jesúre bremunugānerā gapū Īgūsā ñerō irideare masaka péurogue weretarirā ejañurā. ¹⁹ Īgūsā merā wārā yéa āārīrā āārīñurā. Irasirirā Īgūsā bayirima gojadea papera turirire iroque āña, masaka iūrō irire soebéokōāñurā. Āārīpereri iri wajakudeare Īgūsā keoñamakū, cincuenta mil niyeru koeri wajakūadiyuro. ²⁰ Īgūsā irasirimakū iādero pūpū,

ũmarikũ wárã masaka Marĩpũya kerere pérã, ãgũ turari merã Jesúre bũremunũgãñurã.

²¹ Irasũ waadero pũrũ, Pablo ãsũ ãrĩ gũñayupũ: “Macedonia nikũ waapũrori, iri nikũrẽ taria, Acaya nikũdere taria, Jerusalẽgue waagũra. Iro merãta Romarẽ ããgũ waagũra”, ãrĩ gũñayupũ.

²² Irasirigũ ãgũ waaburi dupiyuro pérã ãgũrẽ iritamurãrẽ Erasto, Timoteore iriuyupũ Macedoniague. Pablo gapũ sugũta dujayupũ dapa Asiaguere.

Efeso marã Pablo merã gua, gaguinídea

²³ Pablo Efesogue ããrĩripoe gajirã iro marã bũro werenĩrĩ merã ãgũrẽ ããturiñurã, masaka wárã Jesúre bũremumakũ ããrã. ²⁴ Sugũ plata wãĩkũri kũme merã moãrĩmasũ Demetrio wãĩkũgũ Pablora ããturiwãgũyupũ. ãgũ plata merã iro marã bũremugũ Artemisa wãĩkũgo bũremurĩ keori wiirigãrẽ weanayupũ. ãgũ, gajirã moãrã merã ãgũsã weadeare masakare duarã, wãro wajatanañurã. ²⁵ Irasirigũ Demetrio ãgũ merã moãrãrẽ, gajirã ãgũ irirosũ plata moãrãrẽ siiu neõ, ãsũ ãrĩyupũ:

—Yũ merãmarã, õãrõ péka! Irire masĩa mũsã. Marĩ weadeare duari merã wãro wajata, õãrõ ããrĩkõã. ²⁶ Pablo buedeadeare masĩa. ãsũ ãrĩ buegorenami: “Masaka bũremurã keori weadea, turari oparã irirosũ ããrĩbea. Ëmũgasigue marã Opũ irirosũ neõ ããrĩbea, keori weadea ããrã”, ãrĩ buemi. Irire pérã, wárã masaka õõ marã, ããrĩperero Asia marãde ãgũ buedeare: “Diayeta ããrã”, ãrĩ gũñama. ²⁷ I marĩrẽ bũro goea. Marĩya moãrĩ wajamarĩãkõãbũro yãa. Marĩ bũremugũ

Artemisaya wiide ubu ããrĩrĩ wii dujakõãrokoa. Dapagueta ããrĩperero Asia marã b̄remuadima igore. Masaka Pablo wererire b̄remurã s̄õ gapu merã igore b̄remunemobirikuma pama, ãrĩyupu Demetrio ĩgũsãrẽ.

²⁸ ĩgũ irasũ ãrĩmakũ p̄rã, b̄ro guari merã:

—Artemisa, Efeso marã b̄remugõ turago ããrĩmo, ãrĩ gaguinĩp̄roriñurã.

²⁹ ĩgũsã gaguinĩmakũ, gajirã wárã Efeso marã: “¿Naásũ waari?” ãrĩ p̄emasĩbirikererã, ĩgũsãde gaguinĩp̄reakõãñurã. Irasũ gaguinĩrãta Gayore, Aristarcos ñeã, iri makã marã nerẽõgue ĩgũsãrẽ tũãwãgãñurã. Gayo, Aristarco Macedonia marã, Pablore wapikũwãgãnerã ããrĩñurã. ³⁰ ĩgũsãrẽ ñeãmakũ ĩãgũ, Pablo gapu masaka wárã watopegue ĩgũsãrẽ wereru waadũadiyupu. Jesũre b̄remurã gapu waadorebiriñurã. ³¹ Gajirã iri nikũ marã oparãde, Pablo merãmarã ĩgũrẽ: “Gua m̄rẽ dorea: ‘ĩgũsã nerẽõgue waabirikõãka!’ ” ãrĩ kere iriũñurã.

³² Iroguere nerẽanerã b̄ro gaguinĩrã iriñurã dapa. “¿Nasirirã marĩ õõgue nerẽrĩ?” ãrĩmasĩmerã ĩgũsã gããmerõ gaguinĩmirẽkõãñurã. ³³ Irasirirã judío masaka ĩgũsãyagure Alejandro wãikugure gaguinĩrã ĩũrõgue túmeénũñurã ĩgũsãrẽ weredorerã. Irasirigũ ĩgũ gapu ĩgũya mojõ merã irikeo: “Iropata gaguinĩka, toeaka!” ãrĩdũadiyupu. “Gua judío masaka ñerõ iribea”, ãrĩ weredũadiyupu. ³⁴ ĩgũ judío masakũ ããrĩrĩrẽ ĩãmasĩrã, ããrĩpererã suro merã pe hora gaguinĩñurã:

—Artemisa, Efeso marã b̄remugõ turago ããrĩmo, ãrĩ gaguinĩñurã.

³⁵ Īgūsā buro gaguinímakū ĩāgū, sugu iri makā marā oparārē iritamugū masakare toedore, āsū ārīyup:

—Musā, Efeso marā oārō péka! Artemisa, marī buremugō turago āārīmo. Igoe buremurī wiire, igo keori ūmugasigue dijarideadere korerā āārā marī. Irire āārīperero marā oārō masīma. ³⁶ “Ī diaye āārībea”, ārīmasībema. Irasirirā iropata gaguiníka, toeaka! Gaguinínemobirikōāka pama! Diaye gūñaka musāde! Noó gāāmerō pémasīrī marīrō gajinorē iribirikōāka! ³⁷ Īsā musā ñeānerā marī buremurī wiirimarē neō yajabirama. Marī buremugōrē ñerō neō ārī werenībirama. Īgūsā ñerō iribirikeremakū, ĩgūsārē ñeā, oōgue āīriayo. ³⁸ Demetrio, ĩgū merā moārā ĩgūsārē weresāduarā, weresārīrē beyerimasā pūrogo waaburo. Irogoe i nikū marā oparā ĩūrōgue ĩgūsārē weresādeare āmumasīma. ³⁹ Oparā i makā marārē siu neeōmakū ĩārā, gajino sērēduarā, werenīrā aarika! ⁴⁰ Dapagā musā guari merā gaguiníadea kerere marī oparā pérā: “Marīrē tarinugāduarā yāma”, ārī weresābukuma. Irasirirā marī buro gaguiníadea waja marīrē weresāmakū neō yujumasībribukoa, ārīyup oparārē iritamugū ĩgūsārē. ⁴¹ Irire were odo: “Iropata āārā. Waaka musāya wiirigue!” ārīyup.

20

Pablo Macedoniague, Greciague ejadea

¹ Īgūsā irasū ārī gaguinímirēdero pūru, Pablo gapu Jesúre buremurārē siu neeō, ĩgūsārē oārō āārīrikadoregu, wereyup. Were odo, mojō

ñeã, ìgūsārē seretu, Macedoniague waakōāyupũ. ² Irogue eja, iroma makārĩ marārē Jesúre buremurārē ìgũ werenírĩ merã õārõ gũñaturamakũ iriyupũ. Pũrũ Greciague waayupũ. ³ Irore urerã abegora ãārĩyupũ. Pũrũ Siria níkũgue doódiru merã taribujabu iriripoe judío masaka: “Murē ñerõ iridũarã iriama”, ãrĩrĩ kerere péyupũ. Irasirigu: “Maa merã Macedoniagueta dujáagura doja”, ãrĩ gũñayupũ. ⁴⁻⁵ Gũa, ìgũ merã waaburi dupiyuro gajirã ìgũ merãmarã Troas wãikuri makãgue waa, gũare yúnurã. Ìisãkũ ãārĩmã: Sópater wãikũgũ Bereamũ, Pirro wãikũgũ magũ ãārĩmĩ. Gajirã Tesalónica marã pērã Aristarco, Segundo wãikũrã ãārĩmã. Gajigu Derbemũ Gayo wãikũgu, gajigu Timoteo, gajirã Asia marã Tíquico, Trófimo ãārĩmã. ⁶ Ìgūsã yúripoe gũa gapũ pã wemasãrĩ morēña marĩrĩ baari bosenu pũrũ, Filipogue ãārãnerã doódiru merã su mojõma narĩ taribuja, Troague ejabũ. Irogue ìgūsārē bokaja, ìgūsã merã su semana dujabũ.

Troague Pablo naadea

⁷ Siñajãrĩnũ ãārĩmakũ, gajirã Jesúre buremurã merã pãrē dukawa baamurã nerēbũ. Pablo gajinũ gapũ waabu ãārĩsĩã, yoaripoe buemi ìgūsārē. Nami deko ãārĩmakũ bue odobirimi dapa. ⁸⁻⁹ Gũa nerērĩ taribu, ure kaya wekama taribu, sĩãgori wári opari taribu ãārĩbũ. Pablöre iro ãārĩrã pèripoe sugũ maamũ Eutico wãikũgũ ventanague doami. Pablo ìgūsārē yoaripoe buemakũ, ìgũrē wũja ejayuro. Irasirigu kãrĩtari, yebague yuridijakõãmi. Ìgũ yuridijamakũ ìãrã, ìgũ pũro waa, kõmoadiguere

ãiwãgũ doboma. ¹⁰ Ìgũsã irasũ irimakũ ìãgũ, Pablo dijari, maamũrẽ pábũa ãiwãgũnú, Ìgũsãrẽ weremi:
—Gakabirikõaka! Okami dapa, ãrĩmi.

¹¹ Ìgũ irasũ ãrĩmakũ, maamũ kõmoadigue ããrĩkeregũ, masãkõãmi. Ìgũ masãmakũ ìãgũ, Pablo dupaturi mũrĩa, pãrẽ dukawa, Ìgũsã merã baami. Ìgũ irasiriadero pũrũ, yoaripoe buenemomi doja. Boyoburo dupiyurogã Ìgũsãrẽ bue odo, wiriakõãmi. ¹² Ìgũ wiriadero pũrũ, iroque nerẽanerã Eutico kõmoadigue masãdire usũyari merã Ìgũya wiigue ãĩãma.

Pablosã Troas ããrãnerã Miletogue waadea

¹³ Pablo gũare ãrĩderosũta doódiru merã Ìgũ dupiyuro Asogue waabũ. Ìgũ gapũ Ìgũ waadũaderosũta maague waami. ¹⁴ Asogue gũare bokaja, gũa merã doódirugue ñajãa, Mitilenegue waami. ¹⁵⁻¹⁶ Gajinũ iro merã waarã, Quío wãikũri nũgũrõ bokatĩũrõgue ejabũ. Gajinũ waarã, Samogue ejabũ doja. Iro merã waa, Trogilio wãikũrogue kãrĩbũ. Pablo, Pentecostés bosenu dupiyuro Jerusalẽguere ejadũagũ, gũare: “Asiare yoaripoe ããrĩdũabirikoa yũ”, ãrĩmi. “Irasirirã Efesore diayeta taria, Miletogue waapurumurã!” ãrĩmi. Irasirirã gajinũ gapũ waa, Miletogue ejabũ.

Pablo Efeso marã Jesúre bũremurã oparãrẽ werede

¹⁷ Pablo Miletogue ããrĩgũ, Efeso marã Jesúre bũremurã oparãrẽ kere iriumi Ìgũ pũro aari-doregũ. ¹⁸ Ìgũsã Ìgũ pũro ejamakũ, Ìgũsãrẽ ãrĩmi:

—Asiague ejagũ, mũsã merã neõgora yũ irideare õãrõ masĩa mũsã. ¹⁹ Mũsã merã ããrĩgũ,

marĩ Opũyare iribu. Irasirigu musārē neō tarinũgābiribu. Masaka Jesúre bũremubirimakũ ĩāgũ, orebu. Judío masaka yũre wējēduakeremakũ, musārē buebu. ²⁰ Musā nerērōgue, musāya wiiriguedere āārĩpereri musā ōārō āārĩrikuburire buebu. ²¹ Judío masakare, judío masaka āārĩmerādere irireta buebu. “Ōārō péka! Musā ñerō iririre piri, Marĩpũya gapũre ōārō irinũgāka! Marĩ Opũ Jesúre bũremuka!” ārĩ buebu. ²² Irasirigu dapagorare Ōāgũ deyomarĩgũ dorederosũta Jerusalēgue waagú yáa. Irogue yũre āsũ waarokoa, ārĩmasĩbirikoa dapa. ²³ Yũ ejadea makārĩkũ Ōāgũ deyomarĩgũ āsũ ārĩmi yũre: “Mũ irogue waamakũ, masaka mũrē peresu iri, ñerō tarimakũ irirākuma”, ārĩmi. Iri ditare masĩa. ²⁴ Irire masĩkeregu, gũibe. Yaa okaridere maĩbea. Marĩpũ masaka āārĩpererārē maĩrĩ merā ĩāmi, ārĩrĩ kerere marĩ Opũ Jesús weredoremi yũre. I ditare ĩgũ yũre moārĩ pĩdeare iripeodũáa.

²⁵ Yũ musā merā āārĩgũ, Marĩpũ ĩgũyarārē doreri kerere weregorenabu. Dapagorare musā neō dupaturi yũre ĩānemobirikoa. Irire masĩa yũ. ²⁶⁻²⁷ Irasirigu dapagārē irire werea musārē. Āārĩpereri Marĩpũyare ĩgũ yũre weredoredeare werebu musārē. Irasirirā musā āārĩpererā irire: “Neō pébea yũ”, ārĩmasĩbirikoa. Perebiri peamegue waamakũ, ĩgũsā pēduabiridea waja āārĩrokoa. Yaa waja āārĩbirikoa. ²⁸ Irasirirā Marĩpũyare ōārō pēduripĩka! Musā Jesúre bũremurārē, Ōāgũ deyomarĩgũ musārē koredorerādere: “Ōārō péka musāde!” ārĩ wereka! ĩgũ magũ boagu dí

béodea merã Marĩpu ïgūsãrẽ ïgũyarã ããrĩmakũ iridi ããrĩmĩ. Irasirirã ïgūsãrẽ õãrõ koreka, oveja korerã ïgūsãyarã ovejare õãrõ korederosũta! ²⁹ Yu waadero puru, gajirã ãrĩkatorimasã, makãnúu marã diayéa ovejare wẽjẽduarã irirosũ musã puro ejarākuma. ïgūsã bueri merã musãrẽ dukawarimakũ iriduarākuma. ³⁰ Puruguerẽ gajirã musã merãmarãta musãrẽ Jesúre buremurãrẽ ãrĩkatorākuma ïgūsã buerire pëdorerã. ³¹ Irasirirã õãrõ pémasĩka! Ëre bojorigora umurĩ, ñamirĩ oreri merã musã ããrĩpererãrẽ werebu. Irasirirã yu weredeare gũñanĩkõaka!

³² 'Dapagorare Marĩpure sërẽbosagura musãrẽ koreburo, ãrĩgũ. ïgũ musãrẽ maĩrĩ merã ïãrĩ kerere buerã, õãrõ ããrĩrikurãkoa. Ëmuriku ïgũ turari merã musãrẽ ïgũrẽ buremunemomakũ yámi. Musãrẽ ïgũyarãrẽ ããrĩpererãrẽ õãrĩrẽ sĩgukumi ïgũ iripoegue ãrĩderosũta. ³³ Yu musã merã ããrĩgũ, musãya niyerure, musãya surídere: “Yure sĩka!” neõ ãrĩbiribu. ³⁴ Yu basi moãdea waja merã, yu gããmerĩrẽ, yu merãmarã gããmerĩdere bokabu. Irire õãrõ masĩa musã. ³⁵ Marĩ moã wajatadea merã gajino opamerãrẽ iritamurõ gããmea. Ire musãrẽ iri ïmubu: “Ãsũ iririkuka musãde!” ãrĩgũ. Marĩ Opu Jesús ãrĩdeare gũñaka! Ãsũ ãrĩyupu: “Sugu gajino sĩgũ gapu ïgũ sĩrĩrẽ ñeãgũ nemorõ usuyami”, ãrĩ weremi Pablo Efeso marã Jesúre buremurãrẽ.

³⁶ Irasũ ãrĩ odo, Pablo ïgūsã merã ñadukupuri merã ejamejã, Marĩpure sërẽmi. ³⁷⁻³⁸ Sërẽ odo: “Musã dupaturi neõ ïãnemobirikoa yure”, ïgũ ãrĩdeare gũñarã, buro bujawereri merã dujama. Irasirirã ããrĩpererã ïgũrẽ pábua, orema. Puru ïgũrẽ

perague tɔyabuajama gɔa doódiru merã waamakũ ããtɔyarã.

21

Pablo dupaturi Jerusalẽgue waadea

¹ Gɔa Efeso marãrẽ Jesúre bɔremurãrẽ seretu odo, doódiru merã Cos wãĩkuri nɔgũrõgue di-aye waakõãbɔ. Gajinɔ Rodas wãĩkuri nɔgũrõrẽ taria, Pátara wãĩkuri makãgue ejabɔ. ² Irogue eja, doódiru Feniciague waaburidirure bokaja, iriru merã waabɔ doja. ³ Waa, Chipre wãĩkuri nɔgũrõrẽ tariarã, iri nɔgũrõ kúgapɔ dujamakũ ããbɔ. Ireore taria, Siria nikũrẽ eja, Tiro wãĩkuri makãma perague ejabɔ. Irogue doódirure moãrã iriruma doebirire píma. ⁴ Irogue eja, Jesúre bɔremurãrẽ bokaja, su mojõma pere gaji mojõ peru pẽrẽbejarinurĩ ãgũsã merã ããrĩbá. ãgũsã Õãgũ deyomarĩgũ masĩrĩ sĩsũnerã ããrĩsĩã, Pablöre: “Jerusalẽgue waabirikõãka murẽ wẽjẽrĩ!” ãrĩ werema. ⁵ ãgũsã irasũ ãrĩkeremakũ, su mojõma pere gaji mojõ peru pẽrẽbejarinurĩ pɔrɔ, waakõãbɔ. Gɔa waamakũ, ããrĩpererã Jesúre bɔremurã, ãgũsã marãposã nome, ãgũsã pũrã iri makã turogue guare ããtɔyarã ejama. Irasirirã gɔa ããrĩpererã ãgũsã merã perague buáa, iroma ãmparogue ãnadukɔpuri merã ejamejãja, Marĩpɔre sẽrẽbɔ. ⁶ Pɔrɔ ãgũsãrẽ pábua seretu odo, doódiru merã waakõãbɔ. ãgũsã gapɔ ãgũsãya wiirigue majãkõãma.

⁷ Irasirirã gɔa Tirore ããrãnerã waa, Tolemaida wãĩkuri makãgue ejabɔ. Irogue eja, Jesúre bɔremurãrẽ õãdore, sunɔ ãgũsã merã ããrĩbá.

⁸ Gajinɔ gapɔ Pablo gɔa merã maague waami,

Cesarea wāikuri makāgue waagú. Irogue eja, Felipe wāikugu Jesúya kerere weregorenaguya wiigue waa, ĩgũ merā āārībú. Felipe Jesúre buremurā su mojōma pere gaji mojō peru pērēbejarā baari guenererā watope āārīdi āārīmí. ⁹ Felipe pūrā wapikarā nóome, marāpũ marĩrā nome āārímá. Ĩgũsā Marĩpũ weredorederosũta ĩgũya kerere wereturiarā nome āārímá. ¹⁰ Gũa irore yoaweyaripoe āārādero pũrũ, Agabo wāikugu Marĩpũya kerere weredupiyugu Judeague āārādi gũare ĩāgũ ejami. ¹¹ Ĩgũ gũa pũro eja, Pabloya yujũwēñarĩdare āĩ, ĩgũ basi ĩgũya guburire, ĩgũya mojōrĩrē suami. Sua odo, gũare ārĩmi:

—Āsũ ārĩmi Ōāgũ deyomarĩgũ yũre: “Idare opagu Jerusalēgue ejamakũ, mũ basi ida merā suaderosũta judío masaka suarākuma ĩgũrē. Sua odo, judío masaka āārĩmerārē ĩgũrē wiarākuma”, ārĩmi yũre, ārĩ weremi Agabo gũare.

¹² Ĩgũ irasũ ārĩmakũ pérā, gũa Cesarea marā merā Pablöre: “Jerusalēguere waabirikōāka!” ārĩ werebũ. ¹³ Pablo gapũ gũare ārĩmi:

—¿Nasirimurā iropa ore, yũre bũro bujaweremakũ yári? Jerusalēgue ĩgũsā yũre sua, peresu irimakũ ōārokoa. Marĩ Opũ Jesúya kerere weredeja waja yũ boamakũ ōārokoa. Ñerō yũre āārĩkeremakũ waagũra, ārĩmi.

¹⁴ Irasirirā gũa ĩgũrē: “Waabirikōāka!” ārānerā pirikōābũ pama. Āsũ ārĩbũ:

—Marĩ Opũ ĩgũ gāāmerōsũta iriburo, ārĩkōābũ.

¹⁵ Pũrũ gũayare āmu, Jerusalēgue waakōābũ.

¹⁶ Irogue waamakũ, gajirā Cesarea marā Jesúre buremurā gũa merā waama. Ĩgũsā merāmũ

Mnasón wāikugɥ Chipremɥ āārīdi, yoaripoe Jesúre bɥremugũ āārīmí. Irasirirã Jerusalégue eja, ĩgũya wiigüe ĩgũ merã āārībá.

Pablo Santiagore ĩãgũ ejadea

¹⁷ Gɥa Jerusalégue ejamakũ, iro marã Jesúre bɥremurã ɥɥyari merã bokatĩrĩma. ¹⁸ Gajinɥ Pablo gɥa merã Santiagore ĩãgũ waami. ĩgũ pɥroguere āārĩpererã Jesúre bɥremurã oparã, nerẽnerã āārĩmá. ¹⁹ Pablo ĩgũsãrẽ õãdore odo, judío masaka āārĩmerãrẽ āārĩpereri Marĩpɥ ĩgũ merã irideare weremi. ²⁰ ĩgũ weremakũ pérã, Marĩpɥre: “Õãtaria mɥ”, ārĩ, ɥɥyari sĩma. Pɥɥ āsũ ārĩma Pablöre:

—Gɥayagɥ, ire õārõ masĩa mɥ. Wárã judío masaka Jesúre bɥremukererã, āārĩpererã: “Moisés doredearede iriro gããmea dapa”, ārĩma. ²¹ Gajirã masaka āsũ ārĩ werewɥama mɥrẽ: “ĩgũ judío masaka āārĩmerã āārĩrõgue āārĩgũ, judío masaka irogue āārĩrãrẽ Moisés doredeare iridorebemi. ĩgũsã pũrãrẽ ĩgũsãya dɥpɥma gasirogãrẽ wiiridorebemi. Marĩ judío masaka iririkɥrĩre iridorebemi”, ārĩ werewɥama. ²² ĩgũsã mɥ õõrẽ ejayupɥ, ārĩrĩ kerere pérã, nerẽ, mɥrẽ turirãkuma. Iro tamerãrẽ, ¿nasirigukuri mɥ? ²³ Āsũ irika! Õõrẽ wapikɥrã ũma āārĩma. “Marĩpɥre bɥremurã, āsũ irirãra!” ārĩnerã āārĩma. ²⁴ ĩgũsã merã Marĩpɥya wiigüe waaka! Mɥde ĩgũsã irirosũta irika! Moisés doredeare irirã waamurã yáma. Irasirigɥ Marĩpɥ ĩũrõrẽ ĩgũsã iriri wajare wajaribosaka! Mɥ irasiriadero pɥɥ, ĩgũsãya poarire wɥɥadorerãkuma. Mɥ irasirimakũ

ĩārã, ããrĩpererã masaka mūrẽ werewuadeare: “Ārĩkatorã iriñuma”, ãrĩrākuma. “Īgũde Moisés doredeare òārõ irigũ ããrĩmi”, ãrĩrākuma. ²⁵ Judío masaka ããrĩmerãrẽ Jesúre buremurãrẽ gũa gojadea pũrẽ iriusiabũ. Āsũ ãrĩ gojabũ: “Keori weadea pũro baari pídeare, waimurã wúnugũ biu wějẽanerãya díkuri díre baabirikõãka! Díre iiribirikõãka! Nome merã ñerõ iribirikõãka! Nomedede ãma merã ñerõ iribirikõãka!” ãrĩ gojabũ gũa, ãrĩma Pablöre.

Marĩpũya wiigue judío masaka Pablöre ñeãdea

²⁶ Irasirigũ Pablo gajinũ gapũ wapikurã ãma merã Marĩpũ iũrõ Moisés doredeare irigũ waayupũ. Pũru Marĩpũya wiigue ñajãa, Pablo paíre ãrĩyupũ: “Su semana dũyãa, gũa Moisés doredeare iri odoburo. Gũa odorinũ ããrĩmakũ, gũakũ waimurã ejorãrẽ ãrĩrãkoa. Marĩpũ iũrõ Īgũsãrẽ wějẽ soepeoka! ãrĩrã!” ãrĩyupũ.

²⁷ Īgũsã Moisés doredeare iri odoburipoe Asia marã judío masaka Pablöre Marĩpũya wiigue ããrĩgũrẽ iãñurã. Irasirirã gajirãrẽ iri wii ããrĩrãrẽ Īgũ merã guamakũ iri, Pablöre ñeã, ãsũ ãrĩ gaguinĩñurã:

²⁸ –Gũayarã Israel bumarã, gũare iritamuka! Īĩta ããrĩmi, ããrĩpereroguere marĩrẽ ñerõ ãrĩ werenígorenagũ. “Judío masaka ñegorama. Moisés doredea wajamáa. I wiide ñegorãa”, ãrĩ buegorenami masakare. Gajire griego masakare i wiigue ãñajãgũ ñerõ irigũ yámi i wiire, ãrĩñurã.

²⁹ Pablo iro dupiyuro Trófimo merã makãgue ããrĩmakũ iãnerã ããrĩsĩã, Pablo Īgũrẽ Marĩpũya wiigue ãñajãgũ irikumi, ãrĩ gũñañurã. Trófimo

Efesomꝫ judío masakꝫ ããrĩbi ããrĩyupꝫ. Irasiriro ïgũnorẽ iri wiiguere ñajãmasĩña marĩyuro.

³⁰ Pablöre weresã gaguinĩmakũ pérã, iri makã marã ããrĩpererã burõ guañurã. Irasirirã ùmañajãa, Pablöre ñeã tũãwiria, iri wii makãpũrorire mata biakõãñurã. ³¹ Ìgũsã Pablöre wẽjẽmurã iriripoe gajirã surara opũguere wererã waañurã. Ìgũ pũrogue eja: “Ããrĩpererã Jerusalén marã nerẽ, burõ guarĩ merã gaguinĩrã iriama”, ãrĩ wereñurã.

³² Ìgũsã irasũ ãrĩmakũ pégu, surara opũ ïgũyarã surarare, ïgũsãrẽ dorerãdere siiu needõ, ïgũsã merã Pablöre wẽjẽduarã pũrogue ùmawãgãyupꝫ. Ìgũsã ejamakũ ïãrã, Pablöre pánerã piriñurã. ³³ Surara opũ Pablo pũrogue eja, ïgũyarã surarare ïgũrẽ ñeãdore, pe kõmeda merã suadoreyupꝫ. Ìgũsã sua odomakũ ïãgũ, surara opũ masakare sãrẽñayupꝫ:

—¿Níino ããrĩrĩ ïĩ? ¿Nasiriari, ïgũ masã irasiri-makũ? ãrĩ sãrẽñayupꝫ.

³⁴ Ìgũ irasũ ãrĩmakũ, masaka gapꝫ: “Ãsũ iriami”, ãrĩ, gajirã gajirosũ, gajirã gajirosũ gaguinĩmirẽkõãñurã. Ìgũsã irasũ gaguinĩmakũ, surara opũ needõ diaye pébiryupꝫ. Irasirigũ ïgũyarã surara ããrĩrĩ wiigüe Pablöre ãñadoreyupꝫ.

³⁵⁻³⁶ Ìgũsã irogue ïgũrẽ ãĩãmakũ ïãrã, wãrã masaka: “Wẽjẽkõãka ïgũrẽ!” ãrĩ gaguinĩ, tũyañurã. Irasirirã surara ïgũsãya wii makãpũro mũrĩaro ejarã, Pablöre ãĩkõã mũrĩãñurã, masaka ïgũrẽ wẽjẽrĩ, ãrĩrã.

Pablo masakare: “Neõ ñerõ iribea yũ”, ãrĩ were-dea

³⁷ Iri wiigüe eja, ïgũrẽ peresu irimurã iriripoe surara opũre:

—Y_u, m_u merã wereníd_uakoa, ãrĩyup_u.

Pablo griego ya merã werenímak_u pégu, surara op_u gap_u ãrĩyup_u:

—¿M_u griego yare masĩrĩ? ³⁸ ¿Sõõ ããrãdi, Egip-tom_u meta ããrĩrĩ m_u? Ìg_u romano marã oparã merã gãmekêãduag_u, wárã cuatro mil wêjêrĩmasãrê siiu needõ, masaka marĩrõgue ãïayup_u. ¿Ìg_u meta ããrĩrĩ m_u?

³⁹ Ìg_u iras_u ãrĩmak_u pégu, Pablo yuj_uyup_u:

—Y_u, ìg_u meta ããrã. Judío masak_u ããrã. Tarso, Cilicia nik_u ããrĩrĩ makã deyoab_u. Ubu ããrĩrĩ makãm_u ããrĩbea. Irasirig_u m_urê sêrêa. Ìsã masaka merã werenídoreka y_ure! ãrĩyup_u.

⁴⁰ Ìg_u iras_u ãrĩmak_u pégu, surara op_u: “Já_u, wereníka!” ãrĩyup_u. Irasirig_u Pablo marĩrogue marĩn_ugã, ìg_uya mojõ merã masakare toeburo, ãrìg_u, irikeoyup_u. Ìg_u irasirimak_u ìãrã, toekõãñurã. Ìg_usã toemak_u, Pablo hebreo ya merã wereyup_u ìg_usãrê:

22

¹ —Yaarã, y_u irideare m_usãrê weremak_u, õãrõ péka! ãrĩyup_u Pablo.

² Ìg_u hebreo ya merã werenímak_u pérã, masaka toepereakõãñurã. Irasirig_u Pablo ìg_usãrê ãs_u ãrĩ wereyup_u:

³ —Y_u judío masak_uta ããrã. Cilicia nik_u Tarso wãik_uri makãgue deyoab_u. Iro deyoadi ããrĩkereg_u, õõ Jerusalén masãb_u. Gamaliel wãik_ug_u buemi y_ure. Irasirig_u marĩ ñek_usãmarãrê Moisés doreri pídeare õãrõ masã. Irasirig_u m_usã iriros_uta y_ude Marĩp_u doredeare õãrõ yáa. ⁴ Iripoeguere

Jesúre b̄remurãrẽ ñerõ iriunabu. Surãyerire wẽjẽdorebu. Ɔmarẽ, nomedere ñeã, peresu iri-unabu. ⁵ Paía opa, ããrĩpererã judío masaka oparã yu ãrĩrĩrẽ: “Irasũta iriunami”, ãrĩ weremasĩma musãrẽ. Īgũsãta yure su pũ gojabosama marĩyarã Damasco marãrẽ Jesúre b̄remurãrẽ ñeãdorerã. Irasirigu iri pũ merã Jesúre b̄remurãrẽ ñeãgũ waadibu, õõ Jerusalẽgue Īgũsarẽ ãija peresu iribu.

Pablo ĩgũ Jesúre b̄remunugãdeare werede

⁶ 'Goeripoe ããrĩmakũ, yu Damascogue ejabu iriripoe gũñaña marĩrõ ãmugasi b̄ro kũmijũrõ yu p̄rore goesiribu. ⁷ Irasũ waamakũ, yebague meémejã, p̄ru ãsũ ãrĩ werenĩmakũ pébu. “Saulo, ¿nasirigu yure ñerõ yári mu?” ⁸ Īgũ irasũ ãrĩmakũ pégu: “¿Noã ããrĩrĩ mu?” ãrĩ s̄rẽñabu. Īgũ gapu: “Yu, Jesús Nazaretmu mu ñerõ iriguta ããrã”, ãrĩmi yure. ⁹ Yu merã ããrĩnerã iri goesiririre ĩãgukakõãma. Irire ĩãkererã, Jesús yure werenĩmakũ pébirima. ¹⁰ P̄ru: “Yu opa, ¿nasirigukuri yu?” ãrĩ s̄rẽñabu ĩgũrẽ. Īgũ yure yujumi: “Wãgãnugã, Damascogue waaka! Irogue sugu ããrĩpereri yu murẽ iridoreburire murẽ weregukumi”, ãrĩmi. ¹¹ B̄ro kũmijũrõ waadea yaa koyere neõ deyomarĩmakũ irikubu. Irasirirã yu merãmarã yaa mojõgue ñeã, Damascogue ãĩãma.

¹² Yu iro ejadero p̄ru, Ananías wãikugu, Marĩp̄re b̄remugũ, Moisés doredeare õãrõ irigu yure ĩãgũ ejami. Īgũ iro marã judío masaka ããrĩpererã b̄remugũ ããrĩmĩ. ¹³ Īgũ yu p̄ro ejanugãja: “Yaagu Saulo, mu dupaturi koye ĩãgukoa doja”, ãrĩmi. Īgũ irasũ ãrĩmakũta, dupaturi ĩãbu

doja. Irasirigu Ananías yu puro nímakū òãrõ ìãbu. ¹⁴ Yu ìãmasiadero puru, yure ãrĩmi doja: “Iripoegue Marĩpu marĩ ñekúsamarã buremudi murẽ beyesiadi ããrĩmĩ, ìgũ dorerire òãrõ iribure, ìgũ magũrẽ ñerĩ opabire ìãbure, ìgũ werenírĩrẽ pébure. ¹⁵ Irasirigu ããrĩpererã masakare mu ìãdeare, mu pédeare weregorenagukoa. ¹⁶ Dapagorare yoaripoe yúbirikõãka! Wãgãnuã, deko merã wãiyedoreka, mu marĩ Opu Jesúre buremurĩrẽ ìmugũ! Marĩpore: ‘Jesúre buremua, irasirigu yu ñerõ irideare kãtika!’ ãrĩ sërẽka, mu ñerõ irideare kãtiburo, ãrĩgũ!” ãrĩmi Ananías yure.

Pablo judío masaka ããrĩmerãrẽ Marĩpu ìgũrẽ buedoredeare werede

¹⁷ Puru Damascogue ããrãdi i makã Jerusalẽgue dujajagu, Marĩpuya wiigue ìgũrẽ sërẽgũ waabu. Irogue kërõ irirosũ waarire ìãbu. ¹⁸ Irogue Jesús yure deyoa, weremi: “Jerusalén marã yaare mu weremakũ péduabema. Irasirigu murĩgora gajirogue waaka!” ãrĩmi. ¹⁹ ìgũ irasũ ãrĩmakũ pégu, ìgũrẽ ãrĩbu: “Yu Opu, Jerusalén marã yu irideare òãrõ masĩma. Yu judío masaka nerẽrĩ wiirigue ããrĩrãrẽ murẽ buremurãrẽ ñeã pá, peresu iribu. ²⁰ Muya kerere weredi Estebãrẽ ìgũsã wẽjẽmakũ, ìgũrẽ wẽjẽrãya suri wekamarẽ korebosabu. ‘Òãrõ irirã, wẽjẽma’, ãrĩ gũñabu”, ãrĩ werebu yu Opure. ²¹ Yu irasũ ãrĩmakũ pégu, yu Opu weremi: “Yoarogue waaka! Judío masaka ããrĩmerãrẽ buedoregu iriugura murẽ”, ãrĩmi, ãrĩ wereyupu Pablo ìgũsãrẽ.

Surara opu Pablo merã werenídea

22 Pablo: “Yꝰ Opꝰ Jesús judío masaka ããrĩmerãrẽ buedoregꝰ iriugꝰara”, ãrĩrĩrẽ pérã, bꝰro guari merã gaguiníñurã:

—Dapagorare ñĩ ããrĩnemobirikõãburo. Dapagorata boaburo, ãrĩ gaguiníñurã.

23 Irasũ ãrĩ gaguinírã, ãgũsãya surí wekamarẽ wẽjãsirí, níkwera merã meésiríñurã.

24 Irasirimakũ ããgũ, surara opꝰ ãgũyarãrẽ Pablöre ãgũsãya wiigue ãñajãadoreyupꝰ. Pablöre: “¿Nasirirã masaka mꝰrẽ guari merã gaguinírĩ?” ãrĩ masĩdꝰagꝰ ãgũrẽ tãrãadoreyupꝰ. 25 Irasirirã ãgũrẽ sꝰa, tãrãmurã iriripoe Pablo gapꝰ ãgũ pꝰro nígũrẽ surarare doregꝰre ãrĩyupꝰ:

—Yꝰ romano marãya níkwũmꝰ ããrã. Irasirirã weresãrĩrẽ beyerimasũ yꝰre: “Ãsũ iriami ñerõ irigꝰ”, ãrĩ weresãbirikeremakũ, ubugorata tãrãmasĩbea mꝰsã yꝰre, ãrĩyupꝰ.

26 ãgũ irasũ ãrĩmakũ pégꝰ, surarare doregꝰ ãgũ opꝰre weregꝰ waayupꝰ:

—Õãrõ pémasĩka! “Romano marãya níkwũmꝰ ããrã yꝰ”, ãrãmi. Irasirigꝰ ñerõ iribirikõãka ãgũrẽ! ãrĩyupꝰ.

27 ãgũ irasũ ãrĩmakũ, surara opꝰ Pablöre sërẽñagũ waayupꝰ:

—¿Diayeta romano marãya níkwũmꝰ ããrĩrĩ mꝰ? Werekã yꝰre!

Pablo gapꝰ ãgũrẽ:

—ãgũta ããrã, ãrĩ yꝰjꝰyupꝰ.

28 Surara opꝰ ãgũrẽ ãrĩyupꝰ:

—Yꝰ romanomꝰ ããrĩdꝰagꝰ wáro niyeru wãjaribꝰ.

Pablo ãgũrẽ ãrĩyupꝰ doja:

—Y_u tamerã romanoma makãgue deyoabu. Irasirig_u deyoag_ugueta romanom_u ããrĩdi ããrã y_u.

²⁹ Īgũ irasũ ãrĩmakũ p_érã, Īgũr_é tãrãboanerã gũi wiriakõãñurã. Surara op_ude Pablo romanom_u ããrĩrĩr_é p_ég_u, kōmedari merã Īgũr_é sua tãrãdoreadeare gũñagũ, gũiyur_u.

Pablo judío masaka oparã p_uro ããrĩdea

³⁰ Irasirig_u gajin_u gap_u judío masaka Pablöre weresãdeare masĩd_uag_u, paía oparãr_é, gajirã ããrĩpererã judío masaka oparãr_é siiu neeoyur_u. Īgũsã ner_émakũ ĩãgũ, Pablöre Īgũsã suadea kōmedarire kura, ãĩ, Īgũsã ĩũrõ doboyur_u.

23

¹ Pablo judío masaka oparãr_é ĩãbokatĩũnugãja, ãsũ ãrĩyur_u:

—Yaarã, y_u okaro bokatĩũrõ Marĩp_u ĩũrõ õãrõ ããrĩrik_ua, ãrĩ p_éñãa. Irasirig_u gũñarik_uro marĩrõ ããrĩkõãa.

² Īgũ irasũ ãrĩmakũ p_ég_u, paía op_u Ananías Pablo werenĩrĩr_é p_éd_uabi Īgũ p_uro ããrĩrãr_é Īgũya disire pãdoreyur_u. ³ Irasirig_u Pablo Ananĩare ãsũ ãrĩyur_u:

—Marĩp_u m_ur_é wajamoõg_ukumi gajirãr_é m_u y_ure pãdoreri waja. M_u irikatorik_ug_u ããrã. Y_ure: “Moisés doredeare tarinugãa”, ãrĩ ĩãkereg_u, m_u gap_u iri dorerire tarinugãa, gajirãr_é y_ure pãdoreg_u, ãrĩyur_u.

⁴ Irasũ ãrĩmakũ p_érã, iro ããrĩrã ãsũ ãrĩñurã Pablöre:

—Ñerõ ãrĩ werenĩbirikõãka paía op_ure Marĩp_u beyedire!

⁵ Īgũsã irasũ ãrĩmakũ p_ég_u, Pablo ãrĩyur_u doja:

—Yaarã, yu masĩbirakubu ïgũ paía opu ããrĩrĩrẽ. Masĩgũ irasũ ãrĩbiriboakuyo. Marĩpũya werenĩrĩ gojadea pũguere: “Musãya makã marã opuere ñerõ ãrĩ werenĩbirikõãka!” ãrĩ gojasũdero ããrĩbũ.

⁶ Irogue ããrĩrã: Saduceo bumarã, gajirã fariseo bumarã ããrĩñurã. Irasirigu ïgũsãrẽ ïãgũ, Pablo busuro werenĩyupu:

—Yaarã, yude fariseota ããrã. Fariseo bumu magũta ããrã. Irasirirã masaka boanerã masãrĩrẽ yu buremurĩ waja yure wajamoãduakoa, ãrĩyupu.

⁷ ïgũ boanerã masãrĩrẽ weremakũ pérã, fariseo, saduceo bumarã merã gãme guaseonugãñurã. Irasirirã iri wiigüe suro merã ããrãnerã ããrĩkererã, gãme dukawariakõãñurã. ⁸ Saduceo bumarã: “Masaka boanerã masãbirikuma. Marĩpũre wereboerã marĩkuma. Masaka boanerã yuɟpũrãrĩde marĩkoa”, ãrĩ wererã ããrĩñurã. Fariseo bumarã gapu ããrĩpereri irimarẽ buremurã ããrĩñurã. ⁹ Irasirirã irimarẽ gãme guaseo, buro gaguinínugãñurã. Irasirirã surãyeri fariseo bumarã Moisés doredeare buerimasã wãgãnugã, wereñurã:

—Masaku boadi, o Marĩpũre wereboegu diayeta ñĩ merã werenĩakumi. Irasirirã ïgũrẽ ñerõ iriami, neõ ãrĩmasĩbea. ïgũrẽ wajamoãrã, Marĩpũre ñerõ irirã iribukõãa marĩ, ãrĩñurã.

¹⁰ ïgũsã buro gaguinĩmakũ ïãgũ, surara opu gapu Pablöre gũisãyupu. “ïgũrẽ ñeã, tũãwẽjãsiribéokõãbukuma”, ãrĩgũ, ïgũyarã surarare: “Pablöre ããka, dupaturi marĩ ããrĩrĩ wiigüe!” ãrĩ iriuyupu.

¹¹ Iri ñamita marĩ Opu Jesús Pablöre deyoa, wereyupu:

—Gũñaturaka! Gũibirikõãka! I makã Jerusalén marãrẽ yaa kerere wereaderosũta Roma marãdere weregũ waaka! ãrĩyupũ.

Judío masaka Pablore wějẽdũadea

¹² Gajinũ gapũ surãyeri judío masaka Pablore wějẽdũarã nerẽ, ãsũ ãrĩñurã:

—Dapagã merã neõ baabiri, iirĩbirikõãrã! Īgũrẽ wějẽmerã ãmerãta boarã! Īgũrẽ wějẽbirimakũ, Marĩpũ marĩrẽ wajamoãburo, ãrĩñurã.

¹³ Irasũ ãrĩ werenĩrã cuarenta nemorõ ããrĩñurã.
¹⁴ Pũrũ paia oparã, gajirã judío masaka oparã pũrogue wererã waañurã:

—“Dapagã merã neõ baabirikõãrã! Īgũrẽ wějẽmerã ãmerãta boarã! Īgũrẽ wějẽbirimakũ, Marĩpũ marĩrẽ wajamoãburo”, ãrãbũ, ãrĩñurã.

¹⁵ Irasirirã mũsã, mũsã merãmarã oparãde ãrĩkatori merã kere iriuka surara opũguere! “Ñamigã Pablore dupaturi ĩgũ irideare weremakũ pédũakoa”, ãrĩka ĩgũrẽ! Surara opũ iri kerere pégũ, Pablore õõgue ãĩwãgãridoregũkumi. Irasirirã maague yúrã, ĩgũ õõrẽ ejaburo dupiyuro ĩgũrẽ wějẽmurã, ãrĩñurã.

¹⁶ Pablo tĩgõ magũ gapũ ĩgũsã irasũ ãrĩ werenĩmakũ péyupũ. Irasirigũ Pablore surara ããrĩrĩ wiigue ããrĩgũrẽ weregũ waayupũ. ¹⁷ Pablo irire pégũ, sugũ surarare siiu wereyupũ:

—Ĩĩ maamũ mũ opũre gajino weredũayupũ. Irasirigũ ĩgũ pũrogue ãĩaka! ãrĩyupũ.

¹⁸ ĩgũ irasũ ãrĩmakũ pégũ, surara Pablo tĩgõ magũrẽ ĩgũ opũ pũrogue ãĩja, ãrĩyupũ:

—Pablo peresugue ããrĩgú yure ñ maamurẽ mu pũro iriuami. Īgũ murẽ gajino weregu aarigú iri-ami, ãrĩyupu.

¹⁹ Īgũ irasũ ãrĩmakũ pégu, surara opu maamurẽ ĩgũya mojõrẽ ñeã tũãwãgã, masaka péberogue sêrẽñayupu:

—¿Naásũ ãrĩbu iriari mu yure?

²⁰ Maamu gapu ĩgũrẽ ãrĩyupu:

—Judío masaka oparã murẽ ĩgũsã pũroque Pablore ãñadorerãkuma. Murẽ ãsũ ãrĩ wereníama: “Ñamigãrẽ dupaturi Pablore sêrẽñaduakoa ĩgũ irideare õãrõ masĩmurã”, ãrĩkatorãkuma.

²¹ Irasirigu ĩgũsãrẽ yujubirikõãka! Ūma cuarenta nemorõ maague Pablore wêjẽmurã duriri merã yúsíama. “Dapagã merã neõ baabirikõãrã! Īgũrẽ wêjẽmerã hamerãta boarã! Īgũrẽ wêjẽbirimakũ, Marĩpu marĩrẽ wajamoãburo”, ãrãma, ãrĩ wereyupu maamu surara opure.

²² Īgũ irasũ ãrĩmakũ pégu, surara opu gapu:

—Waaka doja! Irire gajirãrẽ neõ werebirikõãka! ãrĩyupu ĩgũrẽ.

Surara opu Pablore Félix pũroque iriudea

²³ Maamu waadero pũru, opu pẽrã ĩgũyarã surarare dorerãrẽ siu wereyupu:

—Yaarã surarare doscientos gubu merã waamurãrẽ, setenta caballu weka peyamurãrẽ, doscientos sareri yuku oparãdere Cesareague waamurãrẽ ĩgũsãyare ãmudorerã waaka! Īgũsã ãmu odomakũ, dapagã ñami nueve ããrĩmakũ, ĩgũsãrẽ siuaka! ²⁴ Pablo peyamurã caballuadere ãmubosaka! Irasirigu õãrõ waagukumi. Õãrõ pírá

—Mure weresãnerã õõrẽ ejamakũ, mu wererire pégura, ãrĩyumu.

Irasũ ãrĩ odo, opu Herodes daguya wiigue Pablöre pí, ãgũyarã surarare koredoreyumu.

24

Pablöre Félix ãrĩ weresãdea

¹ Su mojõma nũrĩ tariadero pũru, paía opu Ananías Cesareague waayumu. ãgũ merã gajirã judío masaka oparã, gajigu masakare wereníbosarimasũ Tértulo wãikugude opu Félire Pablöre weresãrã waañurã. ² Pablöre ãgũsã nerẽrõgue ãñjamakũ, Tértulo ãgũrẽ Félire ãsũ ãrĩ weresãnũgãyumu:

—Gua opu, wári masĩrĩ merã guare i nikũ marãrẽ doregu ããrã mu. Mu doreri merãta i nikũ õãrĩ gorawayuro yáa. Gãmekẽãrõ marĩrõ õãrõ ããrĩkõãa. ³ Irasirirã gua ããrĩperero marãgue mu merã õãrõ usuyáa. ⁴ Yoaripoe mu merã wereníbirikoa. Irasirigu yu mu merã mérõgã werenímakũ péka dapa! ⁵ Gua ire weredũakoa mure. ãrĩ Pablo wãikugu guare garibotarimi. ããrĩpereri nikũgue judío masakare guari merã gaguiní, ãgũsã basi gãme dukawarimakũ irigorenami. “Nazarenos” wãikuri bumarã opu ããrĩmi. ⁶ Marĩpuya wiire ãgũ ñerõ iridũamakũ ããrã, ãgũrẽ peresu irimurã ñeãbu, gua judío masakaya dorerire ãgũ tarinũgãrĩ waja ãgũrẽ wajamoãdũarã. ⁷ Gua irasiridũamakũ ããgũ, surara opu Lisias wãikugu gapu gua pũro eja, ãgũrẽ turaro merã ãmakõãmi. ⁸ Pũru Lisias, gua ãgũrẽ weresãnerãrẽ mu pũrogu iriuami. ãgũ irasũ ãrĩmakũ pérã, õõgue aarabu. Mu basita ãgũrẽ

sērēñagũ, ããrĩpereri gua ïgũrē weresãrĩrē diayeta ãrĩma, ãrĩgũkoa, ãrĩyupũ Tértulo Félire.

⁹ Gajirã judío masaka iro ããrĩrãde: “Tértulo diayeta wereními”, ãrĩñurã. ¹⁰ Ìgũsã irasũ ãrĩmakũ pégu, opũ Félix Pablöre mojõ merã irikeo, were-doreyupũ. Pablo ãrĩyupũ ïgũrē:

—Wári bojori i nikũ marãrē mũ dorerire õãrõ masía yũ. Irasirigũ yaamarē usũyari merã mũrē weregũra. ¹¹ Pe mojõma pere su gubu peru pērēbejarinurĩta taria, yũ Jerusalégue Marĩpũre bũremugũ ejadero pũrũ. Irire diaye masĩdũagũ, gajirãrē sērēñaka! ¹² Yũ iri makãgue ããrĩmakũ, yũre weresãnerã yũ gajirã merã guaseomakũ neõ ïãbirama. Marĩpũya wiire, judío masaka nerẽrĩ wiiriguedere, noó gajiro iri makã marãrē gua gaguinĩmakũ iribirabũ. ¹³ Irasirirã yũre weresãnerã: “Ãsũ iriami, irasirigũ waja opami”, ãrĩmasĩbema. ¹⁴ Mũrē gajĩ gapũre weregũra. Gua ñekũsãmarã Marĩpũre, Moisés doreri pídeare, Marĩpũya kerere weredupiyunerã gojadeare bũremuderosũta yũ bũremua. Irire bũremukeregũ, Jesús buedeaderẽ bũremua. Yũre weresãnerã: “Jesús bueadea ãrĩkatori ããrã”, ãrĩ wereníma. ¹⁵ Ìgũsã: “Marĩpũ ããrĩpererã masaka boanerãrē õãrãrē, ñerãdere masũgũkumi”, ãrĩ gũñarõsũta yũde gũñãa. ¹⁶ Irasirigũ yũ Marĩpũ ïũrõ, masaka ïũrõdere yũ turaro bokatiũrõ õãrõ iridũakoa.

¹⁷ Yaa makã Jerusalérẽ yũ wiriadero pũrũ, wári bojori gajirogue naagorena, pũrũ irogueta dujáabũ. Iroguẽ eja, yaarã boporãrē niyeru sĩgũ ejabũ. Iroguẽ ããrĩgũ, Marĩpũ ïũrõ waibũre

soepeodudibũ ĩgũrẽ bũremugũ. ¹⁸ Marĩpũya wiigũe waa, ĩgũ ĩũrõ Moisés doredeare yũ irirĩpoe judío masaka Asia marã yũre bokajama. Yũ merã gajirã masaka mérãgã ããrĩmã. Neõ ĩgũsãrẽ gua gaguinĩmakũ iribiribũ. ¹⁹ Judío masaka Asia marã yũ Marĩpũya wiigũe irideare ĩãnerã, yũre: “Ñerõ iriami”, ãrĩ weresãduarã, õõgue mũ ĩũrõgue weresãrã aariburo. ²⁰ ĩgũsã aaribirimakũ, judío masaka oparã õõgue ããrĩrã yũ ĩgũsã oparãrẽ wereadeare péanerã: “Ãsũ ããrã”, ãrĩ weresãduarã, weresãburo. ²¹ I tamerãrẽ yũre weresãmasĩma. Yũ ĩgũsã merã ããrĩgũ, bũro turaro merã: “‘Boanerã masãrãkuma’, ãrĩdea waja yũre wajamoãduakoa”, ãrĩbũ ĩgũsãrẽ, ãrĩ wereyupũ Pablo Félire.

²² ĩgũ irasũ ãrĩmakũ pégu, Félix gapũ Jesúre bũremurã iririkũrire õãrõ masĩsĩã, ãsũ ãrĩyupũ Pablöre:

—Iropata pégu. Surara opũ Lisias ejadero purũ, murẽ yũ iriburire weregũkoa, ãrĩyupũ.

²³ Irasũ ãrĩ odo, Pablöre koregũre: “Pere-sugue õãrõ koreka ĩgũrẽ! Iri wiigueta naãa ããrĩkõãburo. ĩgũ merãmarã ĩgũrẽ iritamudũmakũ kãmutabirikõãka!” ãrĩyupũ.

²⁴ Yoaweyarĩpoe tariadero purũ, Félix ĩgũ marãpo judío masako Drusila wãkũgo merã eja, Pablöre ãrĩdoreyupũ, Jesucristore ĩgũ bũremurĩrẽ weremakũ péduarã. ²⁵ Pablo ĩgũsãrẽ ãsũ ãrĩyupũ: “Marĩpũ masakare diayemarẽ irimakũ, ĩgũsã basi ñerõ iridũarire iribirimakũ gããmemi. I ãmũ peremakũ, Marĩpũ ããrĩpererã ñerãrẽ wajamoãgũkumi”, ãrĩ weremakũ, Félix gapũ pégũka, gũi, “Waaka!” ãrĩyupũ ĩgũrẽ:

—Gajipoe yare gajino moārī marīmakū siiugura doja mūrē, āriyurū.

²⁶ Félix irasū ārkeregū: “Pablo yare niyeru sīburo”, ārigū, ĩgū merā werenīgū wāri ĩgūrē siunayurū. “Gajipoe irigū niyeru sīmakū ĩgūrē wiubukoa”, āri gūñadiyurū. ²⁷ Pe bojori pūrū, Porcio Festo wāikugū Félire gorawayugū, opū ñajāyurū. Irasirigū Félix gapū ĩgū opū āārīrīrē wirigū, judío masaka merā oārō āārīdūagū, Pablöre peresug-ueta āārīdorekōāyurū dapa.

25

Pablo, Festo merā werenídea

¹ Urenū ĩgū opū āārīrī ñajādero pūrū, Festo Cesareague āārādi, Jerusalēgue waayurū. ² ĩgū irogue ejadero pūrū, paía oparā, gajirā judío masaka oparā Pablöre ĩgūsā weresādeare Festoguere wererā waañurā. ³ ĩgū puro eja, turaro merā: “Gūare iritamuka! Pablöre oō Jerusalēgue āiridoreka!” āri sērēñañurā. ĩgūsā ĩgūrē maague aarigūre: “Wējēkōārā!” āri āmuyusiadiñurā. ⁴ Festo gapū ĩgūsārē yujuyurū:

—Pablo Cesareague peresu āārīmi dapa. Mérōgā pūrū irogue goedujáagukoa doja. ⁵ Pablo ñerō iririkugū āārīmakū ĩārā, mūsā oparā Cesareague yū merāta waa, ĩgūrē weresārā waaburo, āriyurū.

⁶ Irasirigū Festo su semana pere, gaji semana ũrenū waaró merā Jerusalēgue āārādi Cesareague goedujáakōāyurū. ĩgū dujajadero pūrū, gajinū gapū weresārīrē beyeri wiigū waayurū. Iro eja, opū doarogue doa, Pablöre āiridoreyurū. ⁷ Pablo irogue ejamakū ĩārā, judío masaka Jerusalén merā

aaranerã ĩgũ pũro waa ejanugã, ĩgũrẽ wári ñerĩ weresãdiñurã. Irasũ arĩ weresãkererã: “Ãsũ irimakũ iãbũ”, neõ arĩmasĩbiriñurã. ⁸ Pũrũ Pabło ĩgũ irideare wereyurũ:

—Judío masaka dorerire, Marĩpũya wiima dorerire, romano marã opũ doreridere neõ tarinugãbiribũ yũ, arĩyurũ.

⁹ Festo gapũ judío masaka merã õãrõ ããrĩduagũ, Pablõre sãrẽñayurũ:

—¿Jerusalẽgue waadũakuri? Irogue mũ irideare yũre weremakũ, ĩgũsã mũrẽ weresãdeare weremakũ pẽduakoa, arĩyurũ.

¹⁰ ĩgũ irasũ arĩmakũ, Pablõ yũjuyurũ:

—Yũ õõ romano marãrẽ weresãrĩrẽ beyerogue ããrĩsiãa. Irasirigũ Jerusalẽguere waadũabirikoa. Oõta yũre irire beyero gããmea. Judío masakare neõ ñerõ iribiribũ. Mũ irire õãrõ masĩkoa.

¹¹ Yũ ñerõ iridi tamerã: “Yũre wẽjẽbirikõãka!” arĩbiriboakuyo. ĩgũsã yũre arĩkatori merã weresãdea ããrĩmakũ, neõ sugũ opũguere wiamasĩña máa. Yũ irideare romano marã opũre beyemakũ gããmekoa, arĩyurũ Pablõ Festore.

¹² ĩgũ irasũ arĩmakũ pẽgũ, Festo ĩgũ merãmarã merã werení odo, Pablõre arĩyurũ doja:

—Mũ irideare romano marã opũre weredũamakũ, ĩgũ pũrogue iriugũra mũrẽ, arĩyurũ.

Pablõ, opũ Agripare weredea

¹³ Yoaweyaripoe pũrũ Festo opũ ñajãdero pũrũ, Judea marã opũ Agripa wãĩkũgũ, ĩgũ tĩgõ Berenice merã Cesareague Festore õãdorerã waañurã.

¹⁴ Agripa irore yoaripoe ããrĩmakũ, Festo Pablõre ĩgũsã irideare wereyurũ ĩgũrẽ:

—Ōõrẽ sugu ããrĩmi Félix peresu iridi. ¹⁵ Yu Jerusalẽgue ããrĩmakũ, paía opará, gajirã judío masaka opará ãgũrẽ yure weresãrã ejama. “Ígũ ñerõ iridea waja wẽjẽdoreka!” ãrĩ sãrẽma yure. ¹⁶ Yu gapu: “Gua romano marã ubugorata gajirãrẽ neõ wẽjẽdorebea. Irasirirã sugu masakure weresãnerã ãgũsã weresãdi merã weresãrĩrẽ beyerimasũ iũrõ gãme wereníbirikererã: ‘Wẽjẽkõãka!’ ãrĩmasĩbema”, ãrĩ yujabu. ¹⁷ Irasirigu ãgũrẽ weresãnerã yu merã õõgue ãgũsã ejadero puu, yooboro marĩrõ gajinu gapu weresãrĩrẽ beyeri wiigue waabu. Iro eja, opu doarogue doa, ãgũsã weresãdire ãiridorebu. ¹⁸ Ígũ yu puo ejamakũ ããrã, ãgũrẽ weresãnerã wãgãnuãgãma. Ígũsã wãgãnuãgãmakũ ããgũ: “Ígũ ñerĩ irideare wári weremurã yáma”, ãrĩ gũñadibu. Ígũsã gapu: “Ígũ ñerĩ irimakũ ããbu”, ãrĩ neõ weremasĩbirima. ¹⁹ Judío masaka buremurĩ ditare weresãma. “Jesús wãikugu boa, puu masãdi ããrĩmi”, ãgũ ãrĩdea waja weresãma ãgũrẽ. ²⁰ Nasirimasĩbirisĩã, ãgũrẽ sãrẽñabu: “¿Jerusalẽgue mude yu merã waadukuri? Iroguere yu merã waasĩã, mu irideare wereaso yure”, ãrĩbu ãgũrẽ. ²¹ Yu irasũ ãrĩmakũ pẽgu: “Iroguere waadukuri, Romano marã opu gapure yu irideare weregu waadukuria”, ãrĩmi. Irasirigu yu gapu ãgũrẽ õõta pikõãbu dapa. “Yu murẽ iriumakũ, romano marã opu Augusto puo waagukuria mu”, ãrĩbu ãgũrẽ, ãrĩ wereyupu Festo Agripare.

²² Agripa Festore ãrĩyupu:

—Yude ãgũ weremakũ pẽdukuria.

—Jáu, ñamigãta ãgũrẽ pẽdukuria mu, ãrĩyupu.

²³ Gajinu gapu Agripa, ĩgũ tĩgõ Berenice merã iri makã marã nerẽĩ taribugue waañurã. Irogue ñajãrã, oparã sãñarĩ surí merã ñajãñurã. Gajirã surara oparã, iri makã marã oparãde ĩgũsã merã ñajãñurã. ĩgũsã nerẽadero puru, Festo Pablöre aĩridoreyuru. ²⁴ Pablo ĩgũsã purogue ñajãjamakũ, Festo iro aãrĩrãrẽ aĩryuru:

—Opu Agripa, aãrĩpererã i taribugue nerẽanerã õãrõ péka yure! Wãrã judío masaka Jerusalén marã, i makã marãde ĩrẽ weresãma yure. “Wějẽkõãka ĩgũrẽ!” aĩrĩ gaguiníma. ²⁵ ĩgũsã irasũ aĩrĩkeremakũ, yu gapu ĩgũsã ĩgũrẽ wějẽrõ gããmea, aĩrĩrĩ wajare bokabiribu. Irasirigu opu Augustore ĩgũ irideare weregu waadũakoa, aĩrĩmakũ: “ĩgũ purogue iriugura”, aĩrĩ gũñabu. ²⁶ Yu gapu ĩgũrẽ ĩgũsã weresãdeare õãrõ masĩbirisĩã, opu Augustore irimarẽ gojabiribu dapa. Irasirigu ĩgũrẽ aĩridoreabu, ĩgũ irideare masã péuro weredoregu. Opu Agripa, ĩgũ irideare weremakũ mu péadero puru, ĩgũrẽ sërẽña, puru yu õãrõ gojagũkoa pama marĩ opu Augustore. ²⁷ Sugũ masakure ĩgũ ñerõ irideare masĩbirikererã, marĩ opu Augusto purogue iriumasĩña máa. ĩgũrẽ weresãdeare õãrõ masĩbirikererã ĩgũrẽ iriurã, ubugorata iriubukoa, aĩryuru Festo Agripare.

26

Pablo Agripare weredeã

¹ Irasirigu Agripa Pablöre:

—Wereka yure mu irideare! ĩgũsã murẽ weresãdeare mu yujumakũ péduakoa, aĩryuru.

Īgũ irasũ ãrĩmakũ pégu, Pablo ĩgũya mojõrẽ soemu, ĩgũ irideare werenũgãyuru:

² —Opũ Agripa, dapagorare mũ yũre were-doremakũ, bũro usũyáa. Irasirigũ yũ irideare, judío masaka yũre weresãdeare ããĩpererire mũrẽ weregũra. ³ Gũa judío masaka iririkũrĩre gũa gãme werenĩrĩdere õãrõ masĩkoa. Irasirigũ bopoñarĩ merã yũ weremakũ, õãrõ péka!

Pablo Jesúre bũremuburi dupiyuro ĩgũ ããĩrikũdeare weredea

⁴ 'Ããĩpererã judío masaka yaa nikũ marã, Jerusalén marãde yũ majĩgũgueta ĩgũsã merã ããrĩdeare masĩma. ⁵ Yũ maamũgueta fariseo bumũ ããrĩdi ããrĩbú. Mũrẽ irire weredũarã, weremasĩma. ããĩpererã gũa judío masaka watopeguere fariseo bumarã gũa bũremurĩrẽ gajirã nemorõ õãrõ yáma. ⁶ Marĩpu gũa ñekũsãmarãrẽ masaka boanerãrẽ masũgũra, ãrĩdeare yũ bũremurĩ waja yũre weresãrã õõgue iriuma wajamoãburo, ãrĩrã. ⁷ Gũa judío masaka, Israel bumarã pe mojõma pere su gubu peru pẽrẽbejari buri marãgora, Marĩpu marĩ boadero purũ masũburire usũyari merã yúa. Irasirirã ãmũrĩ, ñamirĩ Marĩpũre bũremunĩkõãa. Opũ Agripa, gũa irire yúkeremakũ, surãyeri judío masaka weresãma yũ irire bũremurĩ waja. ⁸ Mũsã gapũ, ¿nasirirã Marĩpu boanerãrẽ masũburire bũremuberi?

Pablo Jesúre bũremurãrẽ ĩgũ ñerõ iriunadeare weredea

⁹ 'Iripoegue Jesús Nazaretmũrẽ bũremurãrẽ yũ bokatĩũrõ ñerõ iridũadibũ. ¹⁰ Jerusalẽguere paía oparã dorero merã wãrã Jesúre bũremurãrẽ

peresu iribũ. Irasirigu opará ĩgũsãrẽ wẽjẽdoremakũ, yude neõ kãmutabiribũ. ¹¹ Aãrĩpereri ĩgũsã nerẽrĩ wiirigue ñajãa, Jesúre bũremurãrẽ ñerõ iriunabũ, ĩgũrẽ bũremurĩrẽ piriburo, ãrĩgũ. ĩgũsã merã bũro guabũ. Gaji makãrĩguedere irasũta ñerõ irigorenabũ.

Pablo Jesúre bũremunũgãdeare weredeã

¹² Irasirigu Damascogue Jesúre bũremurãrẽ ñerõ irigu waadibũ, paía opará yũre: “Gũa dorero merã waaka!” ãrĩmakũ pégu. ¹³ Opũ Agripa, yũ maague waamakũ, ãsũ waabũ. Goerĩpoe ããrĩmakũ, ãmũgasigue abe ãmũmũ gosero nemorõ gosesiribu yũ pũro, yũ merã waanerã pũrodere. ¹⁴ Gũa ããrĩpererã yebague meémejãbũ. Sugũ yũre hebreo ya merã werenĩmakũ pébũ. “Saulo, ¿nasirigu yũre ñerõ yári mũ? Mũ yũre ñerõ irigu, mũ basita ñerõ yáa”, ãrĩmi yũre. ¹⁵ ĩgũ irasũ ãrĩmakũ pégu, yũ gapũ: “¿Noã ããrĩrĩ mũ?” ãrĩ sërẽñabũ. Marĩ Opũ gapũ ãsũ ãrĩmi: “Yũ, Jesús, mũ ñerõ iriguta ããrã. ¹⁶ Wãgãnũgãka! Yũ mũrẽ deyoa, yũre moãboegu ããrĩburo, ãrĩgũ. Irasirigu mũ yũre ããdeare, pũrugue yũ mũrẽ ĩmuburidere gajirãrẽ weregũkoa. ¹⁷ Yũ mũrẽ judío masaka ããrĩmerãrẽ buebure iriugũra. Judío masaka, judío masaka ããrĩmerãde mũrẽ ñerõ irimakũ wijatagũra. ¹⁸ Yũ mũrẽ judío masaka ããrĩmerãrẽ buedoregu iriugũkoa, yaa kerere masĩburo, ãrĩgũ. Irasirirã ñerĩrẽ pirirãkuma. Koye ĩãpãmerã, naĩtĩãrõgue ããrĩrã irirosũ ããrĩbirikuma. Boyorogue ããrĩrã irirosũ ããrĩrãkuma. Wãtĩ ĩgũsã opũ ããrĩbirikumi pama. Marĩpũ gapũ ĩgũsã Opũ ããrĩgũkumi. Irasirigu, ĩgũsã yũre bũremumakũ ĩãgũ, Marĩpũ ĩgũsã ñerĩ irideare kãtigũkumi.

Īgūsārē Īgūyarā āārĩmakū irigukumi”, ārĩmi Jesús yure.

Pablo, Jesús dorerire yujudea

19 'Opũ Agripa, ũmũgasigue Jesús yure werenideare tarinũgābiribu. 20 Irasirigu Damasco marārē Īgūya kerere wereruroribu. Pũũ Jerusalem marārē, āārĩpererogue Judea marārē werebũ. Judío masaka āārĩmerādere werebũ. “Mũsā ñerō irideare bujawere, mũsā gũñarĩrē gorawayuka! Marĩpũ gāāmerĩ gapũre irika! Irasirirā mũsā gũñarĩ gorawayuadeare ĩmurākoa”, ārĩ buebũ Īgūsārē. 21 Yũ irire buedea waja judío masaka Marĩpũya wiigie yũ āārĩgūrē ñeā wējēduarā irima. 22 Īgūsā irasirikeremakū, Marĩpũ gapũ yure iritamuníkōāmi. Irasirigu āārĩpererā oparārē, ubu āārĩrādere yũ Īgūya kerere wererire neō piribea. Iripoegue Moisés, gajirā Marĩpũya kerere weredupiyunerā, pũrugue āsũ waarokoa, ārĩdeare werea. Āsũ ārĩ gojanerā āārĩmá: 23 “Cristo, Marĩpũ iriudi bũro ñerō tarigukumi. Īgũ boadero pũũ, Īgũta masāpũrori, neō dupaturi boabirikumi. Irasirigu Īgũ masakare taugũ āārĩrĩrē judío masakare judío masaka āārĩmerādere masĩmakū irigukumi”, ārĩ gojanerā āārĩmá, ārĩ wereyupũ Pablo Agripare.

Pablo Agripare: “Jesúre bũremuka!” ārĩ weredea

24 Īgũ irasũ ārĩripoeta Festo gaguinĩyupũ:

—Pablo, mirēgũ yāa. Wári buetarisĩā, mirērĩmasũ waāa, ārĩyupũ.

25 Pablo gapũ Festore ārĩyupũ:

—Y_u op_u, mirēbea. Y_u wereri diayeta āārā. Irasirig_u ire goepeyaro merā werea. ²⁶ Op_u Agripa gap_u, y_u wereri āārīpererire ōārō masīkumi. Irire masīa y_u. Irasirig_u ĩgūrē gūiro marīrō werea. Y_u Jesúyare wereg_u, yayerogue werebea, ārīyup_u Pablo Festore. Irasū ārī odo, āsū ārīyup_u Agripare:

²⁷ —Op_u Agripa, Marīp_uya kerere weredupiyunerā gojadeare b_uremua m_u. M_u irire b_uremurīrē masīa y_u, ārīyup_u.

²⁸ Agripa ĩgūrē y_uj_uyup_u:

—Iropagā werekereg_u, ¿y_ure Jesúre b_uremumakū irid_uari? ārīyup_u.

²⁹ ĩgū irasū ārīmakū pég_u, Pablo y_uj_uyup_u ĩgūrē:

—Jesúyare wári, o mērōgā wereg_u, m_usā āārīpererārē y_u irirosū ĩgūrē b_uremumakū gāāmea. Marīp_uguere irire sērēbosáa. Y_u peresugue āārīgú irirosū m_usā āārīmakū tamerārē gāāmebea, ārīyup_u.

³⁰⁻³¹ ĩgū irasū ārīmakū pérā, Agripa, Festo, Berenice gajirā ĩgūsā merā doanerāde wāgān_ugā, gaji taribugue waa, ĩgūsā basi āsū ārī gāme wereníñurā:

—ĩgūrē i waja wējērō gāāmea, ārīrī máa. I waja peresu iriro gāāmea, ārīrīde máa, ārī gāme wereníñurā.

³² Irasirig_u Agripa āsū ārīyup_u Festore:

—Pablo romano marā op_ure y_u irideare wered_uakoa, ĩgū ārībirimakū, marī ĩgūrē peresugue āārīgūrē wiukōāboakuyo, ārīyup_u.

27

Pablore Romague iriudea

1 Irasirirã Pablöre, gajirã peresu ããrĩrãdere doódiru merã Italia nikũma makã Romague gũa merã iriuma. Julio wãikũgũ surara opũdere iriuma ĩgũsãrẽ koredorerã. ĩgũsã romano marã opũ Augusto wãikũgũyarã surara ããrĩmã. 2 Gũa Adramitio wãikũri makã marãya doódiru Asia nikũma perague waadiru merã waabũ. Gajigũ Aristarco wãikũgũ Macedonia nikũma makã Tesalónica wãikũri makãmũde gũa merã waami. 3 Gajinũ gapũ Sidón wãikũri makãma perague ejabũ. Iroque ejadero pũrũ, Julio Pablöre bopoñarĩ merã ĩã, ĩgũrẽ ĩgũ merãmarã pũro naadoregũ iriumi, ĩgũsã ĩgũ gããmerĩrẽ sĩburo, ãrĩgũ. 4 Gũa iri makãgue ããrãnerã doódiru merã waamakũ, bũro mirũ gũare gajipãrẽgue wẽjãputaribujubũ. Irasirirã Chipre wãikũri nũgũrõ kũgapũ dujamakũ taribũ. Iro gapũ mirũ wẽjãpubiriweyabũ. 5 Ciliciare, Panfiliadere taribũ. Pũrũ Licia nikũma makã Mira wãikũri makãgue ejabũ.

6 Gũa iroque ejamakũ, surara opũ gajiru doódiru bokajami. Iriru Alejandriague aaradiru, Italiague waaburidiru ããrĩbũ. Irasirigũ gũare irirugue ñajãdoremi. 7 Iriru merã waarã, mirũ gũare bũro wẽjãpu kãmutamakũ, yoaripoe yoobobũ. Bũro ñerõ tariri merã waa, Gnido wãikũri makã bokatĩũrõ ejabũ. Irore gũa tarimakũ, mirũ dupaturi bũro wẽjãpubũ. Gũa waaderoguere ejamasĩbiribũ. Irasirirã Creta wãikũri nũgũrõgue waa, Salmón wãikũri ñorõrẽ tariadero pũrũ, mirũ gũare neõ wẽjãputaribujubiribũ pama. 8 Iri nũgũrõ tũro taria, gariboretarianerãgue “Õãrĩ pera” wãikũrogue ejabũ. Iri pera Lasea wãikũri makã pũrogue ããrĩbũ.

⁹ G_{ua} yoaripoe yooboadea waja puib_u waaburo mérōgā d_uyab_u. Irasirig_u Pablo doódiru moārārē weremi:

¹⁰ —Péka! Marī dapagora waamakū, iru doódiru, doebiride dederibukoa. Marīdere mirīboama goe-goráa, ārādimi.

¹¹ Īgū irasū ārīkeremakū, surara op_u Pablo wererire pébirimi. Doódiru op_u, iriru wejatug_u wereri gap_ure b_urem_umi. ¹² Īgūsā ejadea pera gap_u puib_u tamumakū, ñegorayuro. Irasirirā: “Fenice wāikuri makāgue waakōādorea. Gajipoe irirā iroque puib_u tamubukoa”, ārīma. Fenice, Creta n_ugūrōma makā abe ñajārō gap_u āārīrī makā āārīyuro. Iri makāma pera gap_ure mirū wējāpubiriweyayuro.

Wádiyague b_uro mirū waadea

¹³ Irasirirā sur gap_u mirū wējāpuweyamakū iārā, doódiru moārā: “Ōārīn_u āārīrokoa”, ārī gūñadima. G_{ua} irirure ñajāa, Creta n_ugūrō turo waab_u Fenicegue waad_uarā. ¹⁴ Mérōgā p_ur_u b_uro mirū nordeste wāikuri aaribú. ¹⁵ Irasiriro g_uaya doódirure mirū wējāpubéokōāb_u. Mirū iro wējāpumakū gāme goroamasībiri, mirū wējāpuro gap_uta waab_u. ¹⁶ G_{ua} Cauda wāikuri n_ugūrōgā turoque ejamakū, mirū wējāpubiriweyab_u. Irasirirā g_ua b_uro moātarianerāgue doódirumarū médiru kūmagārē ōārō tūāmu s_uapeob_u. Iriru wádiru mirīmakū, Īgūsā ñajāburidirugā āārībú. ¹⁷ Irirugārē s_uapeo odo, wádirure pūgubudari merā s_uanemoma mirū merā waaríri, ārīrā. P_ur_u gūi, Sirte wāikuri ĩmiparo miēgue marīrē mirū āīārī, ārīrā, Īgūsā mirū ñeārī gasirī s_uatúdea gasirire kuradijukōāma.

Īgūsā kuradijuadero pꝛꝛꝛ, mirũ wējāpuro gapꝛta waabꝛ. ¹⁸ Gajinꝛ gapꝛ mꝛrārōta bꝛro mirũ wējāpumakũ ĩārā, iriruma doebirire diague béobꝛ. ¹⁹ Gajinꝛ gapꝛdere iriruma āārĩrĩrē diague béobꝛ. ²⁰ Yoaripoe ñĩpirinꝛĩ āārĩmakũ, abe ũmꝛmꝛ, neñukāde neō deymarĩma. Bꝛro mirũ wējāpubꝛ dapa. Irasirirā: “Iro diaye waakōāa”, ārĩ masĩña marĩbꝛ gꝛare. “Mirĩ boakōārākoa”, ārĩ gũñabꝛ.

²¹ Irasirigꝛ yoaripoe gꝛa baabirimakũ ĩāgũ, Pablo gꝛa watopegue āārādi wāgānꝛgā, āārĩpererārē ārĩmi:

—Mꝛsā yꝛ Cretague weredeare pémakũ ōāgorabukuyo. Marĩ iro wirimerā, irure poyanorē, doebiridere dedeubiriboakuyo. ²² Irasirirā dapagorare yꝛ weremakũ péka! Gũñaturaka! Gũibirikōāka! Neō sugꝛ boabirikoa. Iru doódiru dita dederirokoa. ²³ Yꝛ Marĩpꝛyagꝛ āārā. Īgũrē bꝛremua. Dapagā ñami ĩgũrē wereboegꝛ yꝛre deyoami. ²⁴ Āsũ ārāmi: “Pablo, neō gũibirikōāka! Mꝛ romano marā opꝛre mꝛ irideare weregꝛkoa. Marĩpꝛ mꝛrē maĩrĩ merā ĩāgũ, mꝛ sērēaderosũta mꝛrē, mꝛ merāmarā irugue āārĩrādere taugꝛkumi”, ārāmi. ²⁵ Irasirirā gũñaturaka! Marĩpꝛ ĩgũrē wereboegꝛ yꝛre ārāaderosũta waamakũ irigꝛkumi, ārĩ bꝛremua. ²⁶ Irasiriro marĩrē nꝛgũrōgue mirũ wējāpumeétúrokoa, ārĩ weremi Pablo.

²⁷ Su ñami, pe semana gꝛa Cretare wiriadero pꝛꝛꝛ, wádiya Adria wāikꝛdiya mirũ bꝛro wējāpuro gapꝛta waabꝛ dapa. Ñami deko āārĩmakũ, doódiru moārā: “Marĩ nikũgue ejarā irisuyua”, ārĩma. ²⁸ Irasirirā pũgubudague

kōmerũrẽ s̄uatúdiyu keoñama. Īgūsã keoñamakũ, treinta y seis metrogora ũkũãbũ. Mérõta waa, dupaturi keoñamakũ, veintisiete metrogora ũkũãbũ. ²⁹ Irasirirã ñami ããrĩyomakũ, ũtãyerigue meétuabukoa, ãrĩ güirã, ãsũ irima. Wapikuri majĩ kōme majĩrĩpare iriyaburigue pũgubudari merã s̄uatúadeare wejaturo gapũ meéyoma irirure tũãñeãpauburo, ãrĩrã. Irasiri odo: “Murĩgora boyoro gããmeadá”, ãrĩ güñarikũma. ³⁰ Iri ñamita irirure moãrã gapũ duridũarã irima. Irasiri gaji kōme majĩrĩrẽ wejadupiyuro gapũ meéyomurã yaa, ãrĩkato, doódirumarũ médirugãrẽ ãidiju, iriru merã duridũarã irima. ³¹ Īgūsã duridũamakũ ĩãgũ, Pablo surara opãre ĩgũyarã suraradere weremi:

—Īsã iru moãrã médirugã merã waamakũ, musã ããrĩpererã taribirikoa, ãrĩmi.

³² Īgũ irasũ ãrĩmakũ pérã, surara gapũ médirugã ĩgūsã s̄uadeadarire dititá, diague béokõãma.

³³ Boyoburi dupiyuro Pablo ĩgūsãrẽ baadoregũ, ãsũ ãrĩmi:

—Pe semanagora waáa, musã baamerãta bure güñarikuro. ³⁴ Irasirigũ taridũarã baaka! ãrĩ, bure s̄erẽa. Neõ sugũ musã dederibirikoa. Musãya poadaride neõ dederibirikoa, ãrĩmi.

³⁵ Irasũ ãrĩ odo, Pablo pãrẽ ãĩ, ããrĩpererã ĩũrõ Marĩpãre: “Mũ merã usũyáa”, ãrĩ, irire dukawa baami. ³⁶ Īgũ baamakũ ĩãrã, ĩgūsãde ããrĩpererã güñatura baama. ³⁷ Gũa irirugue ããrĩrã ããrĩpererã doscientos setenta y seis gora ããrĩbũ. ³⁸ Irasirirã ĩgūsã ããrĩpererã baayapi, pũrũ irirugue ããrĩrĩ, wari trigore diague béoma, kãrãwãridiru dujaburo, ãrĩrã.

Doódiru ĩmparogue soemurĭbeja mirĭdea

³⁹ Boyoripoe doódiru moārã nũgũrõrẽ ĩãboka: “Āsũ wãĭkuri nũgũrõ āārã”, ārĭ ĩãmasĭbirima. Dupatũgũguere ĩmparo āārĭmakũ ĩārã: “Sõõ bũanumuarã! Gajipoe irirã iro majãbukoa”, ārĭma. ⁴⁰ Irasirirã kõme majĭrĭrẽ ĩgũsã sũadeadarire ditimeédijubéokõãma. Iri odo, wejadupabu wejaturi ĩgũsã sũadeadarire kurama. Pũru iriru wejadupiyuro gapũ āārĭrĭ surĭ gasirore āĩwãgũnúma mirũ āĩaburo, ārĭrã. Irasiro ĩmparo pũro gapũ numuabũ. ⁴¹ Numua, wejadupiyuro gapũ ĩmparo ũkũãberogue soemurĭbejabũ. Neõ soebumasĭña marĭbũ. Iriru wejaturo gapũ makũrĭ pagari meétuamakũ waariakõãbũ.

⁴² Irasũ waamakũ ĩārã, surara gapũ ārĭma:

—Iru mirĭmakũ, marĭ peresu irianerã bãnumuã, duriakõãbukuma. Irasirirã ĩgũsãrẽ wẽjẽpeokõārã! ārĭ werenĭma ĩgũsã basi.

⁴³ ĩgũsã opũ gapũ Pabloure taudũagũ: “Neõ sugũre wẽjẽbirikõãka! Āārĭpererã bãmasĭrã mata nũgũrõ tũrogue bãnumuaka!” ārĭmi. ⁴⁴ “Gajirã taboa majĭrĭ merã, gaji iriruma waariadea majĭrĭ merã payanumuaka!” ārĭmi. Irasirirã āārĭpererã iri merã bãnumuã, õãrõ tariperekõãbũ.

28*Pablo, Malta wãĭkuri nũgũrõgue ejadea*

¹ Āārĭpererã tũrogue majãnũgãdero pũru iri nũgũrõrẽ ĩãmasĭbũ. Malta wãĭkuri nũgũrõ āārĭdero āārĭbũ. ² Iri nũgũrõ marã masaka gũare õãrõ irima. Deko merẽmakũ, gũare bũro yũsakubũ. Irasirirã gũare peame diubosa, sũmadorema. ³ Pablode pea

bojoñajāri seagū waa, seatiāmi. Īgū seatiāripoe āña ĩgū seadeague āārādi peame asiri güiwirigū, Pablöre ĩgūya mojōgue kūrīmeésiami. ⁴ Īgūrē kūrīmeésiamakū ĩārā, iri nūgūrō marā ĩgūsā basi āsū ārī gāme wereníma:

—Īi masakare wējēdi āārīkumi. Īgū dia wádiyare tariadi āārīkeremakū, marī b̄remugō masakare wajamoādorego ĩgūrē okadorebirikumō, ārādima.

⁵ Pablo gapū āñarē peamegue wējāsiri meépeokōāmi. Neō pūrīsūbirimi. ⁶ Irasirimakū ĩārā, iro marā gapū: “Bijiakōārokoa”, ārīma. Īgūrē bijibirimakū ĩārā: “Gūñaña marīrō kōmoakōāgukumi”, ārīma doja. Yoaripoe ĩgū pūrīsūbirimakū ĩārā: “Īi sugū ūmugasigue marā opū āārīkumi”, ārīma.

⁷ Ḡua majādero p̄uro iri nūgūrō marā opū Publio wāikūya nikū āārībū. Ḡuare ĩgūya wiigūe siiuami. Irasirirā ḡua ūrenū ĩgū merā āārīmakū, ḡuare ōārō irimi. ⁸ Publio pagū nimakūri yojo merā sīrīgū ĩgū kārīrōgue peyami. Irasirigū Pablo ĩgūrē ĩāgū waa, ĩgūya taribugue ñajāa, Marīp̄ure sērē odo, ĩgūya mojōrī merā ĩgū weka ñapeo, taumi. ⁹ Īgūrē taumakū ĩārā, āārīpererā gajirā iri nūgūrō marā pūrīrikurā Pablo p̄uro ejama. Īgūsā ejamakū ĩāgū, Pablo ĩgūsādere taumi. ¹⁰ Īgū irasirimakū ĩārā, wāri gajino sīma, ḡuare ĩgūsā b̄remurīrē ĩmurā. P̄urū ḡua waaburi dupiyurogā āārīpereri ḡua gāāmerī, ḡua baaburidere doódirugue durisābosama.

Pablo Romague ejadea

¹¹ Ḡua iri nūgūrōgue ūrerā abe āārādero p̄uru, doódiru Alejandríague aaradiru merā waabū doja.

Iriru iri nūgūrōgue puibū tamudero āārībú. Iriru wejadupiyurore pērā masaka būremurā Cástor, Pólux wāikurā keori weadea āārībú. ¹² Gūa iriru merā waa, Siracusa wāikuri makāma perague ejabū. Irore ūrenū āārībú. ¹³ Iri makārē wiriwāgā, iri nūgūrō turo taria, Regio wāikuri makāgue ejabū. Gajinū gapū gūa waaripoe gūa pūru gapū mirū wējāpuwāgāribū. Irasirirā gajinū gapūta Puteoli wāikuri makāgue ejabū. ¹⁴ Iroque gajirā Jesúre būremurārē bokajabū. Īgūsā gūare: “Su semana gūa merā dujaka!” ārīmakū pērā, su semanagora Īgūsā merā dujabū. Pūru Romague waarā, maa merā waabū. ¹⁵ Gajirā Roma marā Jesúre būremurā gūa waarí kerere pērā, Apio wāikuri makāgue gūare bokatīrīrā ejama. Iri makā doebiri duari makā āārībú. Pūru maague yoaweyaro waaripoe naarā kārīrī wiiri, ūre wii āārīrōgora gajirā gūare bokatīrīrā ejama. Īgūsā bokatīrīrā ejamakū ĩāgū, Pablo ūsuyari merā Marīpūre: “Mūrē ūsuyari sīa”, ārī, siñajā gūñaturakōāmi. ¹⁶ Romague gūa ejadero pūru, surara opū peresu āārīrārē Pablo merā āīānerārē iro marā peresu āārīrārē korerā opūre wiāmi. Pablo gapūre: “Sugūta āārīdūamakū ōārokoa”, ārī, sugū surara Īgūrē korebure pími.

Pablo Roma marārē buedea

¹⁷ Ūrenū pūru Pablo judío masaka oparārē iro āārīrārē siiu neeōmi. Īgūsā nerēperemakū ĩāgū, āsū ārīmi:

—Yaarā, yū marīyarārē, marī ñekūsāmarā iriunadeadere tarinūgābirikeremakū, Jerusalén marā yūre ñeā, romano marā oparāguere wia, yūre peresu irima. ¹⁸ Romano marā oparā gapū yūre

sērēña wiudɥadima wējērō gāãmea, ārĩrĩ bok-abirisĩã. ¹⁹ Marĩyarã judío masaka gapɥ neō yɥre wiudɥabirima. Īgūsã irasirimakū ĩãgū: “Romano marã opɥre yɥ irideare weredorerã iriuka!” ārĩ sērēbɥ. Irire sērēgū, yɥ gapɥ marĩyarãrē: “Ñerō irima”, ārĩ weresãbiribɥ. ²⁰ Irasirigɥ mɥsãrē ire werebu siiuabɥ. Marĩ judío masaka yoaripoe yúdi, marĩrē taugɥ, Jesucristo ããrĩmi. Yɥ ĩgūrē bɥremurĩ waja peresugue i kōmeda merã sɥasũdi ããrã, ārĩ weremi Pablo judío masaka oparãrē.

²¹ Īgūsã ĩgūrē ārĩma:

—Neō su papera pū, marĩyarã Judea marã, mɥyamarē gojadea pūrē ñeãbea. Īgūsã õõgue naarã ejanerãde mɥrē neō ñerō ārĩ weresãbirima. Gajirãde: “Ñerō irimi”, ārĩ werebirima gɥare. ²² I ditare masĩa. ããrĩpererogue marã masaka mɥ merãmarãrē: “Īgūsã bueri ñegorãa”, ārĩ werenĩma. Irasirirã mɥ buerire pédɥakoa, ārĩma.

²³ Irasirirã sunɥ irire werenĩburinɥrē beye odo, waakõãma. Pɥɥ irinɥ ejamakū ĩãrã, wãrã masaka Pablo ããrĩrĩ wiigue ejama. Irasirigɥ boyoripoe ããrĩmakū, ĩgūsãrē buenɥgãdi, bueneãkõãmi. Marĩpɥ ĩgũyarãrē doreri kerere buemi. Moisés gojadeare, Marĩpɥya kerere weredupiyunerã gojadedere buemi, Jesúre bɥremuburo, ārĩgū. ²⁴ Surãyeri ĩgū buerire bɥremuma. Gajirã gapɥ neō pédɥabirima. ²⁵ Irasirirã surosū gũñabiri, wirianokõãma. Īgūsã wiriaripoe Pablo ārĩmi:

—Õãgū deyomarĩgū Marĩpɥya kerere weredupiyugɥ Isaías merã marĩ ñekūsãmarãrē diayeta weredi ããrĩmĩ. ãsū ārĩ weredi ããrĩmĩ:

26 Masakare āsū ārī weregū waaka: “Ūmurikū mūsā yaare pékererā: ‘Irasū ārīduaro irikoa’, ārī neō pémasībea. Ūmurikū yū ōārō iririre iākererā: ‘Irasū ārīduaro irikoa’, ārī neō iāmasībea”, ārī wereka ĩgūsārē!

27 Yaa werenírīrē pémerā diayeta pémasībema. Irasirirā gāmpūrī pémerā, koye iāpāmerā irirosū āārīma. Irasū āārīmerā iāmasī, ōārō pémasībukuma. Irasirirā yū pémasīrī sīrīrē oparā yūre būremubukuma. Irasirigū ĩgūsārē taoboakuyo, ārīdi āārīmí.✧

28 Irasirirā mūsā yūre péduabiri waja dapagora merā Marīpū masakare tauri kerere judío masaka āārīmerā gapūre wererā waarākoa. ĩgūsā gapū pérākuma, ārīmi Pablo judío masaka ĩgū pūro nerēanerārē.

29 ĩgū irasū ārīmakū pérā, ĩgūsā basi būro gāme turi wiriama.

30 Pe bojorigora Pablo iro marā ĩgūrē wayudea wiigūe āārīmí. ĩgū iri wiigūe āārīrī waja ĩgūsārē niyeru merā wajaranami. Iri wiigūe āārīgú, ĩgūrē iārā ejanarārē usuyari merā bokatīrīñeānami.

31 Güiro marīrō Marīpū ĩgūyarārē doreri kerere, Jesucristoya keredere buenami. Neō sugū ĩgūrē: “Buebirikōāka!” ārībirima.

Iropata āārā.

Lucas

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 22 Feb 2024 from source files
dated 29 Jan 2022
1a0774e8-d152-5929-891b-95e0d2238786